



www.dignityonline.org.uk

Matalikilo 1:

Buumi Bwatalika

Basikulembulula:

Sarah Small,

Jon Paul Witt,

Alan Scantlebury

alimwi a Jo Kimball



Matalikilo 1

Buumi Bwatalika

*'Bayakwiitwa kuti masamu abululami,
Kusyangwa kwa MWAMI
Mukutondezya mumuni wakwe.'*

Izaya 61:3b

Matalikilo 1: Buumi Bwatalika, Bulembo Butaanzi, Vwumbi Pati 2017

Nguzu zybulembi © Dignity 2017. Nguzu zyoonse zyakwabililwa.

Mubakwabe ba Dignity

Mulebele: 6 Barlow Moor Road, Didsbury, Manchester, M20 6TR, UK

Emelo: hello@dignityonline.org.uk

Luwaile: +44(0)7340753937

Kulumba

Dignity balumba Jesu ku buumi mbwaatupa kuti twiinde mubbuku eeli.

Dignity balumba akusyoma muntu oonse wakatola lubazu ku mulimo ooyu.

Mulimo wa Dignity

Dignity babelekela aamwi abaabo mumbazu zyili kule alimwi bakulwaizya maumi acincide aliwmi azyooko kuti zyilete lwanguluko kuzwa ku bucete kwiinda mubulongwe a Jesu. Eeci tucikonzya kucijana kapati kwiinda Mutubunga twa Buumi, ooto tusolwedelwa azyooko zybana Kristu tubamba bantu kukonzya kweenda mumsi mumsi lya Jesu akutondezya luyando kuli baabo babazungulukide. Kwiinda mumaumi eesu tubona bantu bapona maumumi akondelezya alimwi akubaa lubazu mumaleele abuzuba abuzuba. Amumvwe kunji kuli www.dignityonline.org.uk

Kabunga kabamba Matalikilo

Basikulembulula: Sarah Small, Jon Paul Witt, Alan Scantlebury alimwi a Jo Kimball

Babali Baziyanza: Cornelius Chalwe, Gervas Chalwe alimwi a Dorothy Jikubi

Babali Bakubona Bulubizi: Rachel Warner, Mark Vermes, alimwi a Abigail Cummings

Bapandulula: Habeenzu Nchimunya Joseph

Twaambo tuzwa mu Bbaibbele

Bbaibbele lya mu Chitonga (Zambia) © United Bible Societies, 1963. Yabelegwa

muku suminishigwa. Yoonse intu tiyasuminigidwe munyika yoonse.

Zyitondezyo Zyabweende

Zyitondezyo zyabweende zyakabambwa aba Metro Icon Studio 5 akulembwa aba

SyncFusion. Zyitondezyo zyakazumizyigwa kubelesegwa.

Matalikilo

Matalikilo nciyo cigwasya bantu kuzyiba akukomena mu bulongwe bwabo a Leza alimwi cilabakulwaizya kubamba cooko cabo. Cakalembelwa kupa zyibelesyo zyzisumpukide zyikonzya kubelesyegwa mumasena aindene indene amutubunga twazyiyanza munyika. **Matalikilo** ajisi mabbuku one, alimwi kalijisi zyiyo zyambungwa zyakukwabana zyili kkumi azyotatwe.

Matalikilo akalembwa abalembi beenzu basikulyaaba kuzwa munyika alimwi akubikkwa antoomwe akulembululwa aba Dignity.

Matalikilo 1: Buumi Bwatalika libambidwe baabo bapya na batakwe lusyomo. Kuzwa kumatalikilo maubauba lilasolwedela bantu munzila zyitaanzi zya lusyomo akuzyiba Leza.

Matalikilo 2: Buumi Bulakula ciyaka matalikilo aawo lusyomo mpolunga lwakomena akupa luzyibo lwa njiisyo zygwasyilizya bubelesi bwa Bbaibbele amupailo.

Matalikilo 3: Buumi Bulalenga cibikkila maano kubona basiciya mbobakonzya kucinca zyintu zyibazungulukide. Muna Kristu uuzwide ulalengulula buumi mbwapedwe mucooko alimwi abwabamwi.

Matalikilo 4: Buumi Bulakomena cilanganya mbuli muna Kristu uusimide mbwabede. Eeli bbuku lilazumanana amakani oonse azyibeela, kwasindinganya akwakwazamuna.

Bulembi

Matalikilo 1: Buumi Bwatalika cakalembwa abalembi basikulyaaba ba mumabazu anyika. Balembia bakayungiza ku bbuku eeli balilembedwe mayina aabo mbuli mbwaccililene.



Ba Cornelius Chalwe Mbasololi Basintanze mukabunga ka Dignity, mbapaizi ku Anglican, mbagwasilizi mukucinca alimwi balaa mpuwo kukukomena akulufwutuko lwa bantu ba Leza. Balamuyanda Leza, balasyoma kuti jwi lyakwe lileta lwaanguluko akujula zyooko aminzi kuli Leza.

Cibeela 11

Ba Alan deWet balo balipandulula kuti mba manjimela, mbalimi, mbalumi, mbausyi alimwi mbalongwe bakambauka, bayiisya ino balalemba. Tulibazyi kuba bantu bayanda Leza eelyo balaabanya buumi Leza mbwabapa mumilimo yabo yoonse.

Cibeela 6



Ba Kurt Francis mbagwasiliziyi mubukambausi ku Ruthin nChristian Fellowship ku Wales. Bakwete ba Ann, bajisi bana balombe botatwe eelyo ono mba Kaapa balimvwa. Bamvwa kabotu kubala akuba aciindi abalongwe amukwasyi alimwi muzyiindi balalobola.

Cibeela 2



Ba Mary Hardy bakatalika kusyoma muli Kristu ciindi nobakali kwiiya ku Manchester, ku Ngilandi. Bakwetwe kuli ba Randall alimwi bakayobozya myaka minji mumukwasyi wabo ujisi bana 6, balayiisya acikolo ca bana Kristu alimwi aa ng'anda. Balakondwa kukwabana amukwasyi wabo, kubala, kulima mbeu, misyobo azyakacitika.

Zyibeela 7 a 8



Ba Jo Kimball bakazulilwa mumbunga ya Dignity kuzwa mu 2008, kweenda kapati mu Zambia kuti babeleke atubunga twa buumi amaunga aleta kucinca. Mbeendelezi alimwi mbakulwaizi bakondwa kubona bamwi kabazwidilila akwiiya ncoocaamba kuyandwa kuli Jesu.

Cibeela 5



Ba Ben Jeffery mbeendelezi ba Soul City, cikombelo ncobakatalika abakaintu babo ba Emma mu Stockport, ku UK. Mbapya mumbunga ya NewThing Global Operations yalo ibamba bweende buya kutalika mazyalane azyikombelo zyili 10,000 kusikila mu mwaka wa 2020.

Cibeela 1



Ba Tobias Ngalais mbobasolwedela bakambausi baku Trinity Chapel ku Mombasa, ku Kenya. Bakwete ba Joyce eelyo balilelekedwe abana basimbi bobile, balayandisisya kusyanga zykombelo eelyo bajisi bbonambele lya kuba acikombelo cipa buumi mudolopo adolopo mucooko ca Africa. Bamvwa kabotu kufwula bakambausi abasololi.

Cibeela 10



Ba Sarah Small bakakomenena mu Yorkshire mpoona bakabala zya Busyomi a Bbaibbele mu Manchester. Kutobelanya amyaka iili kkumi njobakabeleka ncito ya kulyaaba mu UK amu Africa, lino balisangene mumakanze amudolopo mu UK. Balanganya busololi bwa cikombelo, milimo ya kulyaaba alimwi abuumi bwa mukwasyi abana 2 eelyo bakazwa akumanizya kuyungizya lwiiyo lwa Bbaibbele.

Zyibeela 4, 9 a 13



Ba Jon Paul Witt mbobakapanga Dignity alimwi bakabeleka acikombelo mu zyisi zyinji. Mbantu bayeeya, bataanzi, bavwangeli alimwi mbasikutola mulumbe. Ba Jon bakwete ba Judith eelyo bajisi bana 3. Bakkala akati ka Zambia a UK. Kuyandisisya kwa ba Jon nkwakubona bantu kabazyiba Jesu eelyo kutegwa cilete kucinca muzyooko zyabo.

Cibeela 12

Balembi bacibeela 3 bakalombozoya kutaambwa zyina.

Zyili moomu

| | |
|--|-----|
| Bwakubelesya bbuku eeli..... | 1 |
| Kulela kabotu bana notuli ku Tubunga twa Buumi | 7 |
| 1: Buumi Bupya kuzwa kuli Leza | 8 |
| 2: Buumi Bwa Leza Muli Ndiswe | 22 |
| 3: Buumi Bupya Bulakomena | 32 |
| 4: Kwaabana Buumi Bupya | 44 |
| 5: Kukomena Mumukwasyi Wa Leza | 54 |
| 6: Mubusena Bwa Kawiiwi a Leza | 64 |
| 7: Ino Bbaibbele ninzi? | 74 |
| 8: Bwakubala Bbaibbele..... | 88 |
| 9: Ino Mupailo ninzi?..... | 98 |
| 10: Kupailila aamwi | 110 |
| 11: Kukombela Antoomwe | 120 |
| 12: Muya Usalala Upa Buumi..... | 132 |
| 13: Cibeela Ca Bukosoozyi | 142 |

Bwakubelesya bbuku eeli

Eeli bbuku libambilidwe kubelesyegwa mu njiisyo zya mutubunga. Pele alikke mweendelezi wa ciyo ngoweede kuba abbuku eeli. Mweede kumanizya cibeela acimwi mu muwoola lyomwe kusika kuli obile. Kuti na mwayanda kwiindilizya, nkokuti inga lyoonse kamumanizya cibeela comwe mumwiki zyobile.

Bwakusolwedela ciyo

Nciyandisi kubona masimpe kuti bantu boonse batola lubazu mu njiisyo. Takuli biyo kuya bubala akupa malailile pe. Tusyoma kuti umwi aumwi muntu ulijisi bwiindene mbwakonzya kutola lubazu alimwi Leza ulatuuyisya kwiinda muli baabo bali muni lyesu. Muli kaako, ziyiyo zyilembedwe munzila yakuti bantu boonse bayakuyandika kutola lubazu. kuli zyamumutwe, mibuzyo, tusobano, twaano amibandi iya kuyanda muntu oonse kutola lubazu.

Mbuli musololi wa kabunga mweede kutalisya mubandi akubona kuti mubandi weendelezya mucimo ceelede, pesi tamweede kucita zyoonse lwenu.

Mweede kukulwaizya bantu bafwa nsoni abaumwine kuti basole kunana ciindi nobakonzya. Mweede kukulwaizya bantu basicoongo abankanwe kuti bape ciindi kuli bamwi kutegwa abalo bape mizeezo yabo.

Ncomuyandika mucibeela coonse

Zyibeela zyibambidwe kuba zyuubauba akutayanda zyibelesyo zyinji. Muyakuyanda:

- Bbuku eeli ku mweendelezi wa ciyo
- IbbaiBBele (cilagwasya kuti bantu basyoonto buyo bakonzya kuleta ma BbaiBBele abalo, pesi tacili ciyandisi)

- Zyilembyo amapepa, ziywula kubelesyegwa muzyakucita. Mukulwaizye bantu kuziyeta kuzwa ku maanda aabo.

Nakuli cimbi ciyandika, ciya kulibonya ku matalikilo aciyo nacyandikila nzi. mweelede kulibambila zyintu eenzyi muciiindi.

Zyitondezyo zya kumugwasya

Kumugwasilizya kweendelezya zyiiyo twabikkilizya zyitondezyo zyakumwaambila cakucita ku cibeela acimwi. Zyitondezyo zyilitondezyedwe anselelo abupanduluzi bwazyo. Ono amujane ciindi cakuzyiba citondezyo acimwi ncoocaamba eelyo mwiinde muzyiiyo zyisyoonto mpoona mubone mbozyibelesyegwa. Eeci ciya kuubyaubya mulimo nomweendelezya ciyo.



Kulibambila

Mukubonenesya kuti acimwi ciyo ceenda kabotu kabotu kuli tuntu tutasyupi tomweelede kucita mukulibambila. Eezyi ziyatikizya kubonenesya kuti mwajanina limwi zyintu ziyandika ku ciyo akubikka beendelezi basikulyaaba antoomwe kamutaninga swaana. Mweelede kuzyilanga kwacaala mazuba masyoonto akuswaana kutegwa mube aciindi cakucita ceelede kucitwa.



Muzeezo

Acimwi cibeela citalika amuzeezo. Eeci ncecimutondezya ncomweelede kuyiisya kabunga alimwi aceeco boonse ncobeelede kuzyiba bamanizya ciyo. Mweelede kubikka mizeezo eeyi lyoonse mumutwe akulibuzya namulakkwanisya kugwasya bantu kwiiziyiba. Ncibotu kotalisya kwaabila kabunga eeci.



Cipeto Camumutwe

Muntu oonse aiye cipeto camumutwe alimwi akonzye kucaamba kusikila ku masimpilo aciyo. Mweelede kubayiisya kwiinda mukubalisya cipeto camumutwe alimwi amukonzyanyo wamu Bbaibbele ku kabunga. Mwamana alimwi mucibale pesi mubale

tubeela tusyoonto, mubone kuti kabunga kalatobelezya. Mwiindulule oobu, mbiccaana mbiccaana mubale zyibeela zyilamfu kabunga zyokati tobelezye kusikila limwi boonse bacizyibe lwabo. Mukulwaizye bamwi kusola kwiindulula muli lwabo.



Caano

Twaano ninzila mbotu ya kotalisya zyiyo akwiya cimwi cinyenzi. Boonse balakondwa kuteelela twaano alimwi ncubauba kuyeeya! Mwaambila kabunga twaano, mweelede kubona kuti mwatuswaanganya ku buumi kwiinda mukubaa mambonwa. Kuti kakuli omwe mukabunga kenu ucizyi kwaana inga cabota kumulomba kuti aane twaano. Mweelede kumwambilila limwi ciyi kacitana sika kutegwa alibambile.



Luzyibo lwamu Bbaibbele

Acimwi ciyi cilijisi cibalo cakubala comwe kuzwa mu Bbaibbele, zyimwi ziyisi zyinji. Kuti mukabunga kenu kakuli bantu bacizyi kapati kubala inga mwabalomba bamubalila. Mweelede kubaambilila limwi kutegwa balibambila na baamba kuti tabayandi. Muyeeye kuti bamwi bantu tabacizyi kubala aboobo kubalombela kumpela lya bantu kuti babale mpoona bakaka inga kwaba kudasampula.



Kukanana

Kuli zyimwi zyibeela zyelela kubalisya kuzwa mubbuku. Nomwiinda muli zyeenzi mweelede kwiima-ima ciindi aciindi, kapati kwamana twaambo tupati-pati, mubabuzye bantu nabamvwa ncomwaamba. Natibamvwa, mweelede kwinduluka cibeela na kubandika cimwi cintu kutegwa mubagwasye kumvwa.



Mubandi

Kwiingula mibuzyo akubandika zyintu cigwasya bantu kwiiya

akuzyiba cintu muli lwabo beni. Eeci cilabagwasya kuciyeeya eeco cintu. Mwabona citondezyo ca mubuzyo nciyandisi kubuzya kabunga mubuzyo akukulwaizya bamwi bairidene-indene basyoonto kuti bape bwiinguzi. Aabona mibuzyo nja mibandi mutubunga tuniini. Kuti na ciyo cimwaambila kucita boobo, mweelede kwabanya bantu mutubunga twa bantu 3 na 4 eelyo mubape ciindi cakubandika mubuzyo. Mbunga yaboola antoonwe mupe ciindi kukabunga akamwi kuti kape kaambo na twaambo tobilo tupati-pati tobabandika.

Na kuli mibuzyo minji naaba mikonzyanyo ya mu Bbaibbele njomuyanda mukulwaizye muntu mukabunga akamwi kuti aifotole mibuzyo kubelesya luwaile lwakwe na kamulibambilila limwi kwiinda mukwiilemba mutupepa tunji.



Cakucita

Bantu balaiya kwiinda mukaba amambonwa alimwi akucita cimwi. Zyakucita zyilagwasya kuti eeci cicitike. Mweelede kusanganya muntu oonse muli zyakucita akukulwaizya kucita mambonwa nobacita cakucita!



Mupailo

Eeco Leza ncaamba ku bantu cacigaminina nciyandisi kapati. Tuyanda kukulwaizya kabunga kenu kuti kakapaila akupaililana nocakonzyeka. Kufwumbwa mwabona citondezyo eeci mweelede kwaambila bantu kuti bapaile. Kuli nzila zynji zyakupaila zyibelesyedwe mubbuku eeli lyoonse. Aabona kabunga kalalombwa kupailila aamwi, aabona mutubunga tuniini alimwi aabona bobile-bobile. Aabona bantu baambilwa koompolola kuli Leza alimwi muzyiindi zyimwi bantu balombwa kupaila mukawiiwi. Nciyandisi kubona kuti mwasiya ciindi cinji cakupaila akukulwaizya bantu kuteelela caamba Leza.



Cakucita iino mvwiki

Aimwi mvwiki ilijisi mulimo wa kucitila ku ng'anda. Mweelede kupandulula kabotu kabotu kutegwa bantu bakonzye kumvwa alimwi mpoona mukulwaizye bantu kucita eeci iino mvwiki. Kumatalikilo aciiyo coonse, mweelede kupa bantu ciindi cakupa bwiinguzi nabakaubeleka mulimo ngobakapedwe.



Kamboni

Nciyandisi kutondezya luyando lwa Jesu kuli baabo batuzungulukide. Inga twacita ooku munzila zyinji zyiindene. Acimwi ciiyo citupa muzeezo wa mbotunga twacita eeci. Mweelede kupandulula kabotu kukabunga akukulwaizya boonse kucita milimo eeyi mu mvwiki. Mbuli mbotutondezya luyando lwa Jesu kuli baabo batuzungulukide tusyoma kuti Jesu uyakucinca maumi akuleta lwaanguluko. Inga cabota kukulwaizya bamukabunga kuba abulembo bwa bantu mbobakanana limwi mbuli lubazu lwa milimo eeyi akubakulwaizya kubapailila.

5

tuvwalu-
vwalu

Bweende bwa ciindi

Mumasena aamwi twabikkilizya amuzeezo wabulamfwu bwa ciindi ca cakucita na ca mubandi mbuyelede kulampa. Eeci ciya kumugwasya kweendelezya ciiyo muciiindi ceelede.

Zyibalo zyamu Bbaibbele amikonzyanyo

Mwabona zyina anambala kazyengeledwe mbuli boobu Intembauzyo 1:4-6 cimutondezya cibalo kuti cizwa mu Bbaibbele. Eeci lwaco caamba kuti mweelede kubala bbuku lya Ntembauzyo, cipati ca 1 cisyoonto zya 4 kusikila ku 6.

Kulela kabotu bana notuli ku Tubunga twa Buumi

Antoomwe twakabamba milawo myubauba kutegwa bana besu batabi muntenda nokuba kuti bali ang'anda na ku Kabunga ka Buumi. Eeyi milawo mibotu kwiibelesya aku zyibeela zyimwi zya buumi. Nokuba kuti tulabeleka mummyuunda yesu, ku cikombelo naaba notuli abeenzuma, Leza uyandisya kubona kuti bana besu bali kabotu.



Muntu oonse uuba ku kabunga abone kuti bana bakwe bali kabotu ku ng'anda alimwi balangwa aa muntu usyomeka naaba kubaletelezya bana babo.



Basololi batubunga bayeezye bantu ba mutubunga kubonenesya kuti bana babo bali kabotu ku ng'anda alimwi balangwa aa muntu usyomeka eelyo balitambwidwe kukabunga.



Kufwumbwa ooyo mukabunga ubeleka aa bana atabeleki alike pele aumwi na bobile bantu. Na mbobile bantu, tabeelede kuzwa ku mukwasyi omwe. (Beelede kuzwa ku mikwasyi iindene.)



Aabo babeleka aa bana mukabunga beelede kuti bakali kuvwula kusika ku kabunga antela kwa myezi yotatwe.



Basololi batubunga abantu bamu tubunga tabeelede kufotola bana ciindi nobali mumilimo ya Tubunga twa Buumi.



Kuti na bana kabaabana cakulya ku miswaangano ya tubunga, mubone kuti cili kabotu kulya.



Batubunga baswaya mikwasyi muzyooko abaunke bobile-bobile, mukonzyanyo baalumi 2 baswaye mwaalumi na bamakaintu 2 baswaye mukaintu.

1

Buumi Bupya kuzwa kuli Leza

'Mebo ndazyida kuti
babe abuumi, akuti
buvwule.'

Johane 10:10b



Kulibambila

Ncomuyandika ku cibeela eeci:

- Cilembyo apepa cenu acaambali ambweni umwi taleta cakwe.

Sena mwaka:

- Lomba uumwi mukabunga kuti abale caano?
- Lomba uumwi mukabunga kuti abale caano ca mu Bbaibbele?
- Baambila boonse kuleta cilembyo amapepa?



Kutambulwa

Cilakonyeka kuti bantu mukabunga kabatazyibene boonse.

Mutalike iino mvwiki kubaambila boonse zyina lyenu akubalomba boonse abalo baambile kabunga mazyina aabo. Mweelede kubalumba boonse kukuboola eelyo mupandulule ciya kucitika mukabunga. Mupe mupailo mufwaafwi, wakulumba.

5

tuvwalu
-vwalu



Muzeezo

Muzeezo wa ciyo eeci iino mvwiki ngwa kuzyiba kuti kutobela Jesu caamba kubamba matalikilo mapya, ooko inga kwaba matalikilo aamaumi eesu mapya. Zyakaindi zyesu zyilalubwa. Kaindi twakazyi buyo zya Leza; ono tuzyi Leza.



Cipeto Camumutwe

Mubalise cipeto camumutwe alimwi amukonyanyo wamu

Bbaibbele ku kabunga. Mwamana alimwi mucibale pesi mubale

mutubeela-beela tusyoonto, mubone kuti kabunga kalatobezezya.

Mwiindulule oobu, mbiccaana mbiccaana mubale zyibeela zyilamfu kabunga zyakati tobelezye kusikila limwi boonse bacizyibe lwabo.

Mukulwaizye bamwi bantu kusola kwiindulula muli lwabo.

5

tuvwalu
-vwalu

Mebo ndazyida kuti babe abuumi, akuti buvwule.

Johane 10:10b



Caano

Mubale cibalo eeci ku kabunga.

Hetty Green ngo wakali kwiinda ‘bumama’ ku Amelika. Muntu mumama nguulya ubungika lubono, uliyobweda mali manji pesi ubelesya buyo masyoonto.

Nokuba kuti wajisi mali manji, Hetty wakali kukkala mbuuti mucete nkaambo taakali kuyanda kwaabelesya mali ngaakajisi. Wakati wakali kulya ceele citontola nkaambo cakali kudula kukasaazya meenda akucikasaazya. Mwanaakwe musankwa wakazyi kulicisa ubi ku kweendo pesi wakakaka kumubbadelela kuti asilikwe eelyo kweendo kwakeelela kutendwa. Wakafwa nakamana kukazyanya cabukali mukaambo mukupa usebedwe kuti ncouli mubotu tauduli kwiinda mukupa buyo.

Nakafwa Hetty mu 1916 zyoonse zyakajisi zyakabalilwa amuulo wa 100 million Dollars. Aayo akali mali manji mu 1916 alimwi asunu buya. Amuyeeyele kuba aa mali manji boobo pele kupona mbuli kuti tojisi manji? Hetty wakali jisi cili coonse ncali kuyanda pele takali kukkala buumi mbwakeelede.



Mubandi

Mubuzye kabunga ncokanga kacita nakakona mali manji?

3

tuvwalu
-vwalu

Muzumizye boonse bape muzeezo.



Luzyibo lwamu Bbaibbele

Bala Ba-Efeso 2:1-9 ku kabunga:

¹Lino anywebo wakamubusya, inywe nimwakafwide mundubizyo zyanu amuzibi zyanu, ²nzimwakali kweendela mulinzizyo insiku, cakutobela ziimbo zyaansi ano azyamweendelezi uujisi bwami bwakumuwo, nguwenya muuya uubeleka sunu mumyoyo yabana bakasampusampu. ³Akati kabaaba mpotwakali kuponena aswebo kalekale, nkaambo twakali mumayabwe aanyama yesu, twakali kucita zisusi zibi zyanyama azyamyoyo yesu, nkabela mubwiime bwesu twakali bana babukali mbubonya mbuli bamwi. ⁴Pele Leza, Sibuyaya loko, nkaambo kaluyando lwakwe lupati, ndwaakatuyandisya, ⁵nekuba kuti twakalifwide mumilandu, wakatubusya toonse antoomwe a-Kristo (luzyalo ndomufutuzidwe). ⁶Wakatusumpwida antoomwe anguwe akutukazika toonse mumyeenya yamujulu muli-Kristo Jesu, ⁷kuti mumizukulu iiza azootondezye buvubi bugambya bwaluzyalo lwakwe mulweetelelo lwakwe ndwaetelela ndiswe muli-Kristo Jesu. ⁸Nkaambo kakuti luzyalo ndolumufutisizye nkaambo kalusyomo, nkabela makani taazwi kulindinywe nubeni, ncipo buyo cizwa kuli-Leza. ⁹Teensi makani aancito zyesu, pe, kuti kutabi muntu uulikankaizya.




Tulakonzya kuswiilila ku caano ca Hetty Green alimwi akuyeeya kuti taakwe notunga twaba mbuli nguwe, pesi kasimpe nkakuti cipego ca Leza ncibotu kwiinda cintu cili coonse cinga caulwa amali, kakuli bunji bwesu tulakkala kakwiina kucitambula eeci cipego na mbuli kuti taakwe notwakapedwe cipego eeco.

Kampango kazwa mu Ba-Efeso nko twabala atala aawa nkabeela ka lugwalo luya ku cikombelo ciniini ku Turkey. Muli nkako, Paulu, mulembi, upandulula kuti mwakalifwide, pesi lino mulapona. Mwatambula buumi. Eelyo eeci ceelede kucinca zyoonse.

Pele ino caamba nzi kuti Leza wakatupa buumi bupya? Nzila yomwe ngubauba ya kuziyiba ceeci nja kubelesya cifwanikiso azyikweya 3.¹ Pandulula kuti uyakulemba cifwanikiso eelyo nobala cibeela citobela.

(Bweza cipepa, cipati ncecibotu, lemba ntaamu aimwi ya cifwanikiso mbuli mboya bubala cibeela citobela.)

Cikweya 1- Kunyonyooka



Natwalanga nyika ituzungulukide, inga twabona kuti zyintu tazyili kabotu. Tulabona kuti zyintu zyili nyonyookede. Bantu balaciswa, zykwati amikwasyi ilamwaika, bantu balacisana, balacengana alimwi balabbidilana. Bamwi bantu nkunji nkobajisi pele bamwi tabajisi kunji. Kuli kuzungaana kwa nyika azyilobe. Bantu azyisi balalwana.

Natwalilanga tobeni, tulizyi kuti tatuzulilide. Inga twabona muli ndiswe ndubizyo zytupanga eelyo nzila zyilinyonyookede.

¹ Cifwanikiso ca zykweya 3 cizwa ku Cikombelo ca Mukwasyi ku West Palm Beach, Florida. Ncibelesyo cikonzya kubelesyegwa kupanga zyimbi kakutakwe muulo.



Mubandi

Buzya kabunga nakuli cili nyonyookede muli nkako na munyika izungulukide?

3


tuvwalu
-vwalu

Kulwaizya muntu oonse ape muzeezo.



Cikweya 2 – Bubambe bwa Leza bululeme

(Lino lemba tumwi tubeela twa cifwanikiso tucuilila apepa lyako.)



Bbaibbele lilatwaambila kuti Leza nakailenga nyika tiya kanyonyookede. **Leza wakabambanyika** iluleme alimwi igambya. Lyaamba kuti mu [Matalikilo 1:31](#):

Elyo Leza naakabona zintu zyoonse nzyaakacita, wakabona kuti zyoonse zyangabona loko. Aboobo kwakaba igoko, alimwi kwakaba cifumo, buzuba bwamusanu abumwi.


Tucibona bunji bubambe bwa Leza munyika alimwi amu bantu batuzungulukide – zyoonse ziyibotu ziyibeela zya bubambe bwa Leza.

Bbaibbele lilazumanana kutwaambila caano ca bubambe bwa Leza mbobwa kanyonyoonwa nkaambo bantu bataanzi Leza mbakalenga

tibakamulemeke alimwi **bakamuzangila**. Aawa aciindi, cibi cakanjila munyika. Cibi ncintu cili coonse citwandaanya aa Leza. Cibi caamba kuti bulongwe bwesu a Leza bwanyonyoonwa eelyo nyika iluleme nja kayala Leza yanyonyooka. Eeci tulacibona mukunyonyooka nkotwakanana kale.

Bunji bwa bantu balasola kujana nzila zyakubambulula ku nyonyooka kuliko pele tabakonzyi kukubamba.

Cikweya 3 – Makanze aa Leza akubambulula kwiinda muli Jesu
(Lino lemba tumwi tubeela twa cifwanikiso tuccilila apepa lyako.)



Cibi cesu akunyonyooka nkotwiindamo zyaambilizya kuti twandaanyizyigwa kuli Leza, alimwi akuti tatucilangilwi kubaa buumi buzulilide. Leza, nokuba boobo, wakatuma mwanaakwe Jesu

kuzya kutufutula kuzwa ku lunyonyooko oolu.

Jesu wakaboola munyika yesu inyonyookede mbuli muntu mululami, akupona buumi bululeme. Wakabbadela muulo wa lunyonyooko lwesu acibi kubelesya buumi bwakwe, kutufwida. Pesi takafwidilila. Nokwakainda mazuba otatwe wakabuka kuzwa ku bafwu, kuluzunda lufwu. Kulyaaba kwakwe kwakapanga nzila ya kuti tubambululwe mubulongwe bwesu a Leza, kutegwa zyibi zyesu zyilekelelwe, akuti tupone mbuli mbocakayalidwe kuzwa ku matalikilo.



Cakucita

Buzya kabunga kaambe cipeto camumutwe ncotwaiya ku matalikilo. Bona kuti na bantu basyoonto balakonzya kucaamba lwabo beni.


3

tuvwalu-
vwalu



(Lino lemba tumwi tubeela twa cifwanikiso tuccilila apepa lyako.)

Twaiya kuti Leza wakabamba nyika iluleme pesi yakanyonyoonwa acibi. Twaiya kuti Jesu ngu Leza akuti wakaboola munyika, wakajaigwa alimwi wakajokela ku buumi. Sunu Jesu ulapona alimwi uli ku julu eelyo ulatupa cipego ca sambaulye: buumi buzulilide alimwi bumaninide.



Aumwi wesu weelede kusala na tuyanda **kutambula** cipego eeco Jesu ncatupa na tutozye kumbi alimwi akuzumanana kukkala mubunyonyoosi.

Kutambula cipego ca buumi kuli zyintu zyobile zyubauba zytuyandika kucita.

- Kuzwa ku cibi akuleka kuliponena (bunyonyoosi) alimwi **akujokela** kuli Jesu.
- **Kusala kutobela** Jesu akupona mbuli mbwatwaambila.

Kufwumbwa twacicita eeci Jesu utusyomezuya **kutujosya** ku nzila iluleme njotwakayalilwa. Ulatupa cipego ca buumi buzulilide oobo bwalo mbotweelede buyo **kutambula**. Eeci caamba kuti mpoona aawo inga twaba mubulongwe a Leza alimwi akuti Leza inga waboola kuzyi kukkala muli ndiswe. Caamba kuti alimwi mubuumi bwesu boonse anyika Jesu uya kutugwasya kukomena mubulongwe bwesu a Leza alimwi akutucinca kuti tube mbuli nguwe. Tuya kuba abuumi buzulilide!

Kufwumbwa buyo **twacitambula** eeci cipego ca buumi kuzwa kuli Jesu, Jesu utwaambila **kuyakuli** bamwi munyika aabo baciponena mubunyonyoosi kutegwa bamvwe akubona mbobanga baboola mumsi-mumsi aa Leza.

Mutapengi natamucimvwi kabotu coonse ncotwakanana. Cifwanikiso ca zykweya 3 ncibelesyo cigwasyilizya kutupa cifwanikiso cipati. Tuyakulanganya mizeezo njotwakanana kale mumabbuku aa **Matalikilo**.



Cakucita

Mubonenesye kuti cifwanikiso cenu citondezya zykweya 3 cili mpocikonzya kubonwa amuntu oonse.

Muntu oonse uyakuyandika cilembyo apepa. Nakuli baabo basyupikwa kulemba eeci inga cacitwa amajwi.

- Bikka kabunga muli bobile-bobile.
- Omwe muntu muli bobile alembe cifwanikiso ca zykweya 3, nkupandulula cikweya acikweya kuli oowo ngwali limwi eelyo nacilemba.
- Kufwumbwa buyo amana, muntu wabili ali bobile awalo acite mbweena oobo.

15
tuvwalu-
vwalu

Inga mwayandika kuyeezya muntu uuli oonse ujana buyumu-yumu mukuyeeya cifwanikiso ancocaamba.



Mubandi

Tobamwi inga kakuli twakasala kale kuccilila Jesu. Twakatambula kale cipego ca buumi cizulilide eeco Jesu ncapa.

15
tuvwalu-
vwalu

Tobamwi inga kakuli twakasala kale kuccilila Jesu pele tatuninga citambula bwini cipego ca buumi buzulilide alimwi tuciponena mubunyonyoosi. Tuli mbuli Hetty Green mucaano cesu walo wakajisi mali manji pele wakali kupona mbuli kuti mucete.

Bamwi besu inga kabatana sala kuccilila Jesu akutambula cipego ca buumi buzulilide.

Muli bobile - bobile, mubandike mibuzyo eeyi:

- Sena wasala kuccilila Jesu alimwi sena wakacitambula kale cipego ca buumi buzulilide?
- Kuti wakatambula kale, cakali buti caano cako ca kuswaangana a Jesu? Sola kwiingula mubuzyo omwe omwe mukavwalu-vwalu komwe.
 - Buumi bwako bwakali buti notakaninga muswaana Jesu?
 - Wakamuswaana buti Jesu?
 - Buumi bwako buli buti kuzwa nokaswaana Jesu?
- Kuti natonasala kuccilila Jesu, lino nceciindi cibotu kutambula cipego ca buumi buzulilide alimwi akumutamba Jesu mubuumi bwako. Tuyakupailila aamwi ku mamanino aciiyo eeci. Inga mwapaila amweendelezi eelyo mwatamba Jesu mubuumi bwenu. Musole kwaamba buumi bwenu mbobubede lino alimwi naa nkaambo nzi ncomuyandila kuzyiba Jesu. Tuya kupaila mupaila antoomwe ku

mamanino aciiyo eeci. Inga mwaupaila antoomwe
amusololi akutamba Jesu mubuumi bwenu.



5

tuvwalu
-vwalu

Bala mupailo ooyu ku kabunga. Bala muzyibeela zyifwaafwi wamana
waambile muntu oonse atobezezye cibeela acibeela kuti nakayanda
kumuzyibisisya.

Ndakulumba Jesu kundifwida.

Ndalumba kuti wandipa buumi bupya.

Ndalilekelela ku cibi alunyonyooko loonse luli mubuumi
bwangu.

Ndasala kuzwa kuli ceeco.

Muli zyoonse zyoondicitila

Ndasala kukuccilila eelyo ndakupa zyoonse zyejisi!

Undigwasye ndibe akumvwa buumi buzulilide.

Ameni.

Muzumizye ciindi cakuti bantu bazumanane kupaililana muli bobile
bobile kweendelanya amibandi njobajisi. Mubakulwaizye bateelele
eeco Leza ncabaambila.



Cakucita iino mvwiki

Aimwi mvwiki ilijisi mulimo wa kucitila ku ng'anda. Iino mvwiki,
ulembe zyoonse zyinyonyookede mubuumi bwako. Utalike
kumulumba Leza kuli zyoonse zyakacinca akubamba kabotu.



Kamboni

Utoleezye ku ng'anda cifwanikiso ca zykweya 3 ncoolemba. Ulisole
kucilemba kutegwa ucikonzye kucilemba kuzwa mumutwe. Pailila
mweenzinyoko mpoona umwaabile tukweya totatwe, mubandike
tukweya ncotwaamba ancoozyiba. Buzya mweenzinyo nauyeeya
kuti uli muli kali kakweya alimwi akuti naulayanda kumupaililwa.
Uzumanane kumupailila mvwiki yoonse.


Ciiyo Cakulisalila

Na bantu balijsi Bbaibbele eelyo bayanda kubala caano ca Leza mbwakalenga nyika alimwi amboyakanyonyooka cibi nocakanjila, inga bacibala eeci mu Matalikilo 1:3.

Na bantu bayanda kubala Jesu ncakacita nakaboola munyika, inga babala bbuku lya Maako mu Bbaibbele. (Mateyo, Luka a Johane aalo alaamba caano ca Jesu anyika.)

Bulembo

Buumi Bwa Leza Muli Ndiswe



'Bona, ndiimvwi kumulyango,
ndakonkomona, Na kuli muntu uuswiilila
ijwi lyangu akundijulila mulyango, nzoonjila
mulinguwe, nkalalile awe, alakwe ambebo.'

Ciyubunuzyo 3:20



Kulibambila

Sena mwaka:

- Lomba uumwi mukabunga kuti abale caano?
- Lomba uumwi mukabunga kuti abale caano ca mu Bbaibbele?



Kutambula Abwiinguzi

5

tuvwalu
-vwalu

- Mubalumbe boonse kuboola ku kabunga.
- Mutalike amupailo mufwaafwi, mubauba.
- Mubuzye kabunga na kakacita ‘Cakucita iino mvwiki’ alimwi ancito zya ‘Bukamboni’ zya mvwiki ya kainda.
- Mwiite bantu baambe cili coonse ncobakaiya na kuzyiba kuzwa ku zyakucita.



Muzeezo

Muzeezo wa ciiyo iino mvwiki ngwa kuzyiba kuti kuccilila Jesu caamba kuti Leza waboola kukkala muli ndiswe. Uli andiswe lyoonse eelyo ulatucinca mukati anze.



Cipeto Camumutwe

5

tuvwalu
-vwalu

Mubalisye cipeto camumutwe alimwi amukonzyanyo wamu Bbaibbele ku kabunga. Mwamana alimwi mucibale pesi mubale mutubeela-beela tusyoono, mubone kuti kabunga kalatobezezya. Mwiindulule oobu, mbiccaana mbiccaana mubale zyibeela zyilamfu kabunga zyokati tobelezye kusikila limwi boonse bacizyibe lwabo. Mukulwaizye bamwi bantu kusola kwiindulula muli lwabo.

Bona, ndiimvwi kumulyango, ndakonkomona, Na kuli muntu uuswiilila ijwi lyangu akundijulila mulyango, nzoonjila mulinguwe, nkalalile awe, alakwe ambebo.

Ciyubunuzyo 3:20



Caano

Mubale cibalo eeci ku kabunga.

Bantu bavwula kuti, ‘Bubotu buli buyo munyama’. Bube buvwula kubikkwa abantu azyintu kweendelanya ambobabede anze.

Ku Japani, kuli cakubumba citegwa *Doradango* (caamba ‘mbumbulu zani zyimweka’). Babumbi balazyibamba mbumbulu zani ziluleme kuzwa ku bulongo bwaansi. Batalisya bulongo buyumu yumu bwa lubwe lubwe kubamba mbozyitiibe. Balapa ciindi cisyoono cakuyumya mpoona mumazuba masyoono accilila balatakila kubikka bumwi bulongo atala busebedwe kusikila limwi imbumbulu yalulama iisika mbuli mfwaindi yako. Eeco inga cabe cilagambya, pele ncobacita kuzwa waawa cilainda kugambya.

Noitana yuminina mubumbi ulabweza kasani akutalika kucumba bulongo buli ku mbumbulu zani. Kwainda ma oola akuzungulusya kasani kumweka kululeme kulabambika. Zyamana kubambwa mbumbulu zani, ziyilabikkwa akapulanga kacikweya kuti bantu beebele.

Nokuba kuti inga yaboneka kubota buti, nokuba kuti mubumbi inga kali mukali buti na inga yamweka buti, ibambwa aa bulongo. Ndibbola buyo lya bulongo limweka, libambilwa buyo kweebela kakutakwe iimbi ncito.

Ibikke muciwemani ca meenda eelyo muciiindi ciini ulabona kuti yajokela mboyakabede lyoonse, nditombe buyo, kwiina cimbi.

Sunu tuyanda kwiiya kuti Leza uyanda kutupa bubotu kwiinda mukukkala muli ndiswe. Leza uli tuzyi alimwi ulakonzya kubona kwiindilila mpotuli anze, kutubona bwini bwini mbotubede. Tayandi

kutucumba atala mbuli mubumbi mbwacumba mbumbulu zani zya bulongo. Walo, Leza wasala kukkala muli ndiswe kutegwa akonzye kutucincila mukati.

Eeci caamba kuti tulakonzya kwiindana kapati ambumbulu zani zyimweka akuboneka kabotu anze pele zycili zya bulongo mukati. Twalomba Leza kuti akkale mukati kesu, tuli jisi caabilo cakukonzya akubota kwa kasimpe mukati aanze.



Luzyibo lwamu Bbaibbele

Bala 2 Ba-Korinto 4:1-12 ku kabunga:

¹Nkaambo kaako, mbuli mbutujisi eyi milimo niitwapegwa nkaambo kalweetelelo lwa-Leza, tatulengaani mummyoyo. ²Tulisowede makani, aasisidwe aausya bweeme. Tatweendi cabupyungi pe, nikuba kubisizya lusinizyo lwamakani aa-Leza, anukuti tulaamba lusinizyo antangalala, aboobo tulalilubulula kumanjezeezya aabantu boonse kubusyu bwa-Leza. ³Nkabela kuti Makani Mabotu ngitukambauka alivumbidwe, kumeso aabaabo bali mukusweeka nkwaavumbidwe, ⁴nkaambo kulimbabo muzimu waansi ano waofwaazyana meso aabaabo batazumina, kuti batapaswidwi mumuni wa-Makani Mabotu aabulemu bwa-Kristo, nguwe cinkozya caLeza. ⁵Nkaambo teensi makani aandiswe tubeni ngitukambauka, pe, tulakambauka kuti Jesu ngu-Mwami, alimwi swebo tuli bazike banu nkaambo ka-Jesu. ⁶Leza wakaamba kuti, Mumuni ulamunikila mudima, nkabela nguwenya Leza wakamunika mummyoyo yesu kukumunikila bantu akubazibya mbububede bulemu bwa-Leza buboneka mubusyu bwa-Kristo.

⁷Lino cintu eci ciyandisi tulicijisi munongo zyabulongo, kukutondezya kuti ezi inguzu zigambya zilazwa kuli-Leza,

tazizwi kulindiswe tubeni pe. ⁸Lyoonse buyo tulilemedwe, nekubaboobo tatuna kumanikililwa. Tulizingidwe nekubaboobo tatuna kuzingisigwa. ⁹Tulipenzedwe, nekubaboobo tatusiilidwe. Tuliwisizidwe ansi, nekubaboobo tatuna kulobelela. ¹⁰Lyoonse buyo tulatolelezya mumibili yesu kujayigwa kwa-Jesu, kuti buumi bwa-Jesu abwalo buboneke mumibili yesu. ¹¹Nkaambo mazuba oonse nitucilanga tulaabwa kulufu nkaambo ka-Jesu, kuti buumi bwa-Jesu abwalo buboneke mumibili yesu iifwika. ¹²Aboobo mulindiswe mulabeleka lufu, anukuti mulindinywe mulabeleka buumi.



Tuli mbuli nongo

Kampango kasunu kakalembwa a Paulu, umwi musololi wa cikombelo citaanzi. Paulu wakabelesya cifwanikiso ca nongo ya bulongo, ciyobwede ca bulongo cilibedeledede, cakaumpwa muondo. Nongo inga kaitali mbotu boobo kweebela. Kanji kanji inga yalibonya kuba cabuyo pele ilakonzya kubelesyegwa kuyobweda zyintu ziyandisi mbuli mungwimba, waini, cakulya na kakutu na cintu ciyandika mbuli ngolide ansiliva.

Paulu wakabelesya citondezyo ca nongo mbuli cifwanikiso cakwe alimwi andiswe.

Jesu uli mbuli cintu ciyandisi mukatu kesu

Swebo lwesu tuli mbuli nongo, tulakomooka akufwa. Paulu watondezya kaambo kakuti Leza wakatuma Jesu kuzya kuba ciyandisi mukati kesu.

Aabona inga twalibonya mbuti tuliindene. Leza wakali kubelesya Paulu canguzu pele mumukonzyanyo ooyu Paulu utondezya kuti tabuli busongo bwakwe na nguzu zyimupa bunkutwe. Walo ulati ciyandisi Leza ncaakabikka muli nguwe ncecimupa bunkutwe.

Paulu wakali kuti tacaambi mbotu libonya na nkunji buti nkotuzyi. Caamba buyo yooyo ngotuzyi – Jesu. Kuba alusumo muli Jesu, kutegwa tube aciyandisi eeci mukati kesu, nkumuziyiba Jesu lwesu.

Paulu wakalikuyanda kuti cikombelo cizyibe kuti cintu ciyandisi kapati ngu Jesu alimwi abuumi bwakwe kabubeleka muli ndiswe alimwi akwiinda muli ndiswe. Alimwi buya, mu Ba - Filipi 2:13 wakati:

*Nkaambo ngu-Leza uubeleka mummyoyo yanu, mbuli
mbwayanda, akumupa inguzu zyoonse nzimubula niziba
zyakukanza niziba zyakucita*

Leza uyandaula bantu babombe mwanga wabikka cintu ciyandisi. Wakatulengela muzeezo mupati alimwi uyanda kutupa cintu ciyandisi mummyoyo yesu – Jesu.

Sena uli mbuli nongo ya bulongo?

Ikuti wabikka nongo inyina ancoijisi muni-muni lya ciyobwedo cibambidwe kabotu, ciyobwedo cibambidwe kabotu inga cainda kuboneka kabotu. (Inga wabatondezya bantu eeci cifwanikiso kutegwa cigwasyilizye kutondezya kaambo.)



Ciyobwedo cibotezyedwe cilakukwelelezya kuli ncico alimwi cilajana kuyandwa. Ulakonzya kotalanga mukati.

Ciyobwedo cibotezyedwe cilakukwelelezya kuli ncico alimwi cilajana kuyandwa. Ulakonzya kotalanga mukati.

Bamwi bantu basala zyiboneka kabotu anze, kutandaanya bubotu, busongo, bube bwa mucooko na lubono. Bali mbuli ciyobwedo cibambidwe kabotu na mbumbulu zani mucaano cesu ca sunu. Balapona cakubula muzeezo kunze buyo akulikkomanisya (kuteywa baboneke kabotu). Balamvwa mulumbe wa Jesu, pele tabauzumizyi mumyoyo yabo. Eeci citacitoli ciindi. Mpoona, zintu zyimweka zyilatendwa, zyilanyonyooka akuleka kumweka.

Bamwi bantu tabalibiliki ambobalibonya anze eelyo babikkila maanu kuli cili mukati. Bali mbuli nongo italembedwe. Batamba Jesu kuti akkale muli mbabo. Eeci ncipati kapati: oobu mbubotu butamani alimwi mbubwa Jesu! Aaya maumi alamukonda Jesu alimwi ngaakwe.



5

tuvwalu
-vwalu

Mubandi

Mutubunga twa bantu 3 na 4 mubandike mibuzyo eeyi. Musole kubaa kasimpe mubwiinguzi bwenu.

- Sena tulabikkala maanu ku zyintu na bantu mbuli mbobalibonya anze na mbuli mbobabede mukati?
- Sena tulabikkala maanu ku bantu bajisi kapati mali na zyintu kwiinda baabo bajisi zyintu zyisyoonto kapati?
- Sena kulibonya kwaanze na bube ncintu ciyandisi na Leza wakatulengela cimwi cintu ciinda kubota?
- Ikuti na Leza wakatulengela cimwi ciinda waawa, zintu nzi zyanga wayanda kucita kwiinda muli ndiswe?



Jesu uyanda kukkala muli nduwe

Jesu uyanda kuboola akukkala muli nduwe. Tulacibala eeci muzyibeela zyinji zya Bbaibbele.

Mubbuku Iya Ciyubunuzyo3:20, Jesu ulati:

Bona, ndiimvwi kumulyango, ndakonkomona, Na kuli muntu uuswiilila ijwi lyangu akundijulila mulyango, nzoonjila mulinguwe, nkalalile awe, alakwe ambebo.

Kuti kokonzya kumumvwa, Jesu ulati, ‘Ndiyanda kuzya kukkala mubuumi bwako.’

Kuti Jesu kakonzya kukkala muli ndiswe, ulacinca micito yesu, zyotu cita, majwi amizeezo. Utubamba kuzulila akabotu. Njeeyi iimbi nzila njocipandululwa eeci.

Muli Johane 15:5 Jesu ulati:

Ndime cisiko, nywebo muli mitabi. Uukkalilila mulindime, ambebo mulinguwe, walo ulazyala micelo minjiminji, nkaambo mwaanzaana ambebo tamukonzyi kucita cintu.

Cintu cibotu kapati nca kuti Leza wakakonzya kupa Jesu kuti akkale muli ndiswe. Cakusaanguna cicitika kuli ndiswe nca kuti Leza ulatusalazya akubamba myoyo yesu bupya. Muli 2 Ba-Korinto 5:17 Paulu upandulula kuti eelyo Jesu naanjila mumaumi eesu, tulacincigwa. Ulati:

*Aboobo kuti muntu waba muli-Kristo, waba mulenge mupya.
Zintu zikulukulu zyamaninina, zyoonse zyaba zipya.*

Kwainda ciindi Jesu ulacinca micito ambotubede. Muli 1 Ba-Korinto 3:16 tubala kuti Leza uyanda kukkala mubantu bakwe kutegwa nyika imubone kwiinda muli ndiswe:

*Sa tamuzi kuti ndinywe injanda yatempele ya-Leza, alimwi
Muuya wa-Leza ulamukkalila mukati?*



Cakucita

Mukkale muli bobile-bobile akwaabana ceeco ncomubona muli umwi aumwi cina Kristu. Mube aa luse pele musyomeke. Bwiinguzi inga bwaamba kunji alimwi akukulwaizya.

5

tuvwalu
-vwalu



Mupailo

Mwaambile kabunga kaindulule cipeto camumutwe. Mupe ciindi kuli bamwi bantu bacaambe muli lwabo mbobacimvwa.

10

tuvwalu
-vwalu

*Bona, ndiimvwi kumulyango, ndakonkomona, Na kuli muntu
uuswiilila ijwi lyangu akundijulila mulyango, nzoenjila
mulinguwe, nkalalile awe, alakwe ambebo.*

Ciyubunuzyo 3:20

Nciyandisi kupa bantu ciindi ca kwiingula kuli ceeco Leza ncaamba sunu. Buzya nakuli uuli oonse uyanda kutamba Leza kuti atume Jesu akkale muli nguwe? Nankwali, umusolwedele mumupailo mubauba ooyu.

Mwami Jesu, ndakulumba kuti uyanda kukkala muli ndime. Ndakulumba alimwi kuti nokuba kuti ndili buyo mbuli nongo itasimbidwe uyanda kuba ciyandisi muli ndime. Sunu, ndacitambula eeci ciyandisi, oobu buumi bupya akulumba kuti uboole undicine mukati anze. Boola ukkale mumoyo wangu. Ndiuside ku nzila njindali kuona eelyo kuzwa lino ndiyanda kuponena nduwe. Ameni.

Ono, muli bobile-bobile mbuli cakucita, ambila kabunga kapaililane kweendelanya amibandi njokajisi. Ubakulwaizye kuswiilila eeco Leza ncaamba kuli mbabo.



Cakucita iino mvwiki

Aimwi mvwiki ilijisi mulimo wa kucitila ku ng'anda.

Mafwumina oonse iino mvwiki, lomba Leza akupe coolwe cizumizya kubona akubaa Jesu muli nduwe. Liibe; Leza kwiina cintu ncayandisya kubelesya kwiinda baabo balyaabide!



Kamboni

Iino mvwiki mujane ciindi cakukanana aumwi muntu

ngomutakanazyani limwi akaambo ka mbwalibonya na mbwabede.

Mumuswiililizye akumukulwaizya kuti Leza ulamuyanda.

Mumupandulwide ciyandisi cili mumoyo wako, Jesu uuli muli nduwe. Mumwaambile kuti Jesu uyanda kumupa buumi awalo.

Mulipe kupailila aamwi.

Kwa mvwiki yoonse muzumanane kupailila mweenzinyoko ngo mwakapa zykweya 3 mvwiki yakainda abantu mbomwakakanana limwi iino mvwiki.

Buumi Bupya Bulakomena



'Ndalumba Leza wangu lyoonse nendi mukumuyeeya... Moyo wangu ulisinizye cintu comwe, cakuti oyo iwakamusaangunina mulimo mubotu unooya buulondola mane kusikila kubuzuba bwa-Jesu Kristo.'

Ba-Filipi 1:3&6



Kulibambila

Sena mwaka:

- Lomba uumwi mukabunga kuti abale caano?
- Lomba uumwi mukabunga kuti abale caano ca mu Bbaibbele?



Kutambula Abwiinguzi

5

tuvwalu-
vwalu

- Mubalumbe boonse kuboola ku kabunga.
- Mutalike amupailo mufwaafwi, mubauba.
- Mubuzye kabunga na kakacita ‘Cakucita iino mvwiki’ alimwi ancito zya ‘Bukamboni’ zya mvwiki ya kainda.
- Mwiite bantu baambe cili coonse ncobakaiya na kuzyiba kuzwa ku zyakucita.



Muzeezo

Muzeezo wa cibeela eeci iino mvwiki ngwa kuzyiba kuti mbweena mbuli mwana musyoonto mbwa komena kuba mupati mpoona akuba mukando, aswebo mbweena mbotukomena mubuumi bupya a Leza. Tuba mbweena mbuli Jesu, alimwi mizeezo yesu amicito yesu iba mbuli ya Jesu’.



Cipeto Camumutwe

5

tuvwalu-
vwalu

Mubalisye cipeto camumutwe alimwi amukonzyanyo wamu Bbaibbele ku kabunga. Mwamana alimwi mucibale pesi mubale mutubeela-beela tusyoonto, mubone kuti kabunga kalatobelezya. Mwiindulule oobu, mbiccaana mbiccaana mubale zyibeela zyilamfu kabunga zyakati tobeleze kusikila limwi boonse bacizyibe lwabo. Mukulwaizye bamwi bantu kusola kwiindulula muli lwabo.

Ndalumba Leza wangu lyoonse nendi mukumuyeeya... Moyo wangu ulisinizye cintu comwe, cakuti oyo iwakamusaangunina mulimo mubotu unooya buulondola mane kusikila kubuzuba



Caano

Bala caano citobela ca musankwa utegwa Petro Pani ku kabunga.

Eelyo Petro Pani naakali muniini, wakatija ku ng'anda akuya kukkalila ku Neverland, busena nkwatakali kukonzya kukomena naaba kucembaala. Wakaswaangana bamwi bana bakali kukkala nkweena ooku alimwi bakali baniini lyoonse, mbweena mbwakali kulangilwa. Boonse bana bakali kusobana antoomwe. Bakali jisi kweenda kuyaabuswaya masena kunji eelyo bakauzinguluka munzi wa Neverland antoomwe. Zyoonse zyintu zyakazwide mambonwa alimwi taakwe wakali kubaambila cakucita.

Bumwi buzuba Petro wakajokela ku munzi nkwakazyalilwa eelyo wakaswaana bana botatwe: Wendi, Johane a Maikko. Bakaba balongwe eelyo Petro wakabatamba kumuccilila ku Neverland.

Eelyo bana boonse nobakaswaana ku Neverland bakalomba Wendi kuti abe banyina. Wendi wakabona kuti taakwe uumbi wakali kukonzya kuba mbuli banyina bana nkaambo kwiina wakali kukomena aboobo wakazumina kusola. Wendi wakasola mbuli mbwakonzya, pele wakali mwana alimwi takajisi luziyibo.

Bumwi buzuba Wendi wakaambila bana boonse caano – cakali caano cakwe. Wakabaambila mbuli mwana musimbi aba inandumi bakwe bobile mbobakatija kwabo kuya ku Neverland. Bakayeeya banyina abausyi alimwi bakalizyi abalo bazyali babo bala bayeeya.

Wendi wakausa nakaamba caano eelyo wakayeeya kuti ncecakali ciindi cakwe abainandumi ca kujokela kwabo. Wakaita Petro aboonse kuti baccilile.

Boonse bakajokela ku munzi eelyo bazyali ba Wendi bakazumina kubabweza bana boonse, kusanganya a Petro. Bana boonse bakakondwa kuba amukwasyi mupya, kuti baiye zintu zyipya eelyo buya ciindi bakomene akuba bapati. Pele Petro wakausa. Wakali kuyanda kujokela ku Neverland alimwi akutakomena. Wakali kuyanda kuba mwana lyoonse. Petro wakayeeya kusiya beenzinyina boonse akujokela ku Neverland alikke. Kuba mwana lyoonse, Petro wakaluba nyendo zyakwe abeenzinyina ancakayiide munyika yoonse.

Petro Pani ncaano cakalembwa aba J.M. Barrie mu 1904. Bube bwa Petro Pani buyeeyelwa kuba bwa mwanookwabo J.M. Barrie wakafwa muntenda nakajisi myaka kkumi ayone aboobo taakwe nakaba aciindi cakukomena. Nokuba kuti Petro Pani wakajisi nyendo zinji alimwi zyoonse zyakali kuli bonya kuba zya mambonwa, caano cakwe citutondezya kuti ku mamanino, ncintu cuusisya kuti bana tibakomena.



Luzyibo lwamu Bbaibbele

Bala Ba-Efeso 4:11-15 ku kabunga:

¹¹Nkabela bamwi wakabapa kuti babe baapostolo, bamwi kuti babe basinsimi, bamwi kuti babe bakambausi, abamwi kuti babe beembeli nanka baiyi, ¹²kuti basitikizye bazumini, akoonda milimo ya-Leza, akuyaka mubili wa-Kristo, ¹³mane do toonse tube abujatane bomwe bwabuzumini abwaluzibo lwa-Mwana a-Leza, tube abuntu bulondokede abwiime buzulide bwa-Kristo, ¹⁴tutacibi bacete kukupepaulwa koonse koonse akupupululwa amyuuwo yanjiisyo zyamisyobo misyobo iizwa kukweena-ena kwabantu bapyungi bajisi macenjela aakucita bubeji. ¹⁵Tuleelede kujatisya lusinizyo cakuyandana, aboobo tulakonzya kukula muziyanza zyoonse akujatana ayoooyo uuli

mutwe wesu, nkukuti Kristo.



Bana mbayandisi, pele tabeelede kuba bana basyoonto lyoonse. Mwana ulaa nseba mbotu ula komena alimwi akwiiya zyakucita zipya.

Na mulijisi bana muya kuyeeya lukondo ndomwakaba aalo buzuba noba katalika kweenda. Tibakacizyi kabotu. Kwakali kubbabbalika alimwi kanji kanji bakali kuwa. Pele cakali ciindi cibotu. Na mulijisi mwana wakaiya kwambaula, sena mulayeeya majwi ngakatalisya kukanana? Sena ndya ‘Baama’ na ‘Taata’? Ciletela lukondo ku moyo wa muzyali eelyo mwana aiya cintu cipya. Tula bakkomanina bakomena akuba mbobatabede. Tuyanda kuti bacite kabotu.

Notwaba bana Kristu tulazumina cipego ca Leza ca buumi bupya. Bbaibbele lyaamba kuti tulazyalwa alimwi. (Inga mwabala Johane 3:1-8 kuzyinji zya ceeci.) Mubili wesu tauzyalululwi walo pe pele tulazyalululwa mubuumi bupya bwa ku muya. Munzila njoona mwana nja komena akucinca, mbotukomena akucinca mubuumi bwa ku muya aciindi eeci.

Bana nobazyalwa, mibili yabo taizulilide kukomena. Kutaanguna balakomena kwiinda mukunywa mukupa; mbobaya bukomenena balaiya kulya cakulya eelyo mibili yabo ilayuma kutegwa bakonzye kuli kkalila mpoona kwainda ciindi baime alimwi beende akulunduka. Bongo bwabo abwalo bula komena. Micito yabo ayalo ilakomena alimwi balaiya bwa kukanana aa bamwi.

Ooku kukomena takulicitikili. Kutola kulya KUNJI akunywa alimwi akwiiya KUNJI akusola kutegwa mwana abe mupati. Kwiinda zyoonse citola ciindi kukomena. Taakwe naba omwe uba mupati mubuzuba bomwe. Bunji bwa ziindi mwana tazyibi kuti ulakomena.

Pele swebo tobazyali tulazyiba nkaambo balaata muzyisani zyabo. Bana balaa nseba zyili kabotu balakomena. Eeci acalo ceelede kucitika ku buumi bwesu bwa ku muya eelyo notwazyalwa alimwi. Mutalike mbuli mwana muniini, uyanda mukupa. Citola ciindi kukomena alimwi akulya kunji akunywa alimwi cilayandika kukukomena.

Mu Ba- Kolinto 13:9 Paulu upailila bana Kristu bali ku Kolinto, Gilisi. Ulapaila:

Cintu ncutuyandisya nceeci, nkuti buumi bwanu bubambwe kabotu.

Bbala lini lini Paulu ndyakabelesya lya kubambwa kabotu lyaamba kuyumizyigwa akululamikwa. Leza tayandi kuti tukkalilile mubwana ku muya.

Muli Hebrayo 5:12-14 mulembi takkomene abasyomi ba Juda mbalembela. Ulati:

¹²Kwalo kukuyeeya ciindi mpomwakabeda bazumini, sunu mwali kweelede kuba baiyi, nekubaboobo anywebo muceeledde kuba amuntu kuti kacimwiisya majwi aamilao mitete yakusaanguna njakatwaambila Leza, mwaba anga mbavwanda abayanda mukupa, izitali zilyo ziyumu.

¹³Nkaambo woonse oyo uucinywa mukupa tana kusongwaala kujwi lyabululami pe, nkaambo ucili mwana muvwanda. ¹⁴Anu zilyo ziyumu nzyabantu bakakomena, nkokuti nzyabaabo abali amiyeyo iyakaisigwa kusala cibotu ecibi.

Ubaambila kuti bakali basyomi kwa ciindi cilamfwu eelyo ecino ciindi beelede kuyiisya beenzinyina. Pele buya, bacilli bana baniini, bacinywa mukupa akuyanda kulelwa. Paulu uyanda kuti bakomene akuba bana Kristu bayumu bazyi lwiindano lwa cibi acibotu. Leza

inga kauside abona uumwi wa bana katakomeni.



10
tuvwalu-
vwalu

Cakucita

Mutubunga twa bantu 3 na 4, mubale Ba – Efeso 4:11-15 alimwi. Mwaambile akamwi kabunga kabone na inga kakonzya kujana mabala aaya mu cibalo:

- Cakayakwa
- Komena
- limwi toonse tukasike
- kuba
- twana
- kukomena

Mubaambile babandike ncaamba mabala aaya.

Kwainda tuvwalu – vwalu 5, tubunga tuboole antoomwe eelyo mubalombe baambe mizeezo yabo kuli ceeco mabala ncaamba.

Muyandaula bwiinguzi bwaamba cintu cicitika, ciya kumbele na cisumpuka alimwi akukanana ciindi akucinca.



Caamba kuti mu Ba – Efeso 4:15 kukomena kuli mbuli kuba Jesu. Aboobo oobo mbotuyanda kuba – mbuli Jesu.

Bunji bwesu tuyanda kukomena akukkwana. Bunji bwesu tuyanda kuba mbuli Jesu, pele bunji bwa zyiindi tatuzyi mbokukomenwa. Zyiiyo zyoonse oomu mubbuku zyibambidwe kumuyiisya akumugwasya mbokukomenwa. Zyili mbuli cakulya acakunywa kutegwa buumi bwenu bwa ku muya bukomene.



Mubandi

Mubuzye kabunga na ninzi mwana ncayanda kutegwa akomene?

Nobacijana bwiinguzi (bona ansi aawa) inga mwabelesya bupanduluzi oobu kutondezya mbuli mbotuziyanda zyintu eezyi mubuumi bwesu bwa ku muya.

- Lya cakulya akunywa – mubuumi bwesu bwa ku muya tuyandika kulya akunywa Jwi lya Leza.
- Yoya muya – kuyoya kwesu kwa ku muya tweelede kukanana kuli Leza akutambula kuzwa ku Muya wa Leza Usalala.
- Tambula luyando – tuyandika kuyandwa akubikkilwa maano amukwasyi wesu waku muya (abamwi bana Kristu).
- Kucita zymwi akuba kabotu – tweelede kucita zymwi zyaku muya mukucita zintu zyanguna Leza mbuli kupa, kubeleka akukomba Leza.



Muli ceeci coonse, tweelede kuzyiba kuti Leza ngubeleka mumaumi eesu kwiinda mu Muya wakwe Usalala kutubamba kuti tukomene mumuya; eeci ncintu ncotutakonzyi kulicitila.

Kuti na tuliliziyi Bbaibbele LYOONSE, inga kaluli buyo luzyibo mumutwe, pele buumi bwesu bwa ku muya kabutakwe nguzu alimwi kabuli buniini ccita Muya Usalala wa Leza ubeleke mumaumi eesu kutukomezya.

Kuti katuzulilwa mucikombelo alimwi katupa, kubeleka akukambauka, pele Muya wa Leza Usalala kautabeleki mumaumi eesu, nkokuti tatuninga komena mubuumi bwa mumuya.

Buumi bwesu bwaku muya buya kukomena buyo kuti na twacita zyoonse zintu alusyomo muli Leza alimwi kuyandisisya kwesu kakuli ali Leza kutali mukulimvwa kwesu. Kuti na uyanda kulisyoma lwako omwini kucita ceeci tacikacitiki.

Mwabala Bbaibbele lyenu, mweelede kulibala alusyomo kuti Leza uya kumuyiisya akumugwasya kukomena. Mwapaila, mweelede kupaila mulusyomo kuti Muya wa Leza Usalala umumvwe akuti ape bulumbu kuli baabo bamuyandaula akuti Muya wakwe Usalala umukulwaizye, amupe nguzu akumusalazya – alimwi buya, Muya wakwe Usalala uyakucinca moyo wenu wa bbwe kuubamba wa nyama. Mwanoyanda bamwi akubelekela bamwi, mweelede kucitila mu bulemu kuli Leza alimwi alusyomo mukusyoma kuti umubambe kuba mbuli Jesu. Mwakomba Leza azyeezyo zyomujisi ubamba nyama yenu kuti ikomene.

Jesu wakayiisya basiciya bakwe muli Luka 11:1 - 13 bwa kupaila. (Tamweelede kubala kampango aaka lino, pele inga mwakulwaizya bantu bakabale ku ng’anda mumvwiki.) Jesu wakaambila basiciya kuti balombe Leza abatumine Muya wakwe Usalala kuti ubeleke muli mbabo. Jesu ulati Leza uyakumupa Muya wakwe Usalala mwakuulomba. Uli mbuli usyi mubotu alimwi ulizyi bwa kupa zyipego ku bana bakwe. Tuya kuzyiba kunji kujatikizya Muya Usalala wa Leza muziyiyo zytobela.



15
tuvwalu-
vwalu

Mupailo

Kutegwa mwana muniini akomene, kusaanguna uyandika kuzyalwa; mbocibede alusyomo lwesu. Natuyanda kukomena akusima mu lusyomo, tuyandika kusaanguna kubweza ntaamu ya kulomba Leza atugwasye ‘kuzyalwa alimwi.’ Mubuzye mukabunga nankwali omwe uyanda kupanga ntaamu eeyi sunu. Nankwali amupaile mupailo ooyu antoomwe:

Mwami Jesu, ndakulumba kundipa cipego ca buumi bupya. Sunu, ndalombozya kucitambula eeco cipego. Ndazwa ku buumi bwangu bwa kaindi alimwi ndakwiita kuti uboole ukkale muli ndime, undigwasye kuba mbuli nduwe. Amenii.

Citobela, mutubunga twa bantu 3 na 4, mwaambile bantu bapailile aamwi. Mupe bantu ciindi ca kupaila asyoonto asyoonto alimwi ca kuyeyesya mbuli mbobayeeya Leza mbwabeleka mumaumi aabo.

Muntu oonse weelede:

- Kulumba Leza ku masena mu buumi bwakwe ngaagwasyigwa kukomena.
- Kulomba Leza kuti atondezyegwe masena ngayanda kuti akomezyegwe.
- Kulomba Leza kuti atume Muya wakwe Usalala ubeleke muli nduwe kukugwasya kukomena mumuya.

Mulete mbunga yoonse antoomwe akujala amupailo ooyu.

Ndakulumba Mwami kuti uli taata mubotu akuti ulayanda kutupa zyoonse zytuyanda kutegwa tube mbuli mwanaako Jesu. Akaka Muya wako Usalala aubeleke mumaumi eesu kutegwa tukomene akuleta bulemu kuli nduwe. Tupe myoyo yesu kuyandisisya kwa kukomena, kwa kuyanda 'kulya' jwi lyako 'akuyoya' Muya wako Usalala kutegwa bwami bwako buboole mumaumi eesu. Muzyina Iya Jesu, ameni.



Cakucita iino mvwiki

Aimwi mvwiki ilijisi mulimo wa kucitila ku ng'anda. lino mvwiki, mujane muntu usimide mulusyomo kumwiinda eelyo mube aciindi antoomwe. Mumubuzye na mbubuti Leza mbwaali kubeleka mubuumi bwakwe alimwi mucite cintu comwe ncati ambe mubuumi bwenu.



Kamboni

lino mvwiki, mwaambile muntu omwe cintu comwe Leza ncaacita mubuumi bwenu. Mwaambe mbuli mbwatalika mulimo mubotu

alimwi ancacita ecino ciindi. Ooyu inga kali mweenzinyoko
ngomwakapa tukweya 3 na muntu ngo mwakakanana limwi mwwiki
yainda na muntu buyo uumbi.

Bulembo



4

Kwaabana Buumi Bupya

'Nkaambo kaako kamuya mukabaiisye bantu bamisyobo yoonse, akubabapatizya muzina lya-Taata alya-Mwana alya-Muuya Uusalala'

Matayo 28:19



Kulibambila

Sena mwaka:

- Lomba uumwi mukabunga kuti abale caano?
- Lomba uumwi mukabunga kuti abale caano ca mu Bbaibbele?



Kutambula Abwiinguzi

5

tuvwalu-
vwalu

- Mubalumbe boonse kuboola ku kabunga.
- Mutalike amupailo mufwaafwi, mubauba.
- Mubuzye kabunga na kakacita ‘Cakucita iino mvwiki’ alimwi ancito zya ‘Bukamboni’ zya mvwiki ya kainda.
- Mwiite bantu baambe cili coonse ncobakaiya na kuzyiba kuzwa ku zyakucita.



Muzeezo

Muzeezo wa ciiyo eeci ngwa kumugwasya kuzyiba kuti mbuli mbotutalika kutobela Jesu, tuba lubazu lwa muzeezo wa Leza mukusika ku bantu bamwi. Buumi bwesu bupya mukonzyanyo kuli bamwi kuli ceeco Leza ncakonzya kucita, eelyo utwaambila kwaambila bamwi caano cesu amakani mabotu aa Jesu, abantu batuzungulukide.



Cipeto Camumutwe

5

tuvwalu-
vwalu

Mubalisye cipeto camumutwe alimwi amukonzyanyo wamu Bbaibbele ku kabunga. Mwamana alimwi mucibale pesi mubale mutubeela-beela tusyoono, mubone kuti kabunga kalatobezezya. Mwiindulule oobu, mbiccaana mbiccaana mubale zyibeela zyilamfu kabunga z yokati tobelezye kusikila limwi boonse bacizyibe lwabo. Mukulwaizye bamwi bantu kusola kwiindulula muli lwabo.

Nkaambo kaako kamuya mukabaiisye bantu bamisyobo yoonse, akubabapatizya muzina Iya-Taata alya-Mwana alya-



Caano

Mubale cibalo eeci ku kabunga.

Thandiwe ulaa myezi 9 ya kumita eelyo mwana ulalangilwa kuzyalwa kufwumbwa ciindi kuzwa lino. Thandiwe ulizyibidwe kapati mumunzi wakwe. Mulumi wakwe Chimwemwe mwami ulemekwa kapati alimwi babelekela antoomwe kugwasyiliza cooko cabo. Boonse balayandwa mucooko cabo.

Thandiwe a Chimwemwe nobakaambila bantu kuti balangila mwana muniini kwakaba kukkomana kapati. Muntu oonse wakakkomanina mwana wa kusoka wa banabukwetene aaba. Bakeenzyeezya kuti na awalo mwana ooyu bumwi buzuba uya kubasolwedela mucooko? Bantu bakayanda kuzyiba mbuli mbwakali kulimvwa Thandiwe nakali aada. Sena wakali kabotu? Sena wakali cisidwe? Sena mwana wakali kubbakela kale?

Bantu bakeenzyeezya na mwana inga kali musankwa na musimbi. Bakasola kulotela zyina ndyanga wapegwa. Sena inga wazyalwa mafwumina na ku mangolezya alimwi sena inga caba buyo kabotu? Ciindi mbocakali kuyaabuya bantu bakatalika kukondelwa limwi. Lino mbokunga Thandiwe ulatumbuka kufwumbwa buzuba cooko caindila kuyanda kumvwa makani.

Mafwumina mwana musankwa wabona kabunga ka bamakaintu kakeendesya kuya kwa Thandiwe a Chimwemwe. Mwana musankwa walunduka kuya kwaambila banyina balo balotela kuti mwana uli munzila eelyo bamakaintu baitilwa kuya kugwasya. Aboobo baambila mweenzinyina, walo waambila mweenzinyina

eelyo catolelela. Lino mbunga ya bantu yavwoomana amunzi wa mwami. Bantu bayanda kuba bataanzi kumvwa makani mabotu antela akubona mwana. Balalindila ca kawiiwi anze, tabaliibide pele balikonedwe.

Acilangankumo Thandiwe a Chimwemwe bazwa mung'anda, boonse kabalibonya kukatala akukondwa. Mumaanza aa Chimwemwe kuli mwana musimbi mupya, ulibikkidwe kabotu mumulembo eelyo ulabbansa akoompolola kuli boonse kuti bamubone akumumvwa! Kuli kusekelela kupati alimwi bantu batalika kufwotola mumawaile aabo.

Lino makani mabotu amwaika mucooko coonse. Kwa mwiki yoonse maunda maunda abantu aboola kuzya kubalumba ba Thandiwe a Chimwemwe akusekelela antoomwe. Boonse bayanda kuzyiba akubona mwana musimbi mupya. Basimubweza twaambo ba mucooko batumizya cifwanikiso ku muteende wa mu Lusaka. Kuboola kwakwe makani mabotu!



Notujisi makani mabotu inga tulayanda kwaambila bantu. Tuyanda kwaabana lukondo alutangalo antoomwe abalongwe besu amikwasyi. Buumi bupya Leza mbwatupa makani mabotu! Notwatambula makani mabotu aaya kuzwa kuli Leza cili kabotu kuyanda kwaabana abalongwe besu, mukwasyi alimwi abantu batuzungulukide. Notwaabana caano cesu akwaamba buumi bupya mbwaatupa Leza, bantu inga babona Leza mbwali mubotu alimwi aceeco Jesu ncaacita mumaumi eesu. Bayakutola bumboni bwa makani mabotu mumaumi eesu.



Luzyibo lwamu Bbaibbele

Bala Johane 4:4-30 ku kabunga:

⁴Eno wakali kweelede kwiinda mu-Samariya. ⁵Elyo wakasika kumunzi wa-Samariya, uutegwa Sukari, afwaafwi kucisi eco Jakobo ncaakapa mwanaakwe Josefa, ⁶ecikala ca--Jakobo cakaliwo awo, Nkaambo kaako Jesu, mbwaakakatede kukweenda kwakwe, wakakala buyo ambali acikala. Lyakali isikati.

⁷Kwakeza mwanakazi mu-Samariya kuzooteka maanzi. Jesu wakamwaambila kuti, Ndipa nywe. ⁸(Nkaambo basikwiiya bakwe bakainkide kumunzi kuyooula zyakulya.

⁹Mwanakazi mu-Samariya wakamwaambila kuti, Cilakonzeka buti, kuti yebo omu-Juda undikumbile cakunywa, mbwendi mu-Samariya? (Nkaambo ba-Juda tabalidi mutiba omwe aba-Samariya).

¹⁰Jesu wakavuwa kuti, Nowali kuzi cipegwa ca-Leza, ayooyo uukwaambila kuti, Ndipa nywe, na nguni, nowamukumbila nguwe, awalo naakupa maanzi aabuumi.

¹¹Mwanakazi wakamwaambila kuti, O mwami, tojisi cakutesya, alimwi cikala ncilamfu, ino maanzi ayo aabuumi uzooateka kuli? ¹²Sena uli mupati kwiinda tateesu Jakobo, uwakatupa cikala eci, mwaali kunywa mwini, abana bakwe, enjombe zyakwe?

¹³Jesu wakavuwa kuti, Umwi umwi uunywa aya maanzi ulafwa nyota alimwi, ¹⁴pele oyo uuti nywe maanzi ngenti mupe, tacifwi limbi, pele maanzi ngenti mupe buyooba bulolo bwamaanzi mulinguwe, aatuntumukila kubuumi ubutamani.

¹⁵Mwanakazi wakamwaambila kuti, O mwami, ndipa aya

maanzi, kuti nkentacifwi limbi nyota, nokuba kuti nkentacibooli kuno kuteka lyoonse.

¹⁶*Jesu wamwaambila kuti, Koya ukaite mwaalumaako, ayebo uze kokuno.*

¹⁷*Mwanakazi wakavuwa kuti, Nsijisi mwaalumi.*

Jesu wakamwambila wati, Waamba kasimpe kuti, Nsijisi mwaalumi, ¹⁸nkaambo wali kujisi baalumi bosanwe, eno oyo uukukwete sunu tali mwaalumaako, obo waamba kasimpe.

¹⁹*Mwanakazi wakamwaambila kuti, Mwami ndakuziba kuti uli musinsimi. ²⁰Bamatateesu bali kukomba mudundu eli, eno nywebo muamba kuti ku-Jerusalemu nkobeelede bantu kuyookombela.*

²¹*Jesu wakamwaambila kuti, Yoo mwanakazi, ndisyoma, ciindi cileza kuti nomuba mudundu eli, nokuba ku-Jerusalemu, enko nkomuyookombela Taata. ²²Mulakomba ncomutezi, swebo tulakomba eco ncotuzi, nkaambo lufutuko luzwa kuba-Juda. ²³Pele ciindi cilasika, ncencico cino, abakomba cakasimpe ncobayoomukomba Taata mumuuya amubwini, nkaambo mbambabo abo mbayanda Taata, kuti babe basikumukomba. ²⁴Leza ngo-Muuya, eno abamukomba balyeelede kumukomba mumuuya amubwini.*

²⁵*Mwanakazi wakamwaambila kuti, Ndilizi kuti Mesiya uleza (uutegwa Kristo), asika uyootupandulwida zintu zyoonse.*

²⁶*Jesu wakamwaambila kuti, Ede kai, ndime Mesiya.*

²⁷*Mpoonya abalo basikwiiya bakwe bakasika, eno*

bakagambwa kuti ulaambaula amwanakazi, nokuboobo takukwe naba omwe uwakamubuzya kuti, Ukumbilanzi, nokuba kuti, Uambanzi awalo?
²⁸Nkaambo kaako mwanakazi wakasia nongo yakwe, wakainka kumunzi ukuyooambila bantu kuti, ²⁹Kamuboola, mukabone muntu uwandyaambila zintu zyoonse nzendakacita, inga kali ngo-Kristo? 30Nkabela bakazwa mumunzi ukuya kulinguwe.



10
tuvwalu-
vwalu

Cakucita – Makani Mabotu

Aumwi muntu mukabunga ayeeye makani mabotu akwaambila kabunga koonse. Beelede kusala mbobakonzya kwaamba kabotu makani mabotu, mukonzyanyo balakonzya kubaambila buyo bantu, kuciimba, kulemba kagwalo, kulemba cifwanikiso naaba kubelesya nzila iili yoonse kwaamba makani mabotu. Mubakulwaizye kuba bantu benzyeezya.

Mbuli mbobaamba makani mabotu mukulwaizye kabunga kukambilila akusekelela! Ncibotu kwaabanya makani mabotu!



Mu caano cesu camu Bbaibbele sunu Jesu uleenda abasiciiya bakwe. Wanjila mumunzi mwalo bantu mobali Ba Samaliya. Mbuli caano mbocitwaambila, Ba Samaliya mbantu batavwuli kujanika aba Juda (mbuli bwakali Jesu). Nokuba boobo, Jesu wajana ciindi cakukanana amukaintu mu Samaliya mbuli mbwalindila amugodi. Eeci acalo ticaali kuvwula kucitika nkaambo basankwa kwakali kuce kubandika abamakaintu. Eeci cipandulula ceeco cakagambya mukaintu nakabandisyigwa a Jesu akumulomba meenda akunywa.

Jesu wajana ciindi cakumuyiisya kujatikizya ‘meenda aapona.’ Eeyi ninzila iimwi ya kwaambaula buumi mbwapa eelyo mukugambya wamwaambila kuti aaya meenda ngaakwe, nokuba kuti mukaintu,

Mu Samaliya alimwi mubisiyi. Waakondwa makani alimwi wagambwa abusongo bwa Jesu mubuumi bwakwe aboobo wabalikila ku ng'anda ku munzi wakwe kuya kwaambila bantu boonse kuti baboole baswaane abalo a Jesu.

Mucibalo eeci mukaintu wabuzya Jesu na ngu Mesiya. Mesiya uzyibidwe kuba muntu utumwa aa Leza kuya kufwutula bantu bakwe. Cakali kuyeeyelwa kuti Mesiya inga kali musololi wa basikalumba walo ulangilwa kugusya mfwulumende iipenzya ya ba Roma muciiindi eeco kutegwa ba Juda bafwutulwe. Nokuba boobo, Jesu wamwaambila mukaintu kuti ngu Mesiya, pele ulaandeene ambobakali kumuyeeyela. Wazyida kufwutula bantu boonse, kutali buyo ba Juda, alimwi abaabo batakonzyi kulibonya kuyanda balapegwa buumi bupya kuli Jesu.



Mubandi

Muciiyo 1 mubbuku eeli, twakamvwa buumi bupya Leza mbwakatupa. Muciiyo 2 twakaiya kuti Leza ukkala mukati kesu, mbuli cintu ciyandisi mu nongo. Muciiyo 3 twakalanganya ncocaamba kukomena mubuumi bwaku muya.

15
tuvwalu-
vwalu

Tuyanda kwiinduluka cakucita kuzwa Muciiyo 1. Musole kusanganya zyimwi zyintu zynomwakaiya mubwiinguzi mbomutipe.

Mubikke bantu muli bobile bobile eelyo basole kwaamba caano cabo kwiinda mukwiingula mibuzyo itobela. Beelede kusola kwiingula mibuzyo yoonse eeyi mu kavwalu-vwalu komwe.

- Bwakali buti buumi bwako kotananga swaana Jesu?
- Wakamuswaana buti Jesu?
- Buli buti buumi bwako kuzwa nokaswaana Jesu?

Kwainda tuvwalu-vwalu tuli 6 na 7, mwaambile bantu babe mutubunga twa bantu 4. Mupandulule kuti tuyanda kuyeeya mbuli

cipego ca Leza ca buumi bupya mbocili ca muntu oonse
kweendelana ambotwaiya mucibalo camu Bbaibbele ca sunu.
Mubaambile babandike mibuzyo itobela.

- Cikupa kulimvwa buti kuti buumi bwa Leza bupya mbwa muntu oonse, kutali buyo baabo bali mbuli ndiswe, na aabo balibonya kweelela?
- Mbantuni mucooko cenu batalibonyi kulangilwa kuba batambuli ba buumi bwa Leza bupya?
- Mubandike nzila ziomunga mwabelesya kutegwa musike kuli mbabo alimwi mwabanye ambabo buumi bwa Leza bupya. Eeci inga cajatilizya kwaabila caano cenu.



15
tuvwalu-
vwalu

Mupailo

Mutubunga twenu mulumbe Leza ku buumi bupya mbomwatambula kuli Leza. Nakuli bantu mukabunga batananga zumina cipego ca buumi bupya nkokuti mubape coolwe cakucita boobo ono. Kuti kabalombozya kwiingula akutambula cipego nkokuti mubalombe bapaile mupailo ooyu andinywe:

Mwami Jesu, ndakulumba ku cipego ca buumi bupya. Ndakulumba kuti nonditeelede, wakaboola kuzyondifwutula andime. Sunu, ndabuzumina oobu buumi bupya alimwi ndalomba kuti uboole undicine mukati anze. Boola ukkale mumoyo wangu. Ndausa kunzila njondali kuponena mo eelyo kuzwa lino ndiyanda kuponena nduwe. Ameni.

Lino mube aciindi cakupailila baabo mbomwaambaula kuti inga kabatalangilwi kutambula buumi bwa Leza bupya. Mulombe Leza kuti amupe zyiindi zyakukonzya kwaamba caano cenu kuli mbabo kutegwa mubatondezye Leza mbwabayanda.



Cakucita iino mvwiki

Aimwi mvwiki ilijisi mulimo wa kucitila ku ng'anda. lino mvwiki, mubone kuti mulayeeya cipeto ca mumutwe alimwi mulaciinduluka abuzuba. Mbuli mbomwiinduluka cipeto mulombe Leza amutondezye mbomunga 'mwaunka' akuya 'kupanga basiciiya ba masi oonse'.



Kamboni

Muyeeye aabo bantu mbomwakanana ku matalikilo alimwi anzila ziomwaamba kuti inga mwasola kubelesya kusika kuli mbabo. Muunke mukababone aabo bantu, mucite makanze eenu iino mvwiki. Antela mubatambe kusangana tubunga twenu na mubone ambweni inga bayanda katalika kabunga kapyo. Mupaile nomutaninga unka akujoka.



5

Kukomena Mumukwasyi Wa Leza

'Katunga katuyeeyana, kutubusyanya-busyanya mukuyandana akucita milimo mibotu, Tutanoonga katuleka kulibungabunga, mbuli bamwi mbubaleka, anu kamucenjezyanya twaambo.'

Hebrayo 10:24-25a



Kulibambila

Sena mwaka:

- Lomba uumwi mukabunga kuti abale caano?
- Lomba uumwi mukabunga kuti abale caano ca mu Bbaibbele?



Kutambula Abwiinguzi

5

tuvwalu-
vwalu

- Mubalumbe boonse kuboola ku kabunga.
- Mutalike amupailo mufwaafwi, mubauba.
- Mubuzye kabunga na kakacita ‘Cakucita iino mvwiki’ alimwi ancito zya ‘Bukamboni’ zya mvwiki ya kainda. Mwiite bantu baambe cili coonse ncobakaiya na kuzyiba kuzwa ku zyakucita.



Muzeezo

Muzeezo wa ciiyo eeci iino mvwiki ngwa kuzyiba kuti buumi bwesu kuzwa kuli Leza bwaamba kuti tuli lubazu lwa mukwasyi wakwe: ngu Taata wesu alimwi tuli bana bakwe. Tweelede kutola lubazu lwesu mumukwasyi ooyu kutegwa twiye akukomena muli Leza.



Cipeto Camumutwe

5

tuvwalu-
vwalu

Mubalisye cipeto camumutwe alimwi amukonzyanyo wamu Bbaibbele ku kabunga. Mwamana alimwi mucibale pesi mubale mutubeela-beela tusyoono, mubone kuti kabunga kalatobeleya. Mwiindulule oobu, mbiccaana mbiccaana mubale zyibeela zyilamfu kabunga zyakati tobelezye kusikila limwi boonse bacizyibe lwabo. Mukulwaizye bamwi bantu kusola kwiindulula muli lwabo.

Katunga katuyeeyana, kutubusyanya-busyanya mukuyandana akucita milimo mibotu, Tutanoonga katuleka kulibunga-bunga, mbuli bamwi mbubaleka, anu kamucenjezyanya twaambo.

Hebrayo 10:24-25a



Caano

Mubale cibalo eeci ku kabunga.

Miriam, Rute, Saimoni alimwi a Jakobo bakkala mu munzi musyoonto antoomwe abazyali babo boonse. Buzuba abuzuba mukwasyi ulabutalika kwiinda mukweenda kuya ku ciguju ca antoomwe. Balateka meenda manji ngobakonzya mpoona bajoka ku ng'anda. Kwamana boobo, Mirriam, Rute a Saimoni balaunka ku cikolo. Jakobo ucili musyoonto aboobo ukkala buyo ang'anda abausyi abanyina.

Bana bajoka ku cikolo boonse bagwasya banyina abausyi milimo indene-indene. Mirriam ulagwasya kubamba cakulya. Ulabeleka canguzu alimwi banyina bakamuyiisya bwa kusanganya zyilyo akujika kabotu. Rute walo ulagwasya mu milimo ya bulondo pesi bunji bwa zyiindi nguu langa Jakobo. Kwa ciindi ecino umuyiisya kweenda alimwi watalika kwambaula majwi masyoonto! Saimoni muyumu alimwi ugwasya bausyi mu muunda. Bausyi bakamuyiisya bwa kusyanga mbuto, camutuzya uyandika ameenda ayandika kupa zyisyango zyiindene-indene.

Mukwasyi oonse ulabelekesya, kucita milimo indene-indene. Ku mamanino abuzuba boonse, balakkala antoomwe baabana cakulya. Balabandika kujatikizya buzuba mbobwabede akuswiilizya zyacitika. Ambweni omwe wajisi mubandi usyupide naaba ukondelezya abasimukobonyina. Ambweni kuli utalimvwide kabotu sunu. Ambweni Jakobo waamba bbala lipya aboobo boonse inga basekelela. Ambweni bamwi bana bajisi kukazyanya eelyo inga balekelelana. Ambweni umwi mwana mupati wapasa musunko ku cikolo. Ambweni banyina na bausyi babaambila kaambo kaku bwana bwabo.

Mubuzuba boonse Mirriam, Rute, Saimoni a Jakobo balaiya kuli umwi aumwi akubaziyali babo. Balaiya bwa kubelekela antoomwe alimwi azyiyo ziyandika kapati ziygwasya mubuumi. Balaiya bwa kuswiiliza abwa kukanana akukulwaizyanya. Baliziyi kuti inga bakanana abaziyali babo ciindi nobakonededwe na kuusa alimwi inga bakanana zyintu ziyibotu azyibi mubuumi bwabo.

Mbuli mukwasyi mboubelekela antoomwe akujana ciindi antoomwe balaiya kuli umwi aumwi.



Mbuli bana bone mu caano ca sunu, notuzyalwa inga tuli mumusyobo wa mukwasyi. Eeci inga cijatikizya bazyali, basyanyinakulu / banyinakulu, bace, banyina basyoonto / banyina bapati aba aisyanina. Notucili bana tuyanda mukwasyi wesu kuti utukwabilile, utugwasye kukomena akutuyiisya. Mbotuya bukomenena aswebo inga twaba amulimo mupati wakugwasya bamwi mumukwasyi, kulanganya bacilli baniini na bacembele, kubagwasya muzyiindi zya kuciswa na mapenzi. Mbotuya bukomena tula talika kuleta zytukonzya ku mukwasyi, kuubamba kabotu alimwi akuyuma kwiinda mbowakabede. Tulatalika akwiiminina mukwasyi kuli bamwi. Tula bandika akucita makwebo mucilawo ca mukwasyi.

Eeci cifwanikiso cilagwasya notuyeeya kuccilila Jesu. Notwasala kuccilila Jesu, Leza utwiita kuti tuli bana bakwe, tula tambulwa mumukwasyi wa Leza. Tuyanda kucilanganya eeci antoomwe kwiinda mukubala kujatikizya bantu bakasala kuccilila Jesu.



Luzyibo lwamu Bbaibbele

Bala Matayo 4:18-22 ku kabunga:

¹⁸ Nkabela naakali kweenda kumbali lyalwizi lwaku-Galilaya wakabona babunyina bobile, Simoni uutegwa Petro, amwanike

*wakwe Andrey, bakali mukuwaala lusabwe mumaanzi,
nkaambo kabali bazubi. ¹⁹Nkabela wakabaambila kuti,
Amunditobele, nkamucite basikuzuba bantu. ²⁰Mpawo bakasia
insabwe zyabo, bakamutobela.*

*²¹Lino kuzwa oko wakaya kunembo, wakabona bamwi
babunyina bobile, Jakobo mwanaakwe Zebedayo, a-Johane
mwanike wakwe, kabali mubwaato awisaabo Zebedayo, bakali
mukusuma insabwe zyabo, elyo wakabaita. ²²Mpawo bakasia
bwaato awisaabo, bakamutobela.*



Muzyipati zya Mateyo zytobela, tubala cakacitika kuli Petro (walo wiiwa kuti Saimoni), Andulo, Jakobo a Johane abamwi basiciiya bakatalika kutobela Jesu. Tulabala kuti Jesu wakaponya bantu bakali kuciswa alimwi wakagusya mizimo mibi. Tulabala eenzyo zyakayiisya baalumi aaba bone, basiciiya bakwe bamwi amabumba aa bantu akamuzungulukide. Mucipaanzi cimwi tubala mbuli Jesu mbwakaswaya ng'anda ya Petro akuponya banyinazyala. Tulabala mbuli mbwakali mubwato abasiciiya bakwe eelyo guwo nolyakasika. Basiciiya bakayoowa nkabela Jesu wakaambila guwo kuti lime, eelyo lyakaima.

Jesu wajana ciindi cakuba antoomwe a Petro, Andulo, Jakobo, Johane abamwi basiciiya. Wabatondezya bwakucita zyintu zyacita alimwi wabandika kuli mbabo. Waswaya minzi yabo akweenda ambabo. Ulaambabo ciindi nobayoowa eelyo wabatondezya kuti inga basyoma muli Leza.

Lino tuyanda kubala cimwi ciindi cipati mucaano ca Petro, Andulo, Jakobo a Johane abamwi basiciiya.



Bala Matayo 10:1 a 7-8 ku kabunga:

¹Lino wakaita basikwiiya bakwe bali ikumi ababili, wakabapa bwami bwakutanda badaimona basofweede akuponya malwazi oonse.

⁷Nkabela mwanooya bweenda kamunooyookambauka kuti, Bwami bwakujulu buliswenede. ⁸Amuponye balwazi, amubusye bafu, amusalazye basicinsenda, amutande badaimona. Mwakapegwa buyo, anywe amupe buyo



Nakamana kuba aciindi abasiciiya bakwe akubayiisya, Jesu wakabatuma kuya ku bantu banji banji.

Munzila zyinji Petro, Andulo, Jakobo a Johane bakaba buyo mbuli bamukwasyinyina a Jesu. Bakaba aciindi anguwe, kwiiya kuli nguwe mbweena mbotunga twaiya ku bazyali naaba bana bokwesu. Mbobakatalika kukomena muluziyibo amulusyomo Jesu wkabatuma kuya kuzumanana amulimo ngwa katalikide. Jesu takayanda kucita mulimo wa Leza alikke; wakayanda kubelekela aamwi abamwi. Wakatamba basiciiya bakwe lino watamba ndiswe kuti tube bamukwasyi wakwe alimwi tubeleke antoomwe.



Mubandi

Ncibotu kuyeeya kuti tali oonse muntu ujisi luzyibo lubotu lwa mukwasyi alimwi bamwi bantu bakakomena kabatakwe mukwasyi.

5
tuvwalu-
vwalu

Mutubunga twa bantu 3 na 4 mubandike mibuzyo eeyi:

- Cikumwvisya buti kubona kuti Jesu wakali kubamba basiciiya bakwe mbuli bamukwasyi wakwe, kuba aciindi ambabo, kubatondezya zyintu akubayiisya?
- Sena mulijisi luzyibo lubotu na lubi lwa mukwasyi mubuumi

bwenu alimwi muyeeya kuti eeci inga caleta bubi nzi mbuli mbomulimwva mulubazu lwakuba muli Leza?



Twatalika kutobela Jesu ulatutamba kuti tube mu mukwasyi wa Leza. Ooyu mukwasyi wa mu muya, mukwasyi wa nyika yoonse buya ciindi. Tatubazyi boonse bali mu mukwasyi ooyu nkaambo mupati kapati, pesi Jesu ulatupa bantu batuzungulukide kuti twabane maumi eesu buzuba abuzuba. Eeci inga kacili mucikombelo cesu, Kabunga ka Buumi naaba buyo kabunga kace.

Nciyandisi kuli ndiswe kuba aciindi abantu aaba balo batobela Jesu. Inga twaiya kuli umwi aumwi akuluzyibo ndotujisi. Kuli bantu bakatobela Jesu kwa ciindi cilamfwu eelyo baya kuba bazyali besu baku muya. Mbotuya bukomena mu lusyomo, kuya kuba bantu baya kuyanda kuti tube bazyali babo ku muya. Inga twakulwaizyanya akupaililana. Eeci inga catugwasya ciindi twalimwva kuba kule kule a Leza naaba kupengana mukulilemeka. Antoomwe inga twanyonana.

Mbuli babunyina, aabona inga twakazyanya alimwi akulwana, pesi mbuli mu mukwasyi oonse nciyandisi kupanga luumuno ali umwi aumwi. Antoomwe inga twaba mukwasyi uzuunyene mu muya, kutobela Jesu alimwi akutamba bamwi kuti basangane.

Inga kakuli mwakabona kuti na tamujani ciindi cakuba aaba mukwasyi abalongwe, inga mwandaana ambabo, mbiccaana mbiccaana kulimwva kutantamukana. Mbocibede amukwasyi wesu wa muya. Kuti na tatujani ciindi antoomwe tulatantamukana. Tulabula alugwasyo alimwi akutyompokelwa, ncubauba kunyonganizyigwa akusoogwa. Eeci tacaambi kuti ncibi kuba aciindi a Leza olikke. Eeco ncmwi cintu ciyandisi ceelede kucitwa alimwi tuya kuziyiba kunji kuli ceeci mu ciiyo citobela.

Inga twajana ciindi antoomwe mbuli bamwi ba mukwasyi wa Leza munzila zyiindene. Inga twaimba antoomwe, kubala Bbaibbele antoomwe, kupaila antoomwe naaba kuba aciindi ca kawiiwi kulomba Leza kuti akanane andiswe. Inga twaabana cilyo antoomwe, kugwasya bapenzi mu mukwasyi naaba kubelekela antoomwe. Zyinji nzila motunga twaba bamukwasyi wa muya.

Tweelede kuyeeya lyoonse kuti buumi bwesu bupya muli Leza butupanga kuba mukwasyi uupya. Tulauyanda ooyo mukwasyi mbuli mbotukomena mulusyomo alimwi mukwasyi wesu awalo ulatuyanda.



5
tuvwalu-
vwalu

Cakucita – Cisobano Cakutobelezya

Mu mukwasyi, tuvwula kwiiya kwiinda mukucita zyintu antoomwe. Tulabona umwi mbwacita cintu mpoona twatobelezya. Pandulula kuti tuyanda kusobana cisobano kutegwa tucii baluke eeci!

Mubabikke bobile bobile bantu. Ali bobile omwe asolwedele, kupanga zyakucita, omwe ngwa kutobelezya micito. Pandulula kuti basikuzunda mukwiindana mbaabo bobile bati pange micito isesya kwiindilizya!

Mutondezeye eeci kwiinda mukwiita sikulyaaba omwe mumwaambile kuti atobelezye zyoonse zyo muticite kwa kavwalu vwalu komwe. Mulakonzya kuzunguluka, kulyuume kabayi ku mutwe, kusotauka, kuzuzaana mukaanda naaba kupanga busyu bwa kusesya! Inga casesya kufwumbwa musyobo ngomuyanda kuti cibe.

Boonse balibambila, moompolole, “Tiye!” mpoona mupe umwi aumwi tuvwalu vwalu 2 na 3 twakusobana cisobano.

Muyeeye kubona cisobano ciinda kusesya kutegwa mujane wazunda kumamanino.



10

tuvwalu-
vwalu

Mubandi

Mutubunga twa bantu 3 na 4 mubandike mibuzyo eeyi:

- Twamana buyo kuba amangwinini akutobezeza umwi aumwi. Sena inga mwatwaabila mukonzyanyo wa cintu ncomwaiya mukutobezeza umwi?
- Sena inga mwatwaabila mukonzyanyo wa ciindi nomwakali kupengana mpoona bamukwasyi na balongwe bakamukulwaizya akumugwasya kuzunda mapenzi ngo mwakajisi?
- Sena kuli ciindi nco mwakalimvwa kuyuminzyigwa kwiinda buyo mukuba aciindi aba mukwasyi na balongwe?



15

tuvwalu-
vwalu

Mupailo

Lino tuyanda kuba aciindi antoomwe ca kupaila. Bacaale mutubunga twa bantu 3 na 4, mutalisye yeeyi mibuzyo ku bantu.

- Sena kuli ncomulombozya kwaamba kutegwa mukulwaizye mukwasyi waku muya?
- Sena kuli cimwi cimupenzya ncomuyanda lugwasyo kuzwa ku mukwasyi wa ku muya kuti mukulwaizyigwe?

Bantu babe aciindi cakusuwiilizya kuli Leza akuli umwi aumwi akwaambaula cakulisingula. Kufwumbwa bamana kukanana mibuzyo eeyi, mubalombe kuti bapaililane mutubunga twabo.

Lino mwiite mbunga yoonse antoomwe. Mubaambile boonse baime mucikweya mpoona bajatane maanza. Tulaba aciindi cakulumba Leza ku mukwasyi wesu. Mwiite muntu oonse kuti ape mupailo kuli Leza wakulumba mukwasyi wesu ngwa katupa. Kwainada ciindi,

mujale ciindi ca kupaila kwiinda mu mupailo wenu.



Cakucita iino mvwiki

Aimwi mvwiki ilijisi mulimo wa kucitila ku ng'anda. Iino mvwiki musale muntu omwe mukabunga mpoona alisungule kuswaangana abamwi nocitaninga sika ciindi ca kuswaangana kwa kabunga koonse kuti bakulwaizyanye. Na kuli omwe ngo muteendelene mukabunga, eeci cilaba coolwe cakuwaangana kutegwa bapange luumuno. Inga mwayandika kulomba lulekelelo akulekelelana. Eeci inga caboneka kusyupa pesi nciyandisi kucita mu mukwasyi wesu wa mu muya.

Nomutaninga swaangana mube aciindi ca kupaililana akulomba Leza cimwi cintu ncomunga mwabakulwaizya, ambweni kampang mu Bbaibbele, akaimbo na majwi mabotu akonzya kubagwasya kuziyiba Leza kabotu.

Mwaswaangana, mukulwaizyanye, mubuzyanye mapenzi amulwana mwamana mupaile antoomwe kulomba Leza kuti amugwasye kuzunda mapenzi aayo. Inga mwaamba bwiinguzi bwa ceeci mukuswaangana kutobela.



Kamboni

Mbuli mbomuba aciindi mubube bwa Leza, uya kukanana kuli ndinywe. Mumulombe kuti amugwasye kukulwaizya umwi walo utana sangana mumukwasyi wa Leza mpoona mumutambe kusangana kabunga kenu mvwiki itobela. Mubuzye kuti nguni ngomweelede kukanana aawo, ambweni muntu ngo mwakaswaide mvwiki yakainda.

6

Mubusena Bwa Kawiiwi a Leza



'Amuleke, muzibe kuti ndime Leza.'

Intembauzyo 46:10a



Kulibambila

Sena mwaka:

- Lomba uumwi mukabunga kuti abale caano?
- Lomba uumwi mukabunga kuti abale caano ca mu Bbaibbele?



Kutambula Abwiinguzi

5

tuvwalu-
vwalu

- Mubalumbe boonse kuboola ku kabunga.
- Mutalike amupailo mufwaafwi, mubauba.
- Mubuzye kabunga na kakacita ‘Cakucita iino mvwiki’ alimwi ancito zya ‘Bukamboni’ zya mvwiki ya kainda.
- Mwiite bantu baambe cili coonse ncobakaiya na kuzyiba kuzwa ku zyakucita.



Muzeezo

Muzeezo wa cibeela eeci iino mvwiki ngwa kusola kuzyiba kuti notuyanda kuswena swena munsu aa Leza akuba mbuli nguwe, tweelede kujana ciindi ca kawiiwi anguwe.



Cipeto Camumutwe

5

tuvwalu-
vwalu

Mubalisye ku kabunga cipeto camumutwe cipedwe mu Bbaibbele. Mubale alimwi mpoona kabunga katobelezwe kusikila limwi muntu oonse acizyibe coonse ca mumutwe. Mukulwaizye bantu kusoleka akwiindulula muli lwabo beni.

Amuleke, muzibe kuti ndime Leza.

Intembauzyo 46:10a



Caano

Mubale cibalo eeci ku kabunga.

Daniele kali mwaalumi musyoonto kakkala mu munzi

nakaswaangana a Comfort, musimbi musyoonto wakali kusambala mu cintooolo. Wakamusyaba akuyanda ku mukwata, pesi mubwini wakalizyi kuti wakeelede kumuzyiba kataninga muyanda.

Wakali kumuswaya abuzuba ku cintooolo nkwakali kubeleka alimwi bakali kwiinzya kufwumbwa cakonzyeke, nkabela cakali cintooolo cijisi bubi aboobo tikwakali kwiinda ciindi kakutasiki muntu eelyo Comfort wakali kusiya Daniele kuti abone sikuula. Alimwi, mukamwini cintooolo takali kuyanda kubabona kabakkede akwiinzya aboobo wakali kumujanina cakucita kutegwa ciindi coonse kajisi bubi. Bakali kusola kukanana kumwi kabeleka pesi cakali ciyumu nkaambo mizeezo yakwe yakali kuba ku ncito kutali ku musalo.

Daniele wakabona kuti takali kulangilwa kumuzyiba Comfort ku cintooolo, aboobo bakapangana kuna kuswanganina ku cintooolo ca kkofi abuzuba akotoka ani kuya ku ng'anda. Nokuba boobo, cintooolo ca kkofi cakali cintooolo cijisi bubi alimwi bunji bwa balongwe bakwe bakali kusika akusangana atebule. Alimwi, nyimbo zyakali kulilisya lyoonse aboobo cakali kusyupa kumvwana nobabandika.

Daniele cakamukopa eeci cakubula ciindi amuntu ngwakali kuyanda, aboobo wakayanda kuti akamuswaye ku bazyali bakwe. Pesi nakaunka bakakkala mukaanda bausyi mobakali kweebelezela namacaaca. Bausyi bakamukondwa Daniele eelyo bakali kwiinzya cisobano ncobakali kwebebelezya. Bina Comfort abalo bakasangana alimwi bakali bakanazi, bakali kubuzya kujatikizya buzuba bwabo amakanze aabo. Comfort wakalijisi bace bakwe bakali kusobana mukaanda oomo, alimwi bakali kwiita Daniele kuti basobanine aamwi, ecco calo ncakacita kayi wakali kubayanda alimwi wakali kuyanda kukkomanisya Comfort.

Daniele wakalimvwa kutakata buyo kayi nokuba kuti wakali kujana ciindi muni muni lyakwe, takali kulangilwa kumuzyiba Comfort. Kufwumbwa nkobakaswanganina kwali zysisinkila, zinyonganya, acoongo cikasya kuti bainzye ca omwe-omwe. Wakayeeya kuti kwakali buyo nzila yomwe. Wakamwaambila kuti kanyamuka kuya ku ncito mafwumo fwumo kwacaala oola lyomwe, eelyo bakali kuswaangana kunselelo mukalonga muumwine wii kwalo kwakanyina zysisinkila na zinyonganya, ooko kwalo coongo cakaliko cakali buyo ca meenda akunka amajwi aabo nobainzya.

Buce buce bakazyibana kabotu kabotu alimwi luyando lwabo lwakakomena mubuzuba abuzuba. Tilyakalampa Daniele wakalomba bausyi Comfort kuti amutwale.



Cakucita

10
tuvwalu-
vwalu

Amubabikke bobile bobile bantu. Mubakulwaizye kuti babe amuntu ngobatazyibene limwi. Abamwi bobile beelede kusangana abamwi bobile, aboobo kulaba tubunga twa bantu 4.

Mukabunga akamwi, bantu bobile bapegwa tuvwalu vwalu 2 kuti bazyibane. Zyintu mbuli: mbapati buti, bakazyalilwa kuli, bacita nzi mubukkale bwabo, cilyo ncobayandisya azyimwi.

Nobainzya, bamwi 2 basole kubanyonganya kwiinda mukupanga coongo, kubabuzya mibuzyo, kubatumina luwaile naaba kucita kufwumba cikonzya kubanyonganya mumubandi.

Bamana bacincane eelyo abalo bamwi bobile basole kuzyibana. Abamwi muli cabo bobile bape bwiinguzi mbuli mbobazyibana. Amubone kuti mbaali bakonzya kuzyibana bwiinda. Mubajosye boonse antoomwe mwamana mubuzye nancubauba kuzyiba umwi akati kazyinyonganya alimwi acoongo.



Luzyibo lwamu Bbaibbele

Mubale Marko 1:21-39 ku kabunga:

²¹ Lino bakanjila mu-Kapenaumu, Mpawo kubuzuba bwa-Sabata wakanjila mucikombelo, wakatalika kwiisya. ²² Nkabela bakankamana kukwiisya kwakwe, ikuti wakali kubaiisya mbuli sibwami, takakali mbuli balembi pe. ²³ Mpoonya mucikombelo mwakali muntu uunjilidwe daimona uusofweede, wakoonzomoka kuti, ²⁴ Ino makaninzi ngutujisi ayebo, Jesu omuna-Nazareta P Sa weza kuzootumanizya? Ndikuzi mbobede, nduwe Musalali wa-Leza.

²⁵ Lino Jesu wakamutapatila, wati, Umuna, uzwe mumuntu oyu. ²⁶ Mpoonya awo daimona wakamuzulunganya, woonzomoka ajwi ipati, wazwa.

²⁷ Lino bakagamba boonse, babuzyanya bati, Ino ncinzi eci? Oku kwiisya kupya, nkwabwami! Ulalailila abadaimona, abalo balamvwa. ²⁸ Mpoonya wakainka impuwo moonse mucisi caGalilaya cizingulukide.

²⁹ Mpoonya awo nibakazwa mucikombelo, bakanjila mujanda yabaSimoni a-Andreya, antoomwe a-Jakobo a-Johane.

³⁰ Nkabela banyinazyala Simoni bakalilede, balaciswa intuntumanzi, mpoonya bamwaambila mbabo. ³¹ Lino wakaswena, wabajata ijanza, wababusya, elyo intuntumanzi yakabaleka, bakatalika kubakutaukila.

³² Lino mangolezya, lube buyo luubeube, bakamuletela boonse baciswa, abalo basidaimona, ³³ nkabela munzi woonse wakayobolokela kumulyango. ³⁴ Nkabela wakaponya banji baciswa malwazi aamisyobo misyobo, alimwi wakatanda badaimona banji, pele takakali kuzumizya badaimona

kwaamba, nkaambo kakuti kabamuzi.

³⁵ *Lino buumbuluke buyo, wakafuma loko, wazwa, wainka kunkanda kuyookomba nkukonya.* ³⁶ *Nkabela Simoni ambobakali abo bakamutobela,* ³⁷ *Bamujane, bamwaambila kuti, Bantu boonse balayandaula nduwe.*

³⁸ *Wabaambila wati, Katuya kumbi kuminzi iiswaangene, kuti nkakambauke oko akwalo, nkaambo nciiceeco ncendazida.*

³⁹ *Lino wakaya bukambauka muzikombelo zyabo mucisi coonse ca-Galilaya, akuya butanda badaimona.*



Mucibeela citaanzi mucibalo eeci tubona bwapauzi bwa buzuba bumwi Jesu mbwakajisi bubu. Jesu wakalizyi kuti buzuba buccilila bwakali buyandisi kuli nguwe kuba aciindi a Wisi kutegwa abambululwe ku muya, kwiinda akuba mubulo akujana kubambululwa ku nyama. Wakalizyi kuti wakali kuyandika ciindi cakaumuumu a Leza.

Jesu wakalizyi kuti kufwumbwa kuti bamwi babuke tacikwe kuba cubauba kuba aciindi a Wisi. Eeci tulacibona mucisyoonto ca 36 kusikila ku 39 oomo mwalo basiciiya babwe mobamujana akumwaambila kuti boonse bakali kumuyandaula. Mabunga mabunga abantu akali kuyanda kumubona Jesu. Bakali kuyanda kuba aawe. Bakali kuyanda kuponezyegwa akwangululwa, akumvwa njiisyo zyakwe. Nobatakamupa ciindi cakupumuna, alimwi nakali mulweendo lwa buzuba, kweenda kuzwa mumunzi kuya mumunzi uumbi kuya buyiisya akubandika ku bantu.

Cisyoonto ca 35 citwaambila kuti Jesu wakaya kunso 'akupaila'. Inga caubauba kusweeka kuti twayeeya kuti wakali kupa buyo mweelwe wa zyintu zyakali kuyanda kucitilwa kuli Leza. Pesi bbala lya 'kupaila' lyabelesyegwa aawa lyaamba zyinji: lilijisi kukomba, kulumba,

kulomba (zyotuyanda azyotulombozya), a ‘kulindila’ kuli Leza Taata. Kulindila ndi bbala Iyaamba kukkala mubusena muli Leza katuswiilila kuli nguwe. Jesu wakalizyi kuti aabo balindila kucitilwa kuli leza baya kukukulusyigwa munguzu (Izaya 40:31) eelyo ulacita! Wakalizyi kuti mulimo wakwe ulakonzya (alimwi ulalangilwa kapati) kwaalilwa kuti na tacita oobo. Muciindi cakwe cakuba a Wisi, Jesu nakatondezya luyando kuli Leza akulumba kuli Leza. Nakapailila zymwi zyilibedeledede ziyandika na kuba anguzu, nguzu zya kuzumanana amulimo wakwe.

Nakalindila kuli Leza, kuswiilizya ku luyando lwa Leza kuli nguwe, akumalailile abuzuba buccilila. Tulabona mucisyoonto ca 38 kuti Jesu wakajisi muzeezo mubotu wa buzuba amana kuba aciindi awisi – kweenda kuzwa ku busena bomwe kuya muminzi iili munsu - munsu.

Kuti Jesu, Mwanaa Leza wakajisi nguzu zynji loko, kayandika ciindi cakukulusyigwa a Leza, ino swebo inga nkunji buti nkotuciyanda?



Cakucita

Kuba mbuli Jesu akuba aciindi a Leza ciyanda kulilemeka. Toonse tuyanda kujana muzeezo uuya kutugwasya kucita boobu. Mbunga ayandaane kuba bobile bobile mpoona bakanane mibuzyo iccilila. Muntu aumwi asale bwiinguzi mpoona ape kuli ngwali aawo, alembe kusala kwakwe kutegwa kakonzya kuyeeya.

- Buli kuli busena mbonga waba olikke, kutegwa koli buyo nduwe a Leza? Oobu busena bwelede kuba bwa kawiiwi nkotalangilwi kunyonganizyigwa, kwingililwa, na kusinkilwa. Bwelede kuba kooko nkokonzya kuba abuzuba.
- Cili lili ciindi cibotu mubuzuba ncokonzya kubikka ambali kuti nca kaumu umu ube a Leza? Muyeeye mabambe eenu

abuzuba abuzuba mwamana musale ciindi cibotu kuli ndinywe. Bunji bwa bantu bajana kuti ciindi cibotu kuli ceeci nca mafwumo fwumo. Mulakonzya katalika atuvwalu vwalu tuli 10 mpoona kamuya buyungizya mbomuya buzyibila.

Mukulwaizye bantu kulemba makanze aabo nabalakonzya. Eeci ciya kubagwasya kwibaluka.



5

tuvwalu-
vwalu

Mutubunga twabo twa bobile, mulombe bantu kuti bapaililane. Nkuba bacigaminina mumupailo, kupa zyina Iya busena umwi aumwi nkwaya kuba aciindi a Leza alimwi akulomba Leza kuti abaswanganye mumipailo ya cigaminina.



Ku matalikilo inga caboneka mbuli kuti tacili munzila alimwi tacili cabuyo. Saatani uya kumutyompokezya kwiinda mukumwaambila kuti ooku nkusowa ciindi alimwi Leza taakwe nanga wamumvwa. Pesi mutakatakati. Mukazumanane kuya kumbele eelyo buya mazuba mbwaya kuba mvwiki ciya kuba cabwini. Muya kuba amazuba ngomuya kulimvwa kuba mumsi mumsi a Leza, aya kuccililwa ayaayo ngo muya kulimvwa kuba kule anguwe. Mutakatakati. Bulongwe butola ciindi anguzu. Mubelekele kuba mubusena bwa kawiiwi a Leza.



15

tuvwalu-
vwalu

Cakucita

Pandulula kuti ono tuyanda kulisunka kuba aciindi ca kaumu umu. Mwaambile kabunga katobele ntaamu eenzyi. Mweelede kuzyibala yomwe yomwe muciiindi, kupa bantu ciindi cakucita cibeela acibeela.

- Musale busena mukaanda mpomunga mwakkala na kwimikila ca kaumu umu.
- Muzime luwaile lwenu.

- Muzwisye mizeezo yoonse, kulibilika na mizeezo ilunduka oomo. (Kuba aciindi a Leza mafwumo fwumo kuti kaciba cintu citaanzi mizeezo noitaninga jata ubi cilagwasya.)
- Mwiime. Mulkale wii. Mutacucauki.
- Mutalisye kukomba akubotelwa Leza. Mutondezye luyando lwenu kuli nguwe. (Muzumizye ciindi cisyoono kucita boobu mpoona mucite ntaamu zyicilila.)
- Mulyambilile cinyonyoono cili coonse ncomuzyi mwamana mumulombe kuti amutondezye cimwi eeco ncomutabikkilide maano. Mube munzila mbotu a Leza.
- Mujane ciindi ca kumulumba kububotu bwakwe azyoonse zyaamucitila.
- Mumulombe kuti amuswanganye kuli zomuyanda alimwi mumutondezye azyomulombozya kuli nguwe.
- Mumanizye kwiinda ‘mukulindila kuli Leza’. Mubale ziyepeto kuzwa mu Bbaibbele. Inga mwatalisya Ntembauzyo 46 sunu. Mubale asyoono asyoono. Mubale cakuba mumupailo. Mupailile malembo kuli Leza.
- Nomubala, mutelelesye. Mulembe kufwumbwa ncomutimvwe na mizeezo izwa kuli nguwe. (Nomuli nyolikke, namwajana kwiingaila mumizeezo, mubalisye. Eeco cilagwasya kubikkila maano.)

Mujose kabunga antoomwe mpoona mubuzye uli oonse ukonzya kwaamba luzyibo ndwajisi.



5

tuvwalu-
vwalu

Mupailo

Musolwedele kabunga mumupailo ooyu. Mubale mulongo omwe ciindi aciindi eelyo mwaambile kabunga kuti inga kainduluka mulongo oonse nakalakonzya:

Mwami Jesu, ndakuyanda alimwi ndiyanda kukuzyibisisya

buzuba abuzuba. Akaka ndiyiisye kwiima nji, kuba muumuzi akujana ciindi anduwe buyo. Ndigwasye kucita ceeci kuti cibe ciyanza cangu buzuba abuzuba. Ndakomba undikwabilile ku bulwani buzwa kuli Saatani mbuli mbwalangaula kundisinkila akundiingilila kuba anduwe. Ndakuyanda Mwami Jesu, ndigwasye kweenda muni muni lyako, ameni.



Cakucita iino mvwiki

Aimwi mvwiki ilijisi mulimo wa kucitila ku ng'anda. Iino mvwiki, mucite muzeezo ngo mwakabamba ku matalikilo. Muunke ku busena mbomwakakanza aciindi ncomwakakanza. Muunke ciindi comwe buzuba abuzuba alimwi mutobele ntaamu eenzyi zyubauba zytwacita sunu. (Mweelede kubaibalusya bantu eenzyi). Mulisungule kucita ceeci alimwi mukulwaizye bantu 2 kuna kucita boobu mukabunga iino mvwiki.

Mubaambile bantu kuti babikkile maano kubona zyiindi nobasinkilwa, nobanyonganizyigwa, na kukosokezyegwa muciiindi nobayanda kuba aa Leza mumvwiki yoonse. Mubaambile kuti bayeeye eeco cibasinkila na cibakosokezya, mpoona bayeeye cikonzya kucitwa kutegwa bakonzye kuzyizunda eezyi zyinyonganya.



Kamboni

Amuyeeye bantu boonse mbomwakakanana kale limwi mwamana mubuzye Leza na kuli omwe walo ngo mweelede kukanana aawo alimwi iino mvwiki na kuli mupya. Muunke mumwaambile ooyo muntu Leza ngwa bikka mumizeezo yenu kuti welede kuna kuba aciindi cakaumu umu a Leza. Mupandulule kuli nguwe kuti mupanga ciindi cakubandika a Leza akuswiilizya kuli nguwe. Mubaambile ncomwaiya sunu mpoona mubatambe abalo bacite oobo.

Ino Bbaibbele ninzi?



'Mangwalo aya oonse akazwa kuli-Leza, alikondede kukufundisya akukulaya, akukuolola akukupandulula makani aabululami, kuti muna-Leza alibambe, azulile kukumana milimo mibotu yoonse.'

2 Timoteo 3:16-17



Kulibambila

Eeci ciindi ciya kuyanda bantu bamu kabunga kuba acoolwe cakuba a Bbaibbele. Mweelede kukanana abantu akubalomba kuleta Bbaibbele na balijisi. Muciiyo, mubone kuti ma Bbaibbele aabanizyigwa mukabunga alimwi kuli baabo batakonzyi kubala bagwasyilizyigwa abakonzya. Nakuli bakonzya kubelesya luwaile abajane ma Bbaibbele aali mubulembo amumajwi kwiinda mukubelesya kasabwi. (Mubone lubazu lujisi zzyibelesyo ku mamanino aciiyo eeci na muyanda mikonzyanyo ya nkozyijanwa.)

Sena mwaka:

- Lomba uumwi mukabunga kuti abale caano?
- Lomba uumwi mukabunga kuti abale caano ca mu Bbaibbele?
- Sena mwabaambila boonse kuleta maBbaibbele na balijisi?



Kutambula Abwiinguzi

5

tuvwalu
-vwalu

- Mubalumbe boonse kuboola ku kabunga.
- Mutalike amupailo mufwaafwi, mubauba.
- Mubuzye kabunga na kakacita 'Cakucita iino mvwiki' alimwi ancito zya 'Bukamboni' zya mvwiki ya kainda.
- Mwiite bantu baambe cili coonse ncobakaiya na kuzyiba kuzwa ku zyakucita.



Muzeezo

Muzeezo wa ciiyo iino mvwiki ngwa kutuzyibanya ajwi lya Leza, Bbaibbele. Bbaibbele lilatwaambila caano ca Leza abantu bakwe akutugwasya kumuzyibisisya.



Cipeto Camumutwe

Mubalisye cipeto camumutwe alimwi amukonzyanyo wamu Bbaibbele ku kabunga. Mwamana alimwi mucibale pesi mubale

mutubeela-beela tusyoonto, mubone kuti kabunga kalatobezezya. Mwiindulule oobu, mbiccaana mbiccaana mubale zyibeela zyilamfu kabunga zyokati tobelezye kusikila limwi boonse bacizyibe lwabo. Mukulwaizye bamwi bantu kusola kwiindulula muli lwabo.

Mangwalo aya oonse akazwa kuli-Leza, alikondede kukufundisya akukulaya, akukuolola akukupandulula makani aabululami, kuti muna-Leza alibambe, azulile kukumana milimo mibotu yoonse.

2 Timoteo 3:16-17



Caano

Mubale cibalo eeci ku kabunga.

Kwa myaka iisika ku 200 mucisi ca Wales kwakali kukkala mwana musimbi utegwa Mary Jones. Wakali kuzwa ku mukwasyi mucete pesi bazyali bakwe bakali basyomi bana Kristu. Mary lwakwe wakaba musyomi muli Jesu nakajisi myaka iili lusele. Wakayiisyigwa Bbaibbele kuzwa ku bwana bwakwe, nkabela walo Mary wakayandisya kuti paka akalibalile. Nkabela kwakali mapenzi nga keelede kuzunda. Kusaanguna, takacizyi kubala; inga walijana kuli Bbaibbele, alimwi mbubuti mbwakali kukonzya kuba alyomwe?

Penzi litaanzi lyakamana nokwakajulwa cikolo mumunzi uuli munsi munsi akwabo. Mary wakakonzya kwiiya kubala! Wakali kweenda kuya kooko akujoka buzuba abuzuba kufwumbwa mbobubede, nkabela wakatolelela. Wakali citide kale milimo ya mung'anda, nkabela Mary wakatalika kubelekela bantu, kusoleka kubikkilila mali mbiccaana mbiccaana. Wakali kucapa zysisani, wakali kuvwuba nkuku, alimwi wakali kusambala mai. Lyoonse apanga mpindu nsyoonto, wakaiyobola kabotu, kayeeya buzuba mbwakali kukonzya kusika ambaakani.

Nakamana kuyobwedela kwa myaka iili cisambomwe wakabona kuti mali akali vwulide. Mary wakabuzya uumwi musololi wacikombelo kuti aule Bbaibbele. Taakazyi naba omwe, pesi wakamwaambila amwaalumi omwe utegwa Thomas Charles waku Bbala – kulampa mamaile aali 26. Muzyimwi zyiindi wakali kujanika amaBbaibbele akusambala. Mabbaiibbele aku Wales akali kusyupa kujana aayo mazuba, pesi Mary wakali lisungwide. Aboobo aciimo ca myaka iili 14 wakanyamuka lweendo lulamfwu. Wakalanduka milundu akati ka dolopo lya Bbala amunzi wakwe. Nzila yaali mbi alimwi ya mabwe amana wakeenda katasamide mabbusu, pesi wakazwidilila.

Nakakonkomona amulyango wa Charles wakali katede akubija, pesi meso aakwe akali sansamukide akubotelwa. ‘Sa mulijisi maBbaibbele akusambala?’ wakabuzya cakutayoya kabotu. Ba Charles tibakazyi cakwaamba. MaBbaibbele aabo oonse akalisambalidwe kale na kujatizyigwa. Nkabela ngooyu mwana musimbi uyandisisya meso aakwe azwide misozi, wakabikkilila kwa ciindi cilamfwu alimwi weenda musinzo mulamfwu. Ncobeni inga tajosyegwa buyo cinkwamaanza. Ba Charles bakayeeya cakubinda. ‘Ndakupa lya mamanino,’ bakamwaambila, ‘ndamana ndajana limbi lyakupa sikuula wangu.’

Mboobo Mary mbwakabweza Bbaibbele lyakwe akuzumanana kulibala kwa buumi bwakwe boonse. Lyakali mung’anda iyobwedwa tumpiyo mpiyo twa kaindi okuya ku Wales, kalijisi caano ca mbwakalijana kacilembedwe abulembo bwakwe kunze. Ino ba Charles? Mbubo, bakakondwa loko kubuyandisi bwa mwana musimbi ooyu aboobo bakatalika kabunga ka maBbaibbele kutegwa bunji bwa bantu bakonzye kuba amaBbaibbele aabo. Luyando lwa Mary ku Bbaibbele akuli Leza mwini wa bbaibbele lwakatondezya cileleko kutali kuli nguwe alikke pele aku mukwasyi wakwe, akuli bamwi banji.



Luzyibo lwamu Bbaibbele

Mubale 2 Timoteo 3:14-17 ku kabunga:

¹⁴ Eno yebo kojatisya makani ngowakaiya azintu nzozuminiya, nkaamboulubezi abo abakakwiisya ngao, ¹⁵ alimwi ulizi kuti kuzwa kuciindi niwakacili mwana ulyeezi magwalo aasalala aakonzya kukusongwaazya mukufutulwa kulusyomo luli muli-Kristo Jesu, ¹⁶ Magwalo aya oonse akazwa kuli-Leza, alikondede kukufundisya akukulaya, akukuolola akukupandulula makani aabululami, ¹⁷ kuti muna-Leza alibambe, azulile kukumana milimo mibotu yoonse.



Bbaibbele ncibelesyo cijisi nguzu. Mbuli cibalo cesu mbocitondezya, inga twacincigwa kuti na twabweza kasimpe kalyo mu myoyo yesu. Ncaano ca Leza ncolijisi: maccililane amabbuku atwaambila bulenge bwa nyika, zyakacitika kuli njiyo kusikila ono, luyando Leza ndwajisi ku bantu bakwe, makanze aakwe akutufwutula kwiinda mu mwanaakwe Jesu, alimwi azyeezyo zyiya kuboola ku mamanino.

Caano ca Mary Jones citondezya mbocili ciyandisi kuba aBbaibbele ndyokonzya kubala mumulaka wako. Ambweni, mbuli Mary, inga kamutanabede aBbibbele lyenu. Nkaambo nzi ncomutakwe kusala kumulomba Leza kuti amugwasye kuyobwedela kutegwa mukonzye kuula lyomwe lyenu alya mukwasyi kamubalila antoomwe.



Mubandi

Ku mibuzyo yoonse iccilila, mukulwaizye bantu bape bwiinguzi mbuli mbobayeeya. Bantu bamana kwiingula, mubale bwiinguzi bupedwe waawa.



Ino Bbaibbele ninzi?

(Muyeeye kuzumizya muntu omwe na bobile baingule ansyina.)

Bbaibbele lijisi bulembo na *Mangwalo* alibedeledede. Bbala lya *Bbaibbele* lizwa kuzyina lya ci Giliki lyaamba zyintu zyini zyini, zyipandulwidwe *mubbuku*. Ndibbuku lijisi mabbuku aali 66, akalembwa muzyiindi zyiindene akulembelwa ku babali bayindene. Lili apawidwe muzyiga zyobilo:

- Cizuminano Cakale calo cijisi mabbuku aali 39 oonse aaya akalembwa Jesu katana zyalwa.
- Cizuminano Cipy a cijisi mabbuku aali 27 (bunji bwayo magwalo), cijisi buzyalwe bwa Jesu kusikila ku masimpilo anyika.

Cifwanikiso cili apeji litobela citondezya mabbuku ayindene ajanwa muBbaibbele ambuli mutubunga mwaakkala. Mu Cizuminano Cakale mabbuku ali mutubunga 5:

- Milawo: Aaya mabbuku atwaambila caano ca matalikilo aa Leza abantu bakwe akutondezya mbuli mbwakabalailide kupona.
- Zyakacitika: Aaya mabbuku nga kaindi, kwa myaka minji alimwi alazumanana acaano ca Leza abantu bakwe, aabona cisi coonse, aabona mukwasyi musyoonto na muntu buyo omwe.
- Kweema: Kubelesya mulaka ukwelelezya akusola micito yesu aaya mabbuku alatugwasya kuteelela buumi munzila izulide.
- Bashinshimi basyoonto abapati: Mubbuku lyomwe lyomwe lya yaaya tubala majwi aa Leza ku bantu bakwe aciindi cilibedeledede kubasola na kubakulwaizya. Inga twaiya zyinji kubube bwa Leza abantu bakwe mumabbuku aaya.

Mu Cizuminano Cipy a mabbuku apawidwe mutubunga 4:

- Makani Mabotu: Aaya mabbuku ajisi zyakacitika eelyo Jesu nakali kukkala anyika.
- Cikombelo Citaanzi: Jesu nakasiya nyika, bantu

bamutobeledede bakaambila bamwi kujatikizya nguwe. Caano cili moomu.

- Magwalo: Basololi bacikombelo citaanzi bakalemba magwalo manji ku mabunga abantu basyoma kuti bakulwaizyigwe. Aaya magwalo ali moomu.
Cishinshimi: Mbuli mabbuku a mu Cizuminano Cakale acishinshimi, eeli bbuku lituma mulumbe wa Leza ku bantu bakwe. Kwiinda mumulaka wa zytondezyo tupegwa cicenjezyo alimwi a kubutikwa.

| | | | | | | | |
|--------------------------|---------------|--------------------|-----------|---------------------------|----------------------|---------------------------|----------|
| Cizuminano Cakale | Milawo | Zyakacitika | Joshuwa | Kweema | Jobu | Bashinshimi Banini | Hosiya |
| | | | Babetesi | | Intembauzyo | | Joeli |
| | | | Lute | | Tusimpi | | Amosi |
| | | | 1 Samuele | | Mukambausi | | Obadiya |
| | | | 2 Samuele | | Lwiimbo lwa Solomoni | | Jona |
| | | | 1 Bami | Bashinshimi Bapati | Izaya | | Mika |
| | | | 2 Bami | | Jelemiya | | Nahumu |
| | | | 1 Makani | | Malilo | | Habakuku |
| | | | 2 Makani | | Ezekieli | | Zefaniya |
| | | | Ezara | | Danieli | | Hagayi |
| | | | Nehemiya | | | | Zekariya |
| | | | Esita | | | | Malaki |
| | | | | | | | |

| | | | | | | | | |
|---------------------------|-----------------------------|----------------|-----------------|----------------|----------------|--------------------|-------------|----------|
| Cizuminano Cipya | Makani Mabotu | Magwalo | Ba- Roma | Magwalo | Magwalo | Magwalo | Jakobo | |
| | | | 1 Bakolinto | | | | 1 Timoteo | 1 Petro |
| | | | 2 Bakolinto | | | | 2 Timoteo | 2 Petro |
| | | | Ba-Galatiya | | | | Tito | 1 Johane |
| | | | Ba-Efeso | | | | Filimona | 2 Johane |
| Cikombelo Citaanzi | Incito Zyabaapostolo | | Ba-Filipi | | | | 3 Johane | |
| | | | Ba-Kolose | | | | | Juda |
| | | | 1 Ba-Tesolonika | | | | Ba-Hebrayo | |
| | | | 2 Ba-Tesolonika | | | Cishinshimi | Ciyubunuzyo | |

Ono lyakapandululwa mumilaka minji ya nyika, Bbaibbele ndimwi lya mabbuku aayo asambalwa kapati.

Nguni wakalemba mabala mucibalo cesu?

(Muyeeye kuzumizya muntu omwe na bobile baingule ansyina.)

Paulu, musololi mucikombelo citaanzi, wakalemba mabala aaya mulugwalo kuli Timoteo. Mukwasyi wa Timoteo wakamuyiisya Mangwalo (bbala limbi) mbokunga wakacili muniini. Nokwakainda ciindi Paulu wakamuswaanganya akumubwezelezya munyendo zyakwe zyakuyiisya bantu ali Leza akukulwaizya basyoma. Paulu wakaangwa akaambo ka lusyomo muli Jesu, eelyo oomu mulugwalo, uli mumsi mumsi amasimpilo abuumi bwakwe. Wakalemba kukulwaizya mugwasyi wakwe kuti azumanane kusyoma muli Jesu alimwi akumwibalusya buyandisi bwa Mangwalo.

Nkaambo nzi Bbaibbele liliindene?

(Muyeeye kuzumizya muntu omwe na bobile baingule ansyina.)

Paulu wakaambila Timoteo kuti Mangwalo akayoyelwa a Leza lwakwe mwini, na *'Leza wakayoyela'*. Nokuba kuti bube bwa mabbuku buli siyene, kuli kuswaanganizyigwa kugambya kujisi amabala mapati pati, njiisyo ziyapati antoomwe amizeezo zyilibikkidwe antoomwe mucaano coonse. Alimwi buya, ncicakacitika cini cini ca nyika eeyi njotuzyi alimwi motukkala.

Ncinzi ncolikonzya kucita Bbaibbele?

(Muyeeye kuzumizya muntu omwe na bobile baingule ansyina.)

Bbaibbele lilakonzya kutupa luzyibo lwa Leza – Taata, Mwana a Muya Usalala. Litupa mbuli mbwabona nyika, kuzwa ku matalikilo kusikila ku masimpilo. Lipandulula muntu nkwakazwa acipesya kuti buzule mapenzi. Alimwi akutupa cifwanikiso cipati, litutondezya mbotubede mbuli bantu. Litwaambila ncotwakandaanyizyilwa kuli Leza, ncakacita ku penzi eelyo ambotukonzya kuba mu muzeezo

wakwe wakufwutulwa.

Ncinzi ncolitakonzyi kucita bbaibbele?

(Muyeeye kuzumizya muntu omwe na bobile baingule ansyina.)

Tubonenesye eeco Paulu ncakalemba: mangwalo alakonzya kutubamba ‘basongo ku lufwutuko kwiinda mulusyomo luli muli Jesu.’ Nokuba kuti lijisi majwi abuumi, Bbaibbele lyolikke talikonzyi kupa muntu buumi bwa ku muuya. Obuya buumi buboola kuli ndiswe kuzwa kuli Jesu Kristu, eelyo twabikka lusyomo lwesu muli nguwe. Bbaibbele ndiyandisi kuli ndiswe, pesi kutegwa tujane lufwutuko tweelede kubikka lusyomo lwesu muli Jesu, walo uuli ndijwi lipona. Alimwi buya, Bbaibbele tulakonzya kuliita kuti nci kwaankwani, citutondezya mugwagwa uuli kabotu kuya ku muntu ngo tuyanda, Jesu, ukonzya kutufutula kuzwa ku cibi cesu akutupa buumi bupya.

Ino Mangwalo inga atugwasya buti?

(Muyeeye kuzumizya muntu omwe na bobile baingule ansyina.)

Paulu ulati mangwalo alagwasya mu, ‘kuyiisya, kombolozya, kunyona akuyiisya mubululami.’ Alakonzya kututondezya mpotwalubila, mbuli mumuni umweka moonse munyonena myoyo yesu akuyeeya kwesu. Alatupa mikonzyanyo ya kutobela ayeeyo njotuteelede. Mangwalo alimwi alatupa lulangilo, kutondezya kuti Leza inga wabelesya kufwumbwa muntu, tacikwe makani nakawakali mubisyi buti katana talika kusyoma.

Bbaibbele alimwi lilagwasyilizya kutuyiisya mubululami – tabubooli buyo kuli ndiswe pe! Muya Usalala (mugwasyi walo Jesu ngwa katumina basiciiya bakwe nakabuka ku bafwu) ulakanana ku myoyo yesu aku mizeezo kutubamba kuti tuyande maumi asalala alimwi atakwe tombe. Uya kuvwula kubelesya Mangwalo mukutukulwaizya kuli ceeci.

Mukumanizya, Paulu wakakulwaizya Timoteo kuti akomene mu bulongwe bwakwe a Leza. Wakaamba kuti mutwanga wa Leza *weelede kusimpana*. Leza uli tujisili milimo mibotu toonse njotweelede kucita. Mulugwalo lwakwe ku Ba-Efeso Paulu ulati:

Nkaambo iswe tuli milimo yamaanza aakwe, twakalengelwa milimo mibotu muli-Kristo Jesu, njiyo njakabambide kale, kuti tweendele mulinjiyo.

Ba-Efeso 2:10

Tukonzya buyo kwelela kucita milimo eeyi kuti natwaunka mbuli basiciiya alimwi akuzyiba Leza kabotu. Mangwalo antoomwe a Muya Usalala ziyisi lubazu lupati mumulimo ooyu – zyipego zyibotu loko.



Cakucita

Mube mutubunga twa bantu 3 na 4 mpoona musole kwingula mibuzyo eeyi:

- Sena kuli naba omwe wakalimvwa kube Leza wakabandika kuli nguwe kwiinda mucipeto ca Bbaibbele na cibalo?
- Ncicili eeco?
- Ndwindano nzi ndocipanga eeci kuli ndinywe?
- Ino mwakacita buti mpoona?

10

tuvwalu
-vwalu



Mupailo

Mukkale oomo mutubunga twenu tusyoonto akupailila antoomwe, kulumba Leza ku cipego ca Bbaibbele.

Inga mwamulomba:

- Kumugwasya kumvwa akumuzyibisisya kwiinda mukubala na kuliteelela.
- Kumugwasya kulemeka nca mwaambila kucita.
- Kumupa coolwe abukulwaizyi bwa kumwaya kasimpe kuli bamwi nkomwiiya mu Bbaibbele.

10

tuvwalu
-vwalu

Mupaililane kwiinda muli camumutwe ca sunu, mulombe Leza kuti abape zyibesyo zya milimo mibotu mbuli mbobabala jwi lyakwe.



Cakucita iino mvwiki

Aimwi mvwiki ilijisi mulimo wa kucitila ku ng'anda. Iino mvwiki, mwabona mugwagwa na cikwaankwani, mumulumbe Leza kumutondezya Jesu Kristu. Mumulumbe ku cipego cakwe ca Mangwalo akumupa busongo bwa lufwutuko.

Ambweni lwenu nyolikke na amuntu 1 na 2kuzwa mukabunga mubale bbuku lifwaafwi lya mu Bbaibbele. Cili kuli ndinywe kusala bbuku ndyomuti bale. Natamuli bwini kwa kotalikila amusole Jakobo, 1 Petro na 1 Johane, magwalo akalembelwa cikombelo citaanzi. Bbuku lya Marko abwalo mbusena bubotu bwa kotalikila. Ndilamfwu alimwi lyaamba zyakacitika ciindi Jesu nakali munyika.

Kuti kakuli umwi utakwe Bbaibbele naaba utacizyi kubala, mumukulwaizye kubonana aumwi ujisi Bbaibbele alimwi ukonzya kumubalila.



Kamboni

Nomwamana kumulomba coolwe Leza cakumwaya kasimpe kuzwa mu Bbaibbele kuli bamwi, mucilangile eeco coolwe eelyo mukanane caboneka!


Muyeeye bantu boonse mbomwakabandika kale limwi kuti mbakamboni. Mumubuzye Leza na inga kakuli umwi muntu ngomweelede kubandika limwi alimwi na walo uyanda kuti mubandike amuntu mupya. Leza uyakubikka muntu mumizeezo yenu ngomweelede kubandika limwi. Inga mwajana kubelesya cifwanikiso ca tukweya totatwe, mupe ca mumutwe na mucite comwe ca luse ku muntu mbuli nzila yakutondezya kasimpe kali mu

Bbaibbele.

Ciindi ciboola mukape bwiinguzi bwa mipailo ku kabunga.

Bulembo

Bwakubala Bbaibbele



'Mulao wa-Jehova ulilondokede,
ulabusya muuya.
Bukamboni bwa-Jehova bulasyomeka,
bulasongwaazy a batezi.
Zilayandika kwiinda ingolide,
kwiinda ingolide zinji loko;
Zilalweela kwiinda buci
buloka mucimbulwe.'

Intembauzyo 19:7&10



Kulibambila

Ncomuyandika ku cibeela eeci:

- Mabbaiibbele 3 na 4

Sena mwaka:

- Lomba uumwi mukabunga kuti abale caano?
- Lomba uumwi mukabunga kuti abale caano ca mu Bbairbele?
- Sena mwakalomba bantu 3 na 4 kuleta mabbairbele?



Kutambula Abwiinguzi

5

tuvwalu-
vwalu

- Mubalumbe boonse kuboola ku kabunga.
- Mutalike amupailo mufwaafwi, mubauba.
- Mubuzye kabunga na kakacita ‘Cakucita iino mvwiki’ alimwi ancito zya ‘Bukamboni’ zya mvwiki ya kainda.
- Mwiite bantu baambe cili coonse ncobakaiya na kuzyiba kuzwa ku zyakucita.



Muzeezo

Muzeezo wa ciiyo eeci iino mvwiki ngwa kuzyiba mbokubalwa Bbairbele. Eeci cijatikizya mizeezo ya kutalikilwa anzila zyimwi zya kuswaangana a Leza alimwi akubikka majwi aakwe mumaumi eesu.



Cipeto Camumutwe

5

tuvwalu-
vwalu

Mubalisye cipeto camumutwe alimwi amukonzanyo wamu Bbairbele ku kabunga. Mwamana alimwi mucibale pesi mubale mutubeela-beela tusyooonto, mubone kuti kabunga kalatobelezya. Mwiindulule oobu, mbiccaana mbiccaana mubale zyibeela zyilamfu kabunga z yokati tobelezye kusikila limwi boonse bacizyibe lwabo. Mukulwaizye bamwi bantu kusola kwiindulula muli lwabo.

*Mulao wa-Jehova ulilondokede,
ulabusya muuya.*

*Bukamboni bwa-Jehova bulasyomeka,
bulasongwaazyza batezi.
Zilayandika kwiinda ingolide,
kwiinda ingolide zinji loko;
Zilalweela kwiinda buci
buloka mucimbulwe.*

Intembauzyo 19:7&10



Caano

Mubale cibalo eeci ku kabunga. Ncaano ca Mwami Davida kuzwa mu Bbaibbele.

Kwakali mulombe mu Izilayeli utegwa Davida. Wakali mweembezi. Bunji bwa ciindi wakali kujanika anze kalanga mbelele na kubeleka milimo ya wisi. Ngowakali mwana ku basankwa boonse bana ba Jesi eelyo bana bakwabo tibakali kumubala pe – nkaambo ngowakali muce ali boonse. Nkabela Davida wakali kuyanda Leza akaimpe kakwe. Wakali kulanga bubotu bwa nyika imuzungulukide amana walumba Leza kubulenge bwakwe. Alimwi wakali kuyandisya nyimbo. Wakali kuuma kalumbu akweema, eelyo zymwi muli zyezyi zybikkidwe munyimbo.

Mubweende bwa ciindi mukwasyi wakwa Davida wakaba acigambyo cipati. Mushinshimi utegwa Samuyele wakaboola kayanda kubona balombe boonse – Leza wakamwaambila kuti ananike umwi mwanaa Jesi kuya kuba musololi wa Izilayeli kumbele. Nguli ngwa nga wasala? Mupati ali boonse? Ubainda kuyuma? Ubainda kuboneka kabotu? Ali baaba taakwe ngwa kasala – Leza wakaambila Samuyele kuti akalangisye kwiindilila aciwa kusikila ku moyo, bube bwa muntu mwali mukati. Aboobo, mwana musyoonto Davida wakasalwa.

Wakali mulombe musongo, lusyomo abusintanze bwakwe bwakasunkwa kalitana lampa. Inga kamuzi mbuli mbwakazunda jompoompo lya mwaalumi ndiinga Goliyati kwiinda mukubelesya nkwiibu amabwe aa mukalonga. Davida wakaiinda mumakatazyo manji nkaambo wakali mwami (Saulu) wakali kumufwida munyono alimwi wakali kuyanda kumujaya, nkabela ku mamanino muzeezo wa Leza wakazwidilila eelyo Davida wakapegwa bwami. Cooko cakwe cakakomena eelyo Davida wakavwuba. Nkabela taakwe nakaluba Leza. Wakapaila akumwiimbila nyimbo zya ntembauzyo muziyiindi ziyibotu azyibi. Zyimwi ntembauzyo zyili muma Bbaibbele eesu sunu ninyimbo zyakalembwa angweena Davida, eelyo zygwasya bana Kristu kwa myaka kuyumuna myoyo yabo akulumbaizya Leza, kwibaluka kuti ciindi coonse ngubajisi alimwi ulasyomeka.

Cibalo cesu sunu cizwa ku Ntembauzyo zya Davida. Tuya kubona mbuli mbwakali kuyanda majwi aa Mwami anzila alimwi ambuli mbwakaajana cileleko mukwaatobela.



Luzyibo lwamu Bbaibbele

Bala Intembauzyo 19:7-11 ku kabunga:

*⁷Mulao wa-Jehova ulilondokede,
ulabusya muuya;
Bukamboni bwa-Jehova bulasyomeka,
bulasongwaazya batezi,*

*⁸Milao ya-Jehova ililuleme,
ilatangaazya moyo;
Milumbe ya-Jehova ilasalala,
ilamunikila meso.*

*⁹Kuyoowa Jehova kulasalala,
takumani.*

*Imbeta zya-Jehova nzyakasimpe,
zililuleme zyoonse.*

¹⁰*Zilayandika kwiinda ingolida,
kwiinda ingolida zinji loko;
Zilalweela kwiinda buci
buloka mucimbulwe.*

¹¹*Mulanda wako ulalayigwa kulinzizyo,
Akuzibamba nkokuleta bulumbu bupati.*



Mpaali mpotuti talikile?

Inga kacityompya kuzyiba akutalikila mu Bbaibbele; ndibbuku pati loko. Kulibala kuzwa nkolitalikila kusikila nkolimanina taansyi njonzila mbotu njotweelede kutalisya lyoonse; buyo tuyanda kubala Bbaibbele lyoonse, nkabela mbweena oobo tulacikonzya. Nkaambo nzi kutatalisya aamwi makani mabotu (Mateyo, Marko, Luka na Johane) mpoona nkuya ku Ncito kukwiiya buumi mu Cikombelo citaanzi. Nkunyona ku Ntembauzyo kutegwa tujane nyimbo azyeemo ziyatikizya misyobo yoonse ya buumi bwa muntu aluzyibo, na Matalikilo tumvwe Leza mbwakalenga nyika.

Leza inga wakanana buti kuli ndiswe kwiinda mu Bbaibbele?

Aabona inga mwabala Bbaibbele mpoona kwiina acilibonya kuti mwacita. Mutapengi. Mucibweza kasimpe, mubweende bwa ciindi ciya kucinculula mbuli mbomubona buumi. Kasimpe kali mu Bbaibbele kalabeleka kuli ndiswe kufwumbwa mbotulimvwa. Kubala bala Bbaibbele ciya kumupa kukonzya kuzyiba ‘cifwanikiso cipati’ caamba bube bwa Bbaibbele, alimwi akukonzya kubala tubeele tusyoonto. Mwatalika kubala bbuku lya mu Bbaibbele, musole kuzyiba na mucaano nzi cipati moceeela. Nguni wakalemba bbuku, lili alimwi ino kayi?

Muzyiindi zyimwi, muyakujana kuti nomubala cibeela cimwi mabala

atabukila ku peeji limbi eelyo cilakondelezya loko kuli ndinywe. Kuti eeci cacitika, mweelede kubikkila maano, kuyeeya kabotu kabotu mbuli mboceelela mubuumi bwenu, mumizeezo amuciimo cenu. Sena mbiwiinguzi bwa mipailo njo mwakapaila kale? Sena Muya Usalala kuli ncoumusola kuti mucite, kuti muye kumwi, kuti mucince cimwi? Sena ulamombolozya kubulubizi bumwi mu moyo wenu?

Mupaile kuti Leza amugwasye kumvwa nco mutibale. Mutatyompwi kuzyibeela ziyumu. Muzumanane kuya kumbele. Aabona muya kuti, 'O, ndabona lino!' mbokunga zymwi ziomubala zyilapandulula ziomwakabala kale.

Bbaibbele lili mbuli mugodi wa lubulo. Zymwi zyintu zyibotu zyili buyo atala na mumsi mumsi lyawo. Zyubauba kubweza. Pele zymwi zyintu zyili kungsi, eelyo mweelede kubeleka mulimo muyumu kutegwa muziyijane. Aboobo ncoocaamba kuliinza, kuyeeya akucebuka musule muli ziomwabala.

Tamukwe kuya kucizyiba muciiindi cisyoono pele lyaonse twabala, kulomba Leza kuti atugwasye, tuyungizye kasimpe kakwe mu myoyo amu mizeezo yesu. Buce buce Muya Usalala inga wayakulula kuyeeya kwesu, kutubikka munzila mwayanda kuti tube. (Inga mwabala Intembauzyo 119:9-11 kutegwa mumvwisye eeci.) Mutatakati! Pele muzumanane kukwabana abamwi basyoma. Mwabane ambabo ncomwiiya ku Bbaibbele. Ciya kubakulwaizya, eelyo bumwi buzuba inga kabaya kumukulwaizya.

Muyeeye cakaamba Davida mu Ntembauzyo 19:11 – mukubamba nzila zya Leza kuli bulumbu bupati. Toonse tulauyanda muzeezo wa bulumbu, pele oobu tabumani. Tabuli mbuli mali na cipego cibotu – nkuyumizyigwa mulusyomo lwesu amuluyando lwa Leza upona

alimwi akumuzyibisisya. Davida wakabandika makani aa Leza kuti alalweela kwiinda buci alimwi mabotu kwiinda ngolide, kutuyeezya kuti zyintu zyakwe ziyandisi kwiinda zyintu ziyikkomanisya akubikkilwa maano munyika.



15
tuvwalu-
vwalu

Cakucita

Tulabelesya tuvwalu-vwalu tuli 15 kwiya nzila ya kubala Bbaibbele. Mucesye kabunga mutubunga bunga tusyoonto na bantu 3–4, kubonenesya kuti amumwi mukabunga kuli muntu naba omwe ujisi Bbaibbele eelyo ndyakonzya kubala kabotu.

Mutubunga twabo, mwaambile bantu kucita zytobela:

Kubala: Omwe muntu abalisye Marko 6:30-44, ‘Jesu wasanina bantu bali zyuulu zyosanwe’.

Kwaamba alimwi: Bamwi bantu bali mukubunga bacaambe caano mumajwi aabo.

Kwiibaluka: Boonse baizye mibuzyo eeyi abwiinguzi bwayo:

- Cibalo citwaambila nzi kujatikizya Leza?
- Cibalo citwaambila nzi ali lwesu tobeni?
- Sena kuli ncotweelede kucita akaambo kakubala cibalo eeci?

Kucebuka: Musale mukabunga aumwi ncaticite akaambo kakubala cibalo eeci, kukanana kulanganya mibuzyo iili yoonse.



Inga katubala cibalo mukawiiwi a Leza. Cilatugwasya kumuzyibisisya alimwi njo nzila yiinda kubotu njanga wakanana kuli ndiswe.

Nciyandisi kuti katwaabana abamwi eeco ncotwaiya kuzwa mu

Bbaibbele, akukonzya kubuulana mu mizeezo njotubamba akaambo kakubala majwi aa Leza. Cibalo ca sunu, kusanganya aca mumutwe, citutondezya kuti kuli bulumbu bunji mukubala majwi aa Leza.



Cakucita

Mwapaule kabunga kenu muzyibeela zyobile mwamana musale musololi (uucizyi kabotu kubala) ku cibeela coonse. Mubone kuti muntu usolwedela kabunga koonse ulijisi Bbaibbele alimwi ulilibambilide kubala Intembauzyo 19:7-11.

- Kusolwa a musololi wabo, kabunga komwe kabalisye ciga citaanzi ca cisyoono (zyizyoonto 7-10), mukonzyanyo: ‘Mulawo wa Leza ulisindingene.’
- Kamwi kabunga kabalisye ciga camamanino, mukonzyanyo: ‘kukukulusya moza.’
- Mubale zyisyoonto 7-10 munzila eeyi.
- Kwamana, toonse tubunga tobile twaambe masimpilo azyibeela (cisyoono 11) antoomwe kuzwa ‘Mulizyinyo muzike wenu wacenjezyegwa...’

5
tuvwalu-
vwalu



Mubandi

Mubabikke boonse mutubunga twa bantu 3 na 4.

Mwaambe kuti cisyoono ca mamanino (Intembauzyo 19:11) cikanana abupati bwa bulumbu buli mukubamba nzila zya Leza. Mubuzye tubunga tujane bulumbu buli muzyisyoonto zyili ku matalikilo.

Kwainda tuvwalu-vwalu tusyoono, muzunguluke ng’anda yoonse kuyaa bubuzya tubunga kuti twaambe bulumbu mbotwajana kusikila limwi boonse bulumbu bwaambwe.

5
tuvwalu-
vwalu



10

tuvwalu-
vwalu

Mupailo

Mutubunga tusyoono, mulumbe Leza kuti Bbaibbele lyakayobolwa kwa myaka paka asunu tulakonzya kulibala.

Mupaile kuti atugwasye tukonzye kumvwa ncoutubala.

Mumulumbe ku zyileleko zyakwe zytotumbula twabala Bbaibbele akutobela Muya Usalala ncoututondezya.

Mulombe atutondezye nakuli ncayanda kukanana muzyooko zyesu, mubube na zytuyanda.



Cakucita iino mvwiki

Iino mvwiki, mujane ciindi cakwiinda mu Bbaibbele (na kuswiilizya Bbaibbele lili mu majwi) mwamana mubweze kaambo komwe na tobile kakusolela nzila njotwabelesya sunu: [Kubala](#), [Kwaamba alimwi](#), [Kwiibaluka](#), [Kucebuka](#).



Kamboni

Leza nawakanana kuli ndinywe kwiinda mu Bbaibbele na waingula mipailo yenu, mube acamba! Mwambile bamwi ncamucitila.

Muliyeezye zya mumutwe zynomwaiya kusikila waawa. Kufwumbwa buyo ku kukkutila kuti mwazyizyiba zya mumutwe, mwaabila abamwi – mumwaye!

Zyakubelesya

Zyinji zyakubelesya zya mukasabwi zykonzya kutugwasya kujana Bbaibbele akuliiya. Kuti kamukozya kunjila mukasabwi amulange aawa:

- www.biblegateway.com
Bbaibbele Iya mukasabwi / muluwo mu misyobo minji
alimwi aBbaibbele Iya majwi

- www.youversion.com
Kabelesyo nkomunga mwabikka muluwaile lwenu na mu muncini aBbaibbele lyoonse abwa kulibala, kubikkilizya aBbaibbele lya majwi
- www.thebibleproject.com
Bukosoozyi bwa mabbuku amu Bbaibbele alo ngo munga mwabelesya antoomwe azyiiyo zyayo
- www.easyenglish.bible
Kabelesyo ka Bbaibbele kalembedwe mucingisi cubauba kubala.

Ino Mupailo ninzi?

'Makatazyo aanu oonse
amwaasowele kumaanza aakwe,
nkaambo nguumucebuka lyoonse.'

1 Petro 5:7



Kulibambila

Sena mwaka:

- Lomba uumwi mukabunga kuti abale caano?
- Lomba uumwi mukabunga kuti abale caano ca mu Bbaibbele?



Kutambula Abwiinguzi

5

tuvwalu-
vwalu

- Mubalumbe boonse kuboola ku kabunga.
- Mutalike amupailo mufwaafwi, mubauba.
- Mubuzye kabunga na kakacita ‘Cakucita iino mvwiki’ alimwi ancito zya ‘Bukamboni’ zya mvwiki ya kainda.
- Mwiite bantu baambe cili coonse ncobakaiya na kuzyiba kuzwa ku zyakucita.



Muzeezo

Muzeezo mupati wa cibeela eeci iino mvwiki ngwa kuzyiba mupailo mboubede. Musalo aLeza. Cili mbuli mwana wiya mulaka wa bazyali bakwe alimwi ujatikizya kukanana akuswiilizya.



Cipeto Camumutwe

5

tuvwalu-
vwalu

Mubalisye ku kabunga cipeto ca mumutweacitondezyo ca mu Bbaibbele. Mwiindulule kubala kutegwa kabunga katobezezye mbomutiibale mane muntu oonse acikonzye kwaamba ca mumutwe mbocibede alikke. Mukulwaizye abamwi bantu kuti basole kwiindulula muli lwabo.

*Makatazyo aanu oonse amwaasowele kumaanza aakwe,
nkaambo nguumucebuka lyoonse.*

1 Petro 5:7



Caano

Mubale cibalo eeci ku kabunga.

Mwana musimbi wakalomba bafundisi ba mucooko cakwe kuti baboole bapaile abausyi. Nobakasika bafundisi, bakajana mwaalumi ulilede mubulo ulibikkide mutwe wakwe azya kulitulisya zyobile amana kwakali kauno munsu lya bulo bwakwe. Bafundisi bakalibikkila kuti mudaala waambilwa kuswaya kwabo.

Ndazumbula mwali kundilangila,' bakaamba.

'Peepe, nduwe ni?'

'Ndi mweenzu ku cikombelo cenu,' bakaingula bafundisi.

'Nindabona kauno katakwe muntu, ndati nko kuti mwazyiba kuti ndalibonya.'

'Maccu, kauno,' wakaingula mudaala wakali mubulo. 'Sena inga mwajala citendele?' Wakakatazyigwa, mufundisi wakacijala citendele. 'Tandina ambila uuli oonse eeci, naba mwanaangu musimbi,' wakaamba mudaala. 'Nkabela mu buumi bwangu boonse nsecizyi kupaila. Ku cikombelo ndakali kumvwa bafundisi kabaamba amupailo, lyoonse cakali kundiinda.'

'Ndakalikasya kusola mupailo,' mudaala wakazumanana, 'kusilila bumwi buzuba kwa myaka yone kunze ooku mweenzuma wakati kuli ndime, "Joe, mupailo ncintu cubauba cakuba amusalo a Jesu. Ngooyu muzeezo wangu. Kkala akauno, bikka kauno katajisi cili oonse kumbele lyako, eelyo mu lusyomo umubone Jesu akauno. Tacyoosyi kayi wakasyomezya, 'Ndiya kuba andinywe lyoonse.' Mpoona ukanane kuli nguwe mbubwena mbocita kuli ndime aawa." Aboobo, ndakacisola alimwi ndaciyanda kapati cakuti inga

ndacicita kwa zyiindi zyili mbozyibede abuzuba. Ndicenjede, pesi. Kuti mwanaangu nandibona kabandika akauno katakwe acintu, ambweni inga camupa bukandu bwakutyokauka na kundiyeeyela kusondoka.’

Bafundisi wakabeenda mubili kumvwa caano eeci alimwi bakakulwaizya mudaala kuti azumanane mulweendo. Mpoona bakapaila anguwe, akujokela ku cikombelo.

Nokwakainda mazuba obile mwana musimbi wakatuma kwaamba kuti bausyiki bakazimina masyikati buya buzuba mbweena.

‘Sena bakalibonya kuzimina muluumuno?’ bakabuzya.

‘Inzya, nindakazwa mung’andu ku ma 2 kuloko, bakandiitila kubulo bwabo, bandisesya sesya mbuli cilengwa cabo, akundimyota ku saya. Ninda kajoka kuzwa ku cintoole kakwiindide cisela ca oola lyomwe, ndakajana balifwide. Pesi kwakali comwe cigambya. Alimwi buya, cilainda kugambya – cilasyupa kusyoma. Kakuli, kabataninga fwa bataata, bakayaamika mutwe wabo ku kauno kali kumbali aa bulo.’²



Luzyibo lwamu Bbaibbele

Bala [Matayo 6:9-13](#) ku kabunga:

*⁹Mbuboobu mbumweelede kukomba:
Taateesu ooli kujulu,*

²Tazyizyilwe (Taakwe mwezi). *An Empty Chair (Cuuno citakwe cintu)* [KASABWI] Cijanwa ku: www.storiesforpreaching.com/an-empty-chair/ [Cakajanwa mu 29 November 2017]

Alilemekwe izina lyako,

¹⁰*Abuze Bwami bwako,*

Alucitwe luyando lwako,

Ansi ano mbubonya mbuli kujulu.

¹¹*Utupe sunu zilyo nzitubula,*

¹²*Utulekelele milandu yesu,*

mbubonya mbuli mbutubalekelede aswe bali amilandu

kulindiswe,

¹³*Utatweenzyi mukutepaulwa,*

Utuvune kumubi,

Nkaambo Bwami mbubwako, anguzu abulemu, mane kukabe kutamani.

Ameni.



Ino mupailo ninzi?

Bunji bwa bantu balapaila, nokuba kuti ooyo mupailo taujisi azyinji kwiinda ali, ‘Ndigwasye!’ Mupailo nje nzila yiinda kulibeda buyo ya kukanana aa Leza. ‘Mugula’ wa lufwutuko lwesu kuli Leza alimwi akutondezya lusyomo lwesu. Taakwe nzila noiba yomwe iibambidwe njetweelede kupailila mo. Mupailo taujisi ciimo ciyalidwe, ncimwi cintu ncutukonzya kukomezya akubamba mbuli mbotukomena mu luumuno lwesu.

Mupailo inga waba:

- Kulilila Leza muziindi zyabuyumu-yumu.
- Jwi damfwu lyakoompolola, akaambo kakutambula cipego.
- Kulombela bamwi muli zyobabula.
- Kubaa ciindi a Leza.
- Ciindi cakuwiilizya mubube bwa Leza.
- Kubaa ciindi cakutambula luyando lwa Leza.

Mbuli mbotwamvwa caano ca mudaala, mupailo inga waboneka

kusyupa mukutalika, pesi kufwumbwa twazyiba kuti Jesu uli andiswe alimwi inga twakanana anguwe cilaubauba. Mbuli mbotusola, mipailo yesu ilakomena akusyuuka. Tulaiya bwa kukanana aa Leza ambotulimvwa, mubube motulijana alimwi anyika ituzungulukide. Mipailo yesu isanduka kuba micito alimwi ipanga lwiindano.

Jesu wakapaila

Jesu wakabelesya ciindi cinji kupaila kuli Wisi Leza. Mucibalo eeci uyiisya basiciiya bakwe mupailo ngotwiita kuti ‘Mupailo wa Mwami’. Alimwi akutuyiisya aswebo bwa kupaila, cibalo cilatuyiisya musyobo wa zyintu zytotweelede kupailila. Mupailo ulayandika kuti natuyanda kukomena mubulongwe bwesu a Leza.

Ino Mupailo wa Mwami utwaambila nzi?

Tuyanda kulanga mulongo omwe omwe wa Mupailo wa Mwami kutegwa tubone ncoutwaambila.

- *‘Taata wesu uuli ku Julu’*
Eeci citwaambila kwiibaluka kuti Leza nguni, ambotunga twamwiita. Mbuli Taata wesu, uuli ku Julu. Tali buyo usyi wa Jesu, pele ngu wesu aswebo eelyo eeci caambilizya kuti ulatucekelela: ulayanda kumvwa kuli ndiswe.
- *‘Lili lelekedwe’ ‘zyina lyako’*
Eeci citwaambila kuti Leza Ulasalala, ngu Taata wesu pesi alimwi ngo Mulengi wa nyika, mupati kwiinda mbotunga twayeeyela.
- *‘Bwami bwako buboole’*
Eeci citwaambila kuti ulijisi makanze aboobo tweelede kwapailila. Jesu wakatwaambila kuti Bwami bwa kujulu buli mumsi mumsi akusika: tulabuyanda Bwami bwakwe, iciindi nguzu zyakwe niziyi kumaninina kuba munyika, cilaboola

ono-ono.

- *‘kuyanda kwenu kucitwe, anyika mbubwena mbuli ku julu’*
Ku julu kuyanda kwa Leza kulacitwa, aboobo tupailila kuti kabe nkekaambo aa nyika – kutegwa nyika icincululwe.
- *‘Tupe cilyo cesu ca buzuba abuzuba’*
Eeci citwaambila kuti tweelede kusyoma Leza buzuba abuzuba muli zytuyanda. Munzila eeyi inga twalibalizya muli nguwe kuleka muli lwesu.
- *‘Tulekelele ku ndubizyo zyesu, mbuli mbotulekelela batulubizyila aswebo’*
Eeci citwaambila kuti Leza watulekelela. Aaya makani mabotu pesi oolu lulekelelo lwelede kupegwa kuli baabo batutoneka na batulubizyila.
- *‘Utatweenzyi mu masunko, pele utuvwune ku mubi.’*
Eeci citwaambila kuti tupailile bukwabilizi ku masunko alimwi akuvwunwa kuli Saatani.

Eeyi yoonse mipailo mipati nkotweelede kupaila: ituyiisya kuti ino Leza nguni, ndiswe bani, zynzi zyayandisya alimwi ndugwasyo nzi ndotuyanda kuli nguwe. Amusole kupaila Mupailo wa Mwami cakutobelanya. Mupaile mu mulongo omwe omwe asyoonto asyoonto, kulomba Leza kuti amwaambile nakuli ncayanda kumwaambila mubusena bomwe bomwe.



Cakucita

Mubabuzye boonse nabaciciyeeya cipeto ca mumutwe. Kabunga koonse akacaambe mukoongolola.

3

tuvwalu-
vwalu



Mupailo wa balwani

Bunji bwa zyiindi mukuyiisya amupailo Jesu wakali kusunka. Alimwi wakati:

⁴³Mwakamvwa mbukwakaambwa kuti, Yanda mweenzinyoko, pele sinkondonyoko umusule, ⁴⁴Mebo ndamwaambila kuti, Amuyande basinkondonyoko, amubakombe bamupenzya.

Matayo 5:43-44

Kupailila basinkondoma inga calibonya kusyupa kuli ndiswe, pesi tweelede kuccilila malailile aaya cakusinizya. Leza ulayanda muntu oonse, eelyo uyanda kuti boonse babe abuumi bupya oobo mbotwajana; aboobo tweelede kuyuma mukupailila abaabo basyupa.



3

tuvwalu-
vwalu

Mupailo

Mwaambile bantu boonse bapaile mukawii-wi kwa tuvwalu-vwalu tusyoono bapailile basinkondonyina: ooyo inga kali buyo muntu ngobatayandi na ngobajisi kuteendelana naaba buyo ooyo ngo batazuminani. Mubakulwaizye kulomba Leza kuti abagwaye bamuyande ooyo muntu alimwi aponye bulongwe oobo.



Sena Leza ulaingula mipailo yesu yoonse?

Zyinji zyintu zytunga twapailila eelyo Leza takwe mpagolela caamba kwiingula mipailo yesu. Nokuba boobo, zyinji zyiindi nokuboneka mbuuti mipailo yesu taingulwi. Leza ulamvwa mipailo yesu yoonse pele UZUMINIZYA buyo yeeyo iili munzila ya kuyanda kwakwe kubotu ku maumi eesu alimwi anyika ituzungulukide. Inga kacili ciyumu twayeeya kuti mipailo yesu taingulwi, nokubee Leza taswiilili kuli ndiswe. Muzyiindi eezyi tweelede kuzyiba kuti Leza ulainda kuzyiba eelyo tweelela kumulomba kuti atugwasye tupailile munzila njayanda. Aabona eeci caamba kuti tweelede kuzumanana mu mupailo, muzyintu zyimwi zytuyanda kucinca alimwi ncinzi ncotupailila.



5

tuvwalu-
vwalu

Mubandi – Ino kupailwa buti?

Mutubunga twa bantu 3 na 4 mubandike mibuzyo eeyi.

- Musyobo wa zyintu nzi ziomubona bantu kabacita nobapaila na sena mwakabala kujatikizya bantu kabapaila mu Bbaibbele (mukonzyanyo kufwugama, kweendeenda, kuunka kumwi balikke, koongolola, kuumuna, kwiimba, kulila)?
- Mbubuti mbomuliiba kupaila?
- Ninzila nzi zyimwi ziomuyeeya kusola mukupaila?



15

tuvwalu-
vwalu

Cakucita

Micito ya kupaila –Eeyi njo nzila njotunga twabelesya kubamba mipailo yesu kuli Leza.

Mwandaane akuba mutubunga twa bantu 2 na 3 eelyo mu mucito eeyi antoomwe:

- **A: Kuyanda**
ambila Leza mbolimvwa ali nguwe, tondezya luyando lwako ali nguwe, mulumbaizye. Naulakatazyigwa amajwi langaula kuyumizyigwa mubbuku lya Ntembauzyo.
- **C: Kulyaambilila**
Mwaambile Leza zyintu zyoocita na mabazu aa buumi bwako ngousilide. Mulombe akucince kuzwa mukati kuzya anze.
- **T: Kupa kulumba**
Yeeya zyintu zyoonse zyaka kukucitila na kukupa Leza, yeeya kuti ino nguni ali zyoonse zyakatucitila toonse mpoona umulumbe.
- **S: Kuli tola ansi akulomba**
Eeci caamba kulomba ncoyuyanda kuli Leza anyika ituzingulukide (langa Ba – Filipi 4:6 kuli zyimwi zya ceeci).

Inga mwapaila boobu mutubunga twenu muli cenu, mulakonzya koompolola mu mupailo na mu mitwe yenu alimwi kufwumbwa mucisyobo cili coonse ncomuliiba. Inga mwaulemba na eeco inga camugwasya.



5

tuvwalu-
vwalu

Mupailo

Mupaille Mupailo wa Mwami iino mvwiki mbweena mbuli mucibalo cili ajulu aawa. Mube abantu banji banji mbokunga kuyandika kupaila mulongo uuli mu mupailo. Mubakulwaizye kwiiya mupailo ooyu mu moyo alimwi akupaila muciiindi cabo beni.



Cakucita iino mvwiki

Aimwi mvwiki ilijisi mulimo wa kucitila ku ng'anda. Iino mvwiki, mubikke ciindi ambali a Leza cakupaila munzila ya ACTS eeyo njotwabelesya. Kufwumbwa buyo mwapaila kuli Leza, mube aciindi cakaumu umu kuswiilila kuli nguwe. Ulakonzya kumuvwiilila mucibalo ca mangwalo, jwi mu mizeezo yenu, cimwi cintu ncomubona, mu muntu uumbi na munzila zyandeene. Mumulombe kuti mukonzye kumumvwa kabotu kabotu alimwi akuzyiba jwi lyakwe.

Mubambe buyobozi bwa cili coonse Leza ncati ambe iino mvwiki.



Kamboni

Iino mvwiki mujane coolwe ca kulyaaba kupaila antoomwe amuntu ngo muti kaswaane. Tamweelede kupaila mipalio milamfwu ijisi zyinji zya kwaamba, nkwiide buyo kulomba Leza kuti abe andinywe alimwi asolwedele mipailo yenu. Mukape bwiinguzi bwa mbocakeenda ku kabunga ciindi ciboola mwakuswaangana.

Mujane ciindi ca kuyeeya bantu boonse mbomwakakanana kale limwi mbuli cibeela ca bumboni. Mupailile omwe omwe. Mujane

ciindi cakukkala wii akuswiilila kuli Leza. Inga wayanda kumusola kuya kuswaya uumwi alimwi eelyo mupaile ambabo abalo.

Bulembo

Kupailila aamwi

'Lino nobakamana kukomba,
cibunganino cabo cakazungaanizigwa,
elyo boonse bakazuzigwa Muuya
Uusalala, nkabela bakatalika kwaamba
makani aa-Leza akaanzambwene.'

Incito 4:31



Kulibambila

Ncomuyandika ku cibeela eeci:

- Cilembyo apepa

Sena mwaka:

- Lomba uumwi mukabunga kuti abale caano?
- Lomba uumwi mukabunga kuti abale caano ca mu Bbaibbele?
- Baambila boonse kuleta cilembyo amapepa?



Kutambula Abwiinguzi

5

tuvwalu-
vwalu

- Mubalumbe boonse kuboola ku kabunga.
- Mutalike amupailo mufwaafwi, mubauba.
- Mubuzye kabunga na kakacita ‘Cakucita iino mvwiki’ alimwi ancito zya ‘Bukamboni’ zya mvwiki ya kainda.
- Mwiite bantu baambe cili coonse ncobakaiya na kuzyiba kuzwa ku zyakucita.



Muzeezo

Muzeezo wa ciiyo eeci iino mvwiki ngwa kwiiya buyandisi bwa kupailila aamwi mu mikwasyi yesu.



Cipeto Camumutwe

5

tuvwalu-
vwalu

Mubaliseye cipeto camumutwe alimwi amukonzyanyo wamu Bbaibbele ku kabunga. Mwamana alimwi mucibale pesi mubale mutubeela-beela tusyoonto, mubone kuti kabunga kalatobelezya. Mwiindulule oobu, mbiccaana mbiccaana mubale zyibeela zylamfu kabunga z yokati tobelezye kusikila limwi boonse bacizyibe lwabo. Mukulwaizye bamwi bantu kusola kwiindulula muli lwabo.

*Lino nobakamana kukomba, cibunganino cabo
cakazungaanizigwa, elyo boonse bakazuzigwa Muuya
Uusalala, nkabela bakatalika kwaamba makani aa-Leza*



Caano

Mubale cibalo eeci ku kabunga.

Uganda yakazyibidwe kuba aa bantu bakapangide zyizuminano abaleza bamisyobo misyobo kwiinda mukwaaba bantu. Eeci ciyanza cakukomba zyintu cakaleta muya wa lufwu akunyonyoonwa kwa cisi eeci. Bulelo bwa lunya kuzwa kuli Iddi Amin Dada, Milton Obote, abamwi bwakasiya muntu mubukandu buzuba abuzuba. Mu 1984 kwaangwa, kusubulwa, alufwu zyakacitwa abasikalumamba ku cikombelo. Atala aceeci, Mbunga ya Nyika ilanganya Buumi / Nseba yakati kusikila mu 1997, cisela ca bantu ciya kukunkumunwa a SIKALILEKE.

Ooku kutundululwa nkokwakapa kuti kuvwule mipailo ya kungsi aa-nyika mu Uganda. Zyikombelo kuzwa ku mabazu acisi zyakatalika kubungana mubusyomi, mupailo wa kugolelwa kuli Leza kutondezya akulesya lufwu akunyonyoonwa.³

Kwiinda mumupailo ooyu Daniel Bernard (mulembi wa bbuku ndyotwamana kubala) upa bumboni bwa kuti luno lwa milandu mu cisi lwakaceya, mbuli bwakacita bulwazi bwa SIKALILEKE mu Uganda. Mupailo ubamba lwiindano, kapati ciindi mabunga aa-bantu aboola antoomwe.



Luziyibo lwamu Bbaibbele

Bala [Incito 4:23-31](#) ku kabunga:

³ Daniel Bernard, *Praying up a Storm* (Shippensburg, PA.: Destiny Image Publishers Inc., 2004), peeji 122.

²³Nobakalekwa bakabweeda kubeenzinyina, balungulula oonse ngobakabaambila bapaizi bapati abaalu, ²⁴Balo nobakamvwa bakoompolola kuliLeza ejwi lyamoyo omwe bati, Osimatwangeesu, owakaanza ijulu enyika alwizi, azyoonse izili mulindulo, ²⁵owakaamba a-Muuya Uusalala kumuloma wamuzike wako Davida kuti,

Nkaambonzi ncobatingilala bamasi?

Bantu bayeeyelanzi zybuyo?

²⁶Bami baansi bakalibamba.

Beendelezi babungana antoomwe,

Kulwanya Jehova a-Kristo wakwe.

²⁷Nkasimpe muluuno munzi kwakabungana ba-Heroda a-Ponto Pilato, antoomwe abamasi, abantu ba-Israyeli, kuti balwanye Jesu, Mwanaako Uusalala ngookananika, ²⁸bacite zyoonse zili buti izyakakanzidwe kujanza lyako akuluyando lwako, kuti zibewo. ²⁹Lino Jehova, bona inkonkomwezyo zyabo, ugwasye bazike bako, baambe makani aako akaanzambwene kanji. ³⁰Kovungununa ijanza lyako kukuponya, kuti kucitwe zitondezyo amalele muzina Iya-Mwanaako Uusalala Jesu.

³¹Lino nobakamana kukomba, cibunganino cabo

cakazungaanizigwa, elyo boonse bakazuzigwa Muuya

Uusalala, nkabela bakatalika kwaamba makani aa-Leza akaanzambwene.



Bunji bwesu tuvwula kupaila tolikke aliwmi tuyanda kuti boobu nkaambo cilatugwasya, pesi twaboola mubube bwa basazyima abacizyi kuti tupailile antoomwe inga kuli nguzu zya mucooko. Kuli nguzu ziyigambya notwaboola antoomwe kupaila. Kuabala kwesu kwa mu Bbaibbele kulacibikka antangalala eeci.

Makani agwasyilizya

Cibalo cesu ca mu Bbaibbele cakalembwa muciiindi ca buyumu yumu kapati ku cikombelo. Cikombelo cakali kupenzyegwa abulelo.



Mubandi

Mubuzye kabunga na kalizyi zyiimo motujana Petro a Johane.

- Mubakulwaizye kucebuka mucibeela citaanzi ca Incito 4 kutegwa bazyibe cakacitika.
- Mubuzye bantu basyoonto kuti baambe ncobaiya ku zyiimo mwakali Petro a Johane.

Mumaninizye mubandi kwiinda mukuti Petro a Johane, basololi ba cikombelo muciiindi eeco, bakali muntenda alimwi bakazwide aakulekezyegwa muntolongo. Bakali mumakatazayo manji akukasyigwa kwiiminina Jesu Kristu. Muzyiindi eezyi zya buyumu yumu, Petro a Johane bakali kugwasyilizyigwa acikombelo, eelyo nobakazwa bakasangana bamwi mumipailo.



Cisyoonto ca 23 citwiibalusya buyandisi bwa kuba aa bantu batubikkila maano, eelyo aaba bantu babamba mubili (na mukwasyi) wa Kristu. Petro a Johane aawa bakali jisi mbunga ya bantu bakali kusyoma akuccilila Jesu Kristu. Aabo bantu bakasangana mu mupailo ngo twiita kuti mupailo waantoomwe. Bakasangana mulukondo lwa kwaangululwa kwabo pesi amukwaabana mikuli yabo. Taakwe ncobeni cintu ciinda kukomena ncobakali kukonzya kulangila kunze akugwasyilizyigwa abasazyinyina abacizyi babo.

Muzyisyoonto zya 25 a 26 tubona kuti basyomi bakapaila Ntembauzyo 2:1-2 antoomwe. Muzyisyoonto zya 27 – 29 bakabweza cibalo ca mangwalo eelyo akupailila bube bwabo, kuliyeezya kuti kufwumbwa makanze mabi ali Leza, naaba

kukazyanya anguwe taakwe nkwaaya. Aaka kasimpe kakabagwasya kabataninga akunjila mu mipailo itobela.

Zyisyoonto zya 29 a 30 zytuzumizya kumvwa ncobakapailila lutobela. Mu mupailo wabo tubona zyintu zytatwe zyiindene zyelela kupailila:

- **Bakapailila kuti Leza anjilile mucilawo cabo.**

Bakabona kuti ulijisi nguzu zyigozya kukomena; ngu SINGUZU (ulijisi nguzu zyiinda kukomena). Uli ata aboonse, alimwi ulabona akuzyiba kukongwa nkobakatambula.

- **Bakapailila kaanzambwene kuti bacikonzye kukanana jwi lya Leza.**

Mubube bwesu inga notwakalangila kuti bapailile kuzwa kwa mpezyo na kulomba bukwabilizi bwa maumi aabo, kakuli basolwedelwa a Muya Usalala, bakapailila KAANZAMBWENE kuti bakananisye.

- **Bakapailila maleele kwiinda mu lugwasyo lwa Jesu.**

Ciboneka kuti kufwumbwa nobakakongwa, lyoonse bakali kwiingula munzila ya busongo: aawa bakalomba Leza kuti acite MALEELE manji kwiinda muli mbabo. Eeci cikonzya buyo kunyamuna nswaangano ciindi maleele aa Leza nalibonya muli ndiswe.

Petro, Johane aboonse baccilili ba Jesu bakapailila zyoolwe zya kwiita akutondezya Bwami bwa Leza, nokuba mubusyu bwa bukasilizi. Bakalizyi kuti bantu balakonzya kumuzumina Jesu kufwumbwa kuti bamvwa akumubona mumucito. Taakwe cakali kukonzya kumusinkilizya kuti eeci kacicitika. Mucisyoonto ca 31 tubona kwiingulwa kwa mpoona mpoona kwa mupailo wabo nkaambo notupaila, Leza ulamvwa.

Twaambilwa kuti zyintu zyobile zyakacitika:

- **Maleele**

Busena mbobakali kuswaanganina bwakazungaanizyigwa: aaya maleele. Nkucita kwa Leza kwa cigaminina munyika.

- **Bwiinguzi bwa cigaminina bwa mupailo**

Bakapailila kaanzambwene eelyo bakakutambula ooku kwiinda mukuzuzyigwa Muya Usalala.

Muli zyoonse tubona cikombelo citutondezya buyandisi anguzu zya kupailila antoomwe. Lino tulazyiba kuti kupailila antoomwe kutuleta mubube bwa Leza munzila yandeene, kanji kanji ijisi nguzu kwiinda notupaila tolikke.



10

tuvwalu-
vwalu

Mubandi

Buzya kabunga nakayeeya kuti mbulumbu nzi buli mukupailila aamwi.

Pa ciindi ku bantu kutegwa baambe bwiinguzi bwabo alimwi, kufwumbwa buyo bantu bapa mizeezo yabo, mugusye twaambo twakubandika twamvwugwa.

- Kupailila aamwi caamba kuti mubunji mipailo ila pailwa.
- Tondezya kwandaana kwa mupailo oonse oomo muli yoonse.
- Kupailila aamwi kuyumuna gano lisindingene lya cooko. Cindiyezya kuti nseli endikke; ndalimvwa kuti ndicizo ciyandika ca muzeezo muapti.
- Kupailila aamwi kukomezya lusyomo lwangu mbuli mbondibona kubikkila maano kwa bamwi akumvwa Leza ncacitila bamwi.
- Kupailila aamwi kundipa coolwe ca kuyanda bamwi mbuli mbondigwasya kuyumuna mikuli yabo mu mupailo.

Mubuzye kabunga na nciindi nzi ncobayeeya kuti inga ceelela

kupailila antoomwe. Mubakulwaizye bape mikonzyanyo mpoona mumanizye kwiinda mukupa andinywe.



Cakucita

Mwaambile muntu oonse kuti ajane kapepa acilembyo.

5
tuvwalu-
vwalu

Mubaambile boonse balemba cifwanikiso ca mikonzyanyo yotatwe oomo mwalo bantu aano mazuba mobali muntenda akaambo kakwiiminina Kristu. Inga kacili cintu ncobakamvwa ku mweenzyinyoko na kumvwa ku makani.



Mupailo

Boonse bamanizya kucita ncobapegwa, mwaambile omwe omwe ape mikonzyanyo yakwe mwamana mujane ciindi mbuli kabunga ca kupailila baabo bali muzyiimo eezyo.

15
tuvwalu-
vwalu

Mubaambile boonse batole mikonzyanyo yabo ku ng'anda alimwi kabeenda aayo kumana kwa mvwiki mbuli ciibalusyo cakuzumanana kupailila bantu bali muntenda.



Cakucita iino mvwiki

Aimwi mvwiki ilijisi mulimo wa kucitila ku ng'anda. lino mvwiki, mubikke tuvwalu vwalu 30 kuba ciindi cakupaila mbuli kabunga na atubunga twa bantu mbomuzyi. Musale zyintu zysisika kuli 3 zyoumuti pailile ca kaanzambwene. Mupailile aamwi mu lusyomo akulanga ncati cite Leza. Muyandaule zyibalo mu Bbaibbele zykonzya kumugwasya kupailila aamwi. (Intembauzyo mbusena bubotu kutalikila mumo.)




Kamboni

Mbuli cibeela ca masimpe kuli zyeezyo zytowaiya, mulipe kuya kugwasya muntu 1 na 2 kuti bakonzye kuzyiba buyandisi bwa

kupailila antoomwe. Musale muntu ngo mutali limwi mukabunga, ambweni ooyo ngo mwakakanana kale limwi, eelyo mupangane kubonana iino mvwiki kutegwa mukaizye amupailo.

Bulembo

Kukombela Antoomwe



'Nkaambo kaako, bakwesu, ndamukumbila kuti kuluzyalo lwa-Leza mutuule mibili yanu, ibe cipaizyo euumi, cisalala, ciyandisi kuli-Leza, mbubonya bukombe bwanu bwakumoyo.'

Ba-Roma 12:1



Kulibambila

Ncomuyandika ku cibeela eeci:

- Kugwasyilizya kabunga kuti keened ca kabotu, mulembele kabunga akabunga bumboni bwa zyibalo zyoonse kuzwa mu Bbaibbele acipepa. Mwamana inga mwapa bumboni bweelede ku kabunga akabunga.

Sena mwaka:

- Lomba uumwi mukabunga kuti abale caano?
- Lomba uumwi mukabunga kuti abale caano ca mu Bbaibbele?
- Sena mwakaambila bantu 5 kweeta Bbaibbele ku mulimo wa kabunga?



5

tuvwalu-
vwalu

Kutambula Abwiinguzi

- Mubalumbe boonse kuboola ku kabunga.
- Mutalike amupailo mufwaafwi, mubauba.
- Mubuzye kabunga na kakacita ‘Cakucita iino mvwiki’ alimwi ancito zya ‘Bukamboni’ zya mvwiki ya kainda.
- Mwiite bantu baambe cili coonse ncobakaiya na kuzyiba kuzwa ku zyakucita.



Muzeezo

Muzeezo wa cibeela eeci iino mvwiki ngwa kwiiya bubotu bwa kukomba Leza antoomwe mu mukwasyi wesu musyoonto. Tuya kubona nzila zyalo zgotunga twakombela antoomwe akupa bulemu ku cisyiko ca buumi bupya mbotwaabana toonse.



5

tuvwalu-
vwalu

Cipeto Camumutwe

Mubalisye cipeto camumutwe alimwi amukonzyanyo wamu Bbaibbele ku kabunga. Mwamana alimwi mucibale pesi mubale mutubeela-beela tusyoono, mubone kuti kabunga kalatobeleya. Mwiindulule oobu, mbiccaana mbiccaana mubale zyibeela zyilamfu

kabunga zyokati tobelezye kusikila limwi boonse bacizyibe lwabo.
Mukulwaizye bamwi bantu kusola kwiindulula muli lwabo.

*Nkaambo kaako, bakwesu, ndamukumbila kuti kuluzyalo lwa-
Leza mutuule mibili yanu, ibe cipaizyo euumi, cisalala, ciyandisi
kuli-Leza, mbubonya bukombe bwanu bwakumoyo.*

Ba-Roma 3 12:1



Caano

Mubale cibalo eeci ku kabunga.

Kkoneliyasi wakakomenena mu munzi mwalo bantu mobakali kubungana kukomba cibumbwa citegwa ‘Chibne Cikumuluka’ (Bbwe pati likukuluka). Cakali kusyomwa kuti eeli Bbwe pati likukuluka lyakali kubikka nswi zya mbasela mu lwaanje kufwumbwa buyo lya kukulukila mumeenda. Kwakali mabunga aa bantu akali kubeleka mbuli bapaizi ku cibumbwa. Bakali kulemekwa kapati alimwi bakali kubunganya bantu antoomwe bamana bapanga makanze aa zyilengwa. Kufwumbwa nocacitwa cilengwa, bukoko bwakali kukumbwa eelyo cakulya cakali kubambwa mukusekelela nswi zyakali kuyungizyigwa zyalo zyakali kutebulwa mu lwaanje. Cakali cilengwa cizyibidwe.

Mukuti bapaizi bacikonzye kucita tumsiya-nsiya, bakali kulangila kuvwozyegwa kuzwa ku bantu ba mucooko; kanji kanji bakali kubbadelwa kwiinda mukubabelekelala mu myuunda yabo. Kuti na bapaizi tibakkomaninya bubelesi na balimvwa kuta lemekwa munzila iimwi, tibakali kutucita tumsiya-nsiya, bbwe tilyakali kukukuluka alimwi kwali kunga kwiina nswi zya mbasela.

Muciindi eeco, mupaizi wa ku katolika wakaboola akukambauka kuti ticakali cibotu kukomba ziyumbwa, kwaamba kuti bantu

bakeelede kukomba Jesu, Leza wakasimpe. Aaba basikutola mulumbe bakati bantu basale ngo bayanda kukomba, Jesu na cibumbwa. Basikutola mulumbe alimwi bakabeleka kubikka cikolo a cibbadela kutegwa muntu oonse agwasyigwe mucooko.

Kwaba kwandaana mucooko. Aabo bakali kusyomeka ku Bbwe Pati Likunkuluka, kapati aabo bakali kujana mpindu kwiinda mukucita tunsiya-nsiya akubbadelwa tibakaukondwa mulumbe mupya mucooko cabo. Bakabona kuti eeci cakali kukonzya kunyonganya bukkale bwabo. Nokuba boobo, bunji bwa bantu bakasyoma makani mabotu aa Jesu alimwi bakabona nguzu zyakali muluyando lwa mucooko cabo kwiinda mu milimo ya ba mishonali. Bantu bakatalika kusyoma kuti ani bantu inga baboola kuli Jesu – tabeelede nkuba bapaizi, tabeelede kubbadela.

Bweende bweende, jwi lya Leza lyakakanana ca nguzu ku bantu. Bantu bakakubona kucinca kwa kacitika muzyooko zyabo kwiinda mucikolo acibbadela. Abalo bana ba bapaizi bakatambulwa mucikolo eelyo eeci cakakanana ca nguzu ku cooko. Bantu bakatalika kusala kusyoma muli Jesu, kumukomba akuleka kukomba Bbwe Pati Likunkuluka. Bakasyoma Leza kuti nguubapa zyoonse zyoobayanda aboobo bakaleka kukomba mituni. Kulimvwa kwa luumuno akuba antoomwe kwakakomena mubuya ciindi. Ciyanza cakaindi cakajisi bapaizi bakajisi nguzu atala abantu boonse kwakazundwa eelyo bantu bakatalika kuzyiba kuti ani boonse buyo balayandwa bweelene ku busyu bwa Jesu. Eeci cakali mbuli maleele mucooko.



Luzyibo lwamu Bbaibbele

Bala 1 Makani 16:23-27 ku kabunga:

²³ Amwiimbile Jehova, nonyika yoonse,

Amusekelele lufutuko lwakwe mazuba oonse.

*²⁴ Amulwiide bamasi bulemu bwakwe,
Akwaambila misyobo yoonse maleele aakwe.*

*²⁵ Nkaambo Jehova ngumupati, watembaulika loko,
Wayooweka kwiinda mizimu yoonse.*

*²⁶ Nkaambo baleza boonse babamasi mituni buyo,
Anukuti Jehova nguwakalenga ijulu.*

*²⁷ Bulemu abwami, zyoonse nkuzili kulinguwe.
Inguzu alukondo, zyoonse zilajanwa nkwabede.*



Ino bbala lya ‘kukomba’ lyaamba nzi?

Bbala lya kukomba lyakazwa ku bbala lya cikuwa lya kaindi liti ‘ceeledede kukombwa’ alimwi lilijatikiziyidwe ku bbala lipya liti nciyandisi. Kukomba nkubona buyandisi bwa yooyo ukombwa. Notukomba tutondezya bulemu akulyaaba kwesu.

Kukomba inga kwa citwa munzila zyiindene alimwi kucitilwa ku zyintu zyiindene. Bantu inga bakomba Leza, tuleza tumwi (mituni) naaba zyintu zyilibonya mbuli mali, mukwasyi naaba kabunga ka bbola. Maumi eesu alasoleka kutondezya ceeco ncotukomba. Nkotutola ciindi, mbotu beleka ambotubelesya mpasya zyesu zyoonse zyitondezya zyintu zya kasimpe zytukomba.

Nguni bana Kristu ngo bakomba?

Mbuli bana Kristu, tukomba Leza wa mu Bbaibbele. Cibalo cesu ca sunu camu Bbaibbele citondezya kabeela ka bube bwakwe eelyo tulazumanana kumuzyiba paka ku masimpilo a Bbaibbele.



Mubandi

Mwaambile kabunga kalange alimwi mucibal ca sunu, [1 Makani 16:23-27](#) mpoona baizye mibuzyo eeyi yobile:

- Ino eeci cibalo citwaambila nzi ali Leza abube bwakwe? (bwiinguzi kabujisi kuti mupati alimwi uleelede kukombwa, uleelede kuyoowegwa kwiinda tuleza tumwi, ngo wakalenga julu, uliindene, ngwa bulemu, ulaa nguzu alukondo.)
- Ino cibalo citulailila kuti tucite nzi? (Bwiinguzi kabujisi kuti tweelede kwiimbila Mwami, koompolola lufwutuko lwakwe buzuba abuzuba, kwaamba kukkomana kwakwe akwaamba milimo yakwe mibotu ku bantu.)



Ku bana Kristu, kukomba nkwaamba caantagalala aca kunso bubotu bwa bube amilimo ya Leza. Tulasyoma kuti ngo mulengi wa nyika, wiinda nguzu akusalala alimwi ngu Taata Leza siluyando wakatuma mwanaakwe Jesu kuzya kutufwutula ku cinyonyoono. Tulasyoma kuti ulazumanana kubeleka mu maumi eesu kwiinda mu Muya Usalala.

Muzeezo wa bukombi bwesu ngwa kulumbaizya Leza munzila zyinji zyiindene. Notupaila tweelede kucita abulemu, kuyeeya kuti ino Leza nguni aciimo cesu kumbele lyakwe. Mukupaila tuboola kuli Leza akutondezya kuti ulasalala, tulalipa lwesu amaumi eesu kuli nguwe.

Muzeezo nzi wa kukomba Leza?

Cipati citujatikizya mbuli bana Kristu ndukondo lwa Leza. Kulitola ansi kwesu kutaanzi kuli Leza nkwa kuti Mwami wa Bami, ooku nkupati abulemu boonse. Notu komba Leza tumupa bulemu akumutondezya buyandisi bwakwe. Mukucita boobu aswebo kulatujakizya mu muuya. Notu lombwa Leza tumupa busena bumweelede mu maumi eesu eelyo muzeezo wesu uba munzila yomwe amuzeezo wakwe. Bukombi bwesu alakonzya kuba

matalikilo abuvwangeli bwesu kuli baabo bali mumsi mumsi Iyesu. Tweelede kucengela kuti bukombi bwesu tabuli bwa kulumbaizya cinkwa maanza na buzwide mabala atagwasyi. Kuti twaluba kubikkila maano ali ngo tukomba twaide kubikkila maano muli zytocita, tuya kuleka kujatikizyigwa mu muuya kuli Leza. Inga caba buyo mbuli kuya ku nkosaadi na ku cintoolo.

Ino tukomba buti?

Kukomba inga kwaba muzila zyinji zyiindene. Inga twalumbaizya Leza kwiinda mu mupailo akupa kulumba, kulyaambilila zyibi zyesu, kupailila bamwi akubungana munzila ya bulemu na itali ya bulemu. Kukomba kweelede kuba akati ka maumi abana Kristu eelyo toonse tweelede kuba cooko cikomba. Notukomba, tulakonzya kwiiya kuli umwi aumwi.

Kutula ncibeela ca kukomba kuzwa lili. Mucizuminano cakale kanyama kakali kutulwa kutegwa bantu bazumizyigwe kukomba Leza. Mumukonzanyo tubona Abulahamu kayaka cipaililo ca Mwami aawo alo akutulila (Matalikilo 12:8 a 13:3-4). Nokuba boobu eeci taciciyandiki nkaambo kutulwa kwa Jesu aciciingano kwakazwisya ciyanza cakale, kutuzumizya kuti tukombe Leza munzila yakutabbadela natuli jisi lusyomo muli nguwe kayi zyibi zyesu zyalekelelwa. Kukomba mbwiinguzi ku luyando abuumi bwa Leza, mulimo abubuke bwa Jesu.

Mucizumunano Cipy, kukomba kuli jisi azyeezyi: kulumbaizya, mupailo, kukambauka, kubikka asakalamente (citondezyo cilibonya nctocita kutondezya eeco Leza ncacita mukati kesu). Zycili zyimwi zya bukombi asunu ono tulazyilanga comwe comwe.



Cakucita

Mwaabanye kabunga mutubunga 5 tuniini. Mupe akamwi kabunga

musyobo wa kukomba uuli ansi aawa. Mubabuzye balangaule Bbaibbele nco lituyiisya amusyooobo ooyo wa bukombi kwiinda mukulanga zisyoyonto zyapegwa azyimwi buyo zykonzya kuyeeyelwa abamwi.

Kwainda tuvwalu vwalu 5 tubunga toonse tuboole antoomwe mwamana mubabuzye baambe ncobaiya. Muyandaula musyobo wa bwiinguzi uuli mbuli upedwe anselelo lya kabunga koonse.

Kabunga 1 – Mupailo: Mulange Tusimpi 15:8, 1 Ba Tesolonika 1:2 a 1 Timoteo 2:1

- Mipailo inga kaili ya kulumba, kulyaambilila, kulombela bamwi alimwiakupaila caantagalala.

Kabunga 2 – Kulumbaizya: Mulange 2 Samuele 22:50 a Bakolose 3:16.

- Kulumbaizya inga kakuli mukwiimba nyimbo (zyiinduluko) na ntembauzyo.
- Inga kakuli kutondezya bubotu abupati bwa Leza.

Kabunga 3 – Kukambauka / kwiiya jwi lya Leza: Mulange Ntembauzyo 1:2-3 a Ncito 18:5.

- Tulaililwa kuti tukkomane mujwi lya Leza.
- Inga twalumbaizya Leza kwiinda mukubala jwi lyakwe, kulitobezya, kuyiisya akulikambauka kwiinda mukuponena muli ndilyo ca bulemu kuli nguwe.

Kabunga 4 – Zyipo: Mulange 1 Bakolinto 16:2, 2 Bakolinto 8:1-4 a 2 Bakolinto 9:7.

- Mulumbo (kugwasya bapengede), wakugwasyilizya mulimo wa cooko ca basyoma
- Bwaabi akupa ca kulisungula

Kabunga 5 – Masakalamente: Mulange Matayo 28:18-20, 1 Bakolinto 10:16 a 1 Petro 3:21.

- Lubbizyo ninzila iimwi ya bukombi. Ncitondezyo caanze ca buumi bwesu bupya a Leza.
- Kwaabana mulalilo ninzila iimwi ya bukombi. Itubikka antoomwe mbuli cooko ca lusyomo alimwi amubulongwe butamani a Leza.



Kanji kanji tulaimba nyimbo zya bukombi, pesi bukombi bulainda akwiimba buyo: mbuli mbotubala cipeto ca mumutwe cesu, buumi bwesu boonse bweelede kuba ninzila ya bukombi.

Muli Mika 6:6-8 a Amosi 5:21-24 cooko ca bukombi capegwa mulimo wa kucebuka busalali bwa Leza mumicito yabo. Eeci caambilizya kuti tweelede kutondezya bube bwa Leza mu micito yesu ya luse kuli basimukoboma (mulange Matayo 22:36-39 a Ba-Roma 12).

Kulitola ansi matalikilo aa bukombi. Aboobo eelyo twaiya kubelekela Leza ca kulitola ansi kwiinda mukutondezya luse lwakwe ku nyika imwaikide ituzungulukide tukomba guwe.



10
tuvwalu-
vwalu

Lino amucite eeco ncomwaiya. Musale nzila 1 na 2 zya bukombi mpoona muzyibelesye kwa tuvwalu vwalu tusika ku 10 mukukomba Leza antoomwe.



10
tuvwalu-
vwalu

Mubandi

Mbuli kabunga mubandisyanye mibuzyo iccilila:

- Mbuuti mbotunga twabikka muntu oonse mubukombi bwesu?
- Sena inga kakuli cili coonse citwandaanya na citulesya kukombela antoomwe mbuli cooko? Na mboobo, ncinzi no?

(Na kuli citi ambwe, inga cabota kupa ciindi ku kabunga kuti kajane kucinca antoomwe, ambweni kubasolwedela mu mupailo wa kweempwa.)

- Sena cilakozyeka ku kabunga kesu kwaambisisya amilawo na zyotusyoma kwiinda alusyomo kwamana kwaba kuli jana mubukombi bwiina ancobujisi?



15

tuvwalu-
vwalu

Mupailo

Mwaabanye kabunga mutubunga twa bantu 3 na 4. Mubaambile bapailile zyintu eezyi:

- Kupaililana akupailila cooko, kuti tukonzye kupa bukombi bwesu boonse kuli Leza. Mupaile kuti mituni yoonse iyubululwe alimwi ibikkwe ambali.
- Mulyaambilile zyibi ziomwacita.
- Tulipe, tubweze lubazu mu, kukomba Leza caantoomwe, kuyandana akucitila zyintu antoomwe caelela.



Cakucita iino mvwiki

Aimwi mvwiki ilijisi mulimo wa kucitila ku ng'anda. Iino mvwiki, mube aciindi buzuba abuzuba ca kukomba Leza. Musole kubona na kuli bamwi bamu kabunga mbomunga mwaba limwi mukukomba Leza. Mumulombe Leza amutondezye zyintu ziomuyanda kucinca mubuumi bwenu kutegwa mube 'cipo cipona.'



Kamboni

Mupandulule kuti notukomba Leza, utweetela buumi bupya.


Kwiinda mubukombi bwesu, bamwi inga babona lukondo lwa Leza akuzya kumuzuzyiba, kujana buumi bupya muli nguwe.

Iino mvwiki, mukombe Leza kwiinda mukwaambila uumwi ncomubona mububotu bwa Leza. Mumulombe Leza amutondezye muntu uyelede kubandikwa limwi. Inga mwamubuzya muntu ooyo

na uli jisi caano ca bubotu bwa Leza na inga wayanda kuzyibisisya.
Mumutambe amusangane ku cikombelo na ku kabunga
mukukomba Leza andinywe.

Bulembo

Muya Usalala Upa Buumi



'Ime ndamubapatizya mumaanzi, kuti mweempwe, pele oyo uza musule lyangu uli anguzu kwiinda ndime, nkabela mebo nsyeelede nikuba kuyumuna indyasyo zyakwe. Oyu uzoomubapatizya mu-Muuya Uusalala amumulilo.'

Matayo 3:11



Kulibambila

Ncomuyandika ku cibeela eeci:

- Kasako na katabi, kafwaafwi buyo, ku muntu oonse mukabunga
- Cikwama ca mancisi

Sena mwaka:

- Lomba uumwi mukabunga kuti abale caano?
- Lomba uumwi mukabunga kuti abale caano ca mu Bbaibbele?



Kutambula Abwiinguzi

5

tuvwalu-
vwalu

- Mubalumbe boonse kuboola ku kabunga.
- Mutalike amupailo mufwaafwi, mubauba.
- Mubuzye kabunga na kakacita 'Cakucita iino mvwiki' alimwi ancito zya 'Bukamboni' zya mvwiki ya kainda.
- Mwiite bantu baambe cili coonse ncobakaiya na kuzyiba kuzwa ku zyakucita.



Muzeezo

Muzeezo wa cibeela eeci ngwa kuzyiba kuti kuba muna Kristu tacaambi buyo kuzyiba Jesu naaba kusyoma muli nguwe. Jesu wakasyomezya kutuma Muya Usalala kuti ukkale muli ndiswe alimwi akuti Muya Usalala uyakuba nguutupa buumi bupya mu miya yesu.



Cipeto Camumutwe

5

tuvwalu-
vwalu

Mubalisye cipeto camumutwe alimwi amukonzanyo wamu Bbaibbele ku kabunga. Mwamana alimwi mucibale pesi mubale mutubeela-beela tusyoono, mubone kuti kabunga kalatobelezya. Mwiindulule oobu, mbiccaana mbiccaana mubale zyibeela zyilamfu kabunga z yokati tobelezye kusikila limwi boonse bacizyibe lwabo. Mukulwaizye bamwi bantu kusola kwiindulula muli lwabo.

Ime ndamubapatizya mumaanzi, kuti mweempwe, pele oyo uuza musule lyangu uli anguzu kwiinda ndime, nkabela mebo nsyeelede nikuba kuyumuna indyasyo zyakwe. Oyu uzoomubapatizya mu-Muuya Uusalala amumulilo.

Matayo 3:11



Caano

Mubale cibalo eeci ku kabunga.

Lusyomo ukkala munsumbu akati ka busena bwa Okavango, Botswana nkoili kunyika. Busena bulizyibidwe akaambo ka banyama ba musyokwe alimwi mbumwi bwa masena bwiinda kuba amisyobo iitabonwi bonwi ya bayuni munyika. Lusyomo abamukwasyi wakwe balalima zisyu mani eezyo zyobasambala ku nyika yaatala. Mazuba aakwe manji nga kusyanga, kulimina akusambala zyisyango kutegwa alisye mukwasyi wakwe.

Nokuba kuti busena bulizyibidwe, buumi mbuyumu kuli Lusyomo amukwasyi wakwe. Zyiindi zyotatwe mumvwiki Lusyomo weelede kusota cilonga-longa, cizyiba cipati ca meenda, mukusambala zyisyango zya mukwasyi ku musyika wa mucooko cakwe. Uleenda akabwato kasyoonto mumeenda ajisi banyama mbuli baciwena abacihubwe.

Kato kakwe nkasyoonto, nditanda buyo lyakafwalwa mugolo mbuli bwato. Ulakeenzya mukubelesya myuungo, iibambwa amitabi ya zysisamu. Mulimo muyumu eelyo kuti kakupya, cilaindila kuyuma. Kanji kanji ulakatala kataninga sika kunyika iini. Teendi buyo lwakwe, uleenda azyintu zyakusambala. Madeede alalema kapati mubwato.

Kuli muwo kapati mubusena bwa Okavango. Bumwi buzuba kakatede kakwasula bwato, wakamvwa muwo wainda kubusyu

bwakwe alimwi wakaba amuzeezo. Wakayeeya kuti ambweni inga wabelesya muwo ngweena kubamba nyendo yakwe kubauba. Kung'anda wakabambide mulembo mupati, wakausuma antoomwe mpoona wajatanya alutambo ku bwato. Wakakanza kuti ciindi ciboola muwo wakuboola uya kucita candeene.

Bumwi buzuba, Lusyomo wakali anze ameenda kaya ku musyika eelyo muwo wakaboola. Muwo wakajisi nguzu kapati alimwi wakali kububbula ca nguzu. Cakufwambaana, wakasowa mulembo mujulu ucimana wakavwunguluka mu muwo. Wakali mulembo mupati cakuti inga wakwela bwato. Muwo wakazula mu mulembo eelyo wakatalika kukwela bwato. Mukutalika muwo wakajisi kapati nguzu cakuti wakati kwelele bwato mu meenda. Kwiinda kukwasula eeci cakali kufwambaana. Mu ciindi cakusaanguna mubuumi bwakwe wakeenzya bwato kuleka kukwasula. Muwo kuleka maanza aakwe wakali kweenzya Lweendo lwakwe.

Mbuli Lusyomo inga twasoleka kucinca maumi eesu anyika ituzungulukide mukusyoma nguzu zyesu. Mbuli bana Kristu, nokuba boobo, tulijisi coolwe ca Muya Usalala, muwo wakwe, kutupa nguzu kutegwa tucikonzye kweenda akucinca muli lwesu. Mulimo wesu ngwakwiide buyo kumutamba mumaumi eesu, nkubikka mulembo mu muwo.



Luzyibo lwamu Bbaibbele

Bala Matayo 3:11-17 ku kabunga. Citalika a Johane Mubbizyi kakanana.

¹¹Ime ndamubapatizya mumaanzi, kuti mweempwe, pele oyo uuza musule lyangu uli anguzu kwiinda ndime, nkabela mebo nsyeedele nikuba kuyumuna indyasyo zyakwe. Oyu uzoomubapatizya mu-Muuya Uusalala amumulilo.

¹²Cipupuluzyo cakwe cili mujanza lyakwe, nkabela uzoosalazya lubuwa lwakwe, uzoobunganya maila aakwe mubutala, pele buungu uzoobutentela mumulilo uutazimiki.

¹³Lino Jesu wakazwa ku-Galilaya, wakasika ku-Jordano kuli-Johane kuti abapatizigwe anguwe, ¹⁴Pele Johane wakasi mukasye, wakati, Ndime enjeelede kubapatizigwa kulinduwe, anukuti yebo weza kulindime?

¹⁵Nkabela Jesu wakavuwa kuti, Akube boobo, nkaambo kakuti mbuboobo mbutweelede kuzulizya ziluleme zyoonse. Mpawo wakamuzuminina ¹⁶Lino Jesu naakamana kubapatizigwa, mpawo wakazwa mumaanzi. Nkabela kujulu kwakajaluka, elyo wakabona Muuya wa-Leza, ulaseluka mbuli inziba, uleza kulinguwe. ¹⁷Lino kwakazwa ijwi kujulu, lyakati, Ngooyu mwanaangu uuyandika ngunkondelwa.



Johane Mubbizyi wakatumba a Leza kuzya kwambilizya akubamba bantu kuti bali bambile kuboola kwa Jesu. Eeci cibalo ca mu Bbaibbele muli Matayo citwaambila caano ca Jesu kabbizyigwa a Johane Mubbizyi mu mulonga wa Jodani. Kuli zyiyo zyinji zyoitunga twaiya kuli ceeci.

Johane wakali muzyi Jesu

Johane Mubbizyi wakali mwaalumi. Waka jisi lwiito kuli Leza lwa kwaambibilizya ali Jesu pesi wakalizyi lubazu lwakwe munyika eeyi. Wakati, ‘kunze lyangu kuboola ooyo walo undiinda nguzu’ (cisyoonto ca 11). Johane taakali Jesu; wakali buyo muzike wa Leza. Ncimwi buyo kuli toonse. Kanji kanji bantu bacita mbuuti mbobafwutula bantu. Aaya taali masimpe. Tweelede kuzyiba maumi eesu mwagolela eelyo kumwi katulangila kuti Leza abeleke muli ndiswe. Muya Usalala wakwe upa buumi kuli ndiswe akuli

bamwi.

Mu makani mabotu aa Johane, mbuli Jesu mbwakali kuya buswena ku mulonga kukubbizyigwa, Johane wakoompolola, ‘Amubone, Kabelele wa Leza’ (Johane1:36). Sunu, eeci cilibonya kuba mpasulula balozi kucaamba. Ino caamba nzi? Kabelele kakali kubelesyegwa mumazuba aa kaindi mubusyomi bwa ci Juda kuba citulo kuzyibi zya bantu. Kabelele kakali kutulwa kuli Leza eelyo kwiinda muciiimo eeci bantu bakali kusalazyigwa zyibi zyabo akubikkwa munzila mbotu a Leza alimwi. Tibakali kulicitila eeci.

Munzila njiyona, Jesu wakali kabelele ka Leza. Ngo nguwe wakatumwa kuli Leza kuti azyikutulwe kucibi ca nyika. Johane wakaciibaluka eeci akoompolola, ‘Amubone kabelele ka Leza.’ Johane wakali kuyibaluka kuti ooyu wakali mulimo wa Leza walo utubikka munzila mbotu a Leza. Mubwini, Muya wa Leza utupa buumi.

Jesu ubbizya a Muya Usalala amulilo

Kataninga siya basiciiya bakwe Jesu, wakasyomezya kubatumina cipego: Muya wakwe Usalala kuti ukkale muli mbabo. Muya Usalala, mbuli Jesu, ngu Leza uzulide alimwi ulaboola mumaumi eesu twautamba eelyo upanga bube bwa Leza anguzu zyakwe kuti zyibezysu. Bbaibbele likanana kubbizyigwa, na kuzuzyigwa a Muya Usalala.

Ino caamba nzi kuli Jesu kutubbizya a mulilo? Mulilo nci fwanikiso cibelesyegwa mu Bbaibbele kwaamba Muya Usalala kuti ulaa nguzu alimwi taunyoneki. Mulilo ulaumpa akunyonyoona. Kuti na mweebelela syokwe kalipya kuli koonse munyika, mulilo ulaumpa zyoonse. Mulilo wa Leza inga waumpa tuyanza toonse amizeezo itutola kule a Leza.

Cimwi cifwanikiso Bbaibbele ncolibesya ncececo ca guwo. Bbala libelesyegwa mu Bbaibbele Iya kuti 'ruach,' guwo lijisi kapati nguzu lilabbubbula mumaumi eesu. Tatubambidwe cita zyoonse mu buumi. Mbuli mulembo wa Lusyomo mu caano, buumi bwesu bweelede kuzuzyigwa aMuya wa Leza.

Muya Usalala uuli muli ndiswe tautupi buyo buumi, pele utuzumizya kupa buumi kuli bamwi bali mumsi mumsi Iyesu.



Cakucita

Kuli ceeci cakucita muyandika kasako ku muntu oonse mukabunga. Mbuli mbokunga eeci cakucita cijatikizya mulilo, mwalombwa kuti muswene ku busena butakwe ntenda anze kule azyiyako. Nakuli bana batola lubazu muli ceeci mubone kuti kuli mupati ubagwasyilizya.

- Mubweze kasako kenu eelyo mukadomeke mancisi na acisisi.
- Mbuli kasako mbokayaka, mupandulule kuti oobu mbwacita Leza amaumi eesu. Ulabudomeka a Muya wakwe Usalala. Mulilo wiiminina buleza eelyo swebo tulapona. Mubone ncobeni kuti boonse bacimvwa eeci.
- Mubelesye kasako kenu kuyasya tusako toonse mukabunga. Nomucita ceeci, mupandulule kuti oobu mbombubo Muya Usalala mboupa buumi. Mbuli umwi aumwi wesu mbwatola mulumbe wa Jesu kuli bamwi abalo balatambula cipego ca buumi bupya.
- Mulombe bamwi bomwe na bobile bayasye tusako twabamwi kutondezya kuti buumi inga bwapegwa kuzwa kuli umwi kuya kuli umwi muntu.

5
tuvwalu-
vwalu



Johane a Jesu bakalizyi kuti Muya ulapa buumi

Sena ciboneka kugambya kuti Jesu awalo lwakwe wakali kuyandika

kubbila? Jesu wakali muntu uzwide alimwi a Leza uzwide, muntu nyama alimwi usetekene. Lwiimbo lwa kaindi luzyibidwe lwaamba kuti Leza ‘wakaligusya zyoonse zyakajisi muluyando’⁴ kuti aboole muciiimo ca Jesu aano anyika azyootufwutule.

Pesi Jesu, mbuli muntu oonse, wakali kuyanda Muya Usalala kutegwa akonzye kumanizya ceeco Leza, Usyi, ncakali kuyanda kuti acite. Jesu nakabbizyigwa, Muya Usalala wakaselemuka ali nguwe; bantu bakabona cili mbuli nziba kacipumuna ali nguwe. Kuti Jesu lwakwe mwini a Johane Mubbizyi bakayanda buumi bwa Muya Usalala, nkokuti mbweena aswebo!



Cakucita

Kuti Jesu lwakwe mwini wakayanda Muya Usalala ino swebo inga mbubuti mbotuuyanda? Kutegwa tuzuzyigwe a Muya Usalala tweelede kusaanguna kwaamba kuti ‘inzya’ kuli Leza akumuzumizya kukkala mumaumi eesu.

Mubuzye kabunga na kuli omwe uyanda kubweza nzila eeyi sunu. Nankwali nkokuti mupaile ooyu mupailo anguwe kwiinda mukubala mulongo omwe omwe aciindi amana walo katobelezya.

Mwami Jesu, ndiyanda kuzuzyigwa a Muya Usalala.
Ndalumba ku cipego ca buumi bupya ncoondipa.
Sunu, ndasala kucitambula eeco cipego.
Ndalilekelela ku musyobo ngo ndali kupona;
ndakomba boola ukkale muli ndime
akundigwasya kuponena nduwe buumi bwangu boonse.
Ndizuzye Muya wako Usalala eelyo undibambe mupya.
Ameni.

⁴ Charles Wesley, ‘And Can It Be’, 1738



10
tuvwalu-
vwalu

Mubandi

Mube mutubunga twa bantu 3 na 4 mpoona musole kwingula mibuzyo eeyi. Mwamana kubandika, mujane ciindi cakupa bwiinguzi ku mbunga mpati. Nciyandisi kuti boonse baiye kuli umwi aumwi.

- Sena mwakaswangana kale a Muya Usalala? Cakali buti?
- Zyibeela nzi zya maumi eesu zykonzya kucincilwa limwi a Muya Usalala?
- Sena kuli cibi mu buumi bwesu ncotweelede kuvwunwa? Kuti katutali masimpe azyibi, mubuzye na kuli zyibeela zya buumi bwesu zyalo zytupa kulimvwa bubu.

Mubone kuti mwaba aciindi cakwaabana bwiinguzi akabunga koonse.



15
tuvwalu-
vwalu

Mupailo

Mu Bbaibbele bati tweeledede kubikka maanza amutwe wa muntu notupaila. Boonse bantu mukabunga beelede kupaililwa omwe omwe. Mulombe boonse baboole babungane ali ooyo upaililwa eelyo babikke maanza ali nguwe. Antoomwe, mubapailile kuti babbizyigwe (bazuziyigwe) a Muya Usalala. Mulibambile kubona bumboni bwa Muya Usalala kauzuzya bantu: bamwi inga baseka, balila, balimvwa kubaa luumuno na lukondo kwiinda lyaonse. Mutambule Muya Usalala ucite mulimo wawe mukabunga.

Mbuli kabunga mbokacita boobu, muya kubona kuti bamwi bantu bala cimwa munzila ya cibukila mbuta na kuba amicito ya bukali. Bamwi inga babijilwa kapati. Muya kubona bamwi kabatalika kutondezya micito itali ya buntu; cili mbuli kuti muya walitondezya lwawe muli mbabo. Kufwumbwa citicitike, muyeeye kuti Mwami Jesu Kristu nguendelezya. Mutayoowi na kunyonganyizyigwa. Mwaambile buyo muya uumune alimwi muwaambile uzwe mu

muntu ooyo muzyina Iya Mwami Jesu. Inga titwacita zyintu eezyi munguzu zyesu; munguzu buyo zya Jesu.

Muya wamana kuzwa mumuntu na muntu wacimidwe akkalikana, nceciindi cakwiita Muya Usalala kuti uboole uzule akufwusuka mu muntu ooyo. Eeci nciyandisi alimwi ciyakubona kuti ooyu muntu weenda mubulongwe a Jesu.

Mupailile muntu oonse mukabunga, omwe omwe. Inga mwapailila azyeezyo mbazu bantu mobajisi buyumu yumu zyaambwa kale mu mubandi.



Cakucita iino mvwiki

Aimwi mvwiki ilijisi mulimo wa kucitila ku ng'anda. Buzuba abuzuba mulipailile abantu boonse mbomwakanana limwi mbuli mulimo wa bukamboni ngo twacita, kuti Muya Usalala wa Leza uboole akubapa buumi.




Kamboni

Pandulula ku kabunga kuti muzeezo wa Leza tauli buyo wakuleta Muya wakwe Usalala upa buumi kuli ndiswe. Muyeeye bantu boonse mbomwakakanana limwi mumilimo njomwacita kale. Jesu uyanda kuleta buumi kuli boonse alimwi abamwi aliwmi amuli zyimwi mbazu zytuzingulukide. Eeci buyo mbocakabede Jesu nakali munyika. Muya Usalala wakaleta buumi kuli nguwe aku muntu oonse kwiinda muli nguwe.

Iino mvwiki, nyolikke na antoomwe abamwi ba mukabunga, mulombe Muya Usalala umutondezye lomwe lubazu ndomunga mwagwasya mucooko. Mupailile antoomwe kuti Muya Usalala wa Leza ubeleke mu mbazu eeyo alimwi muulombe umutondezye ncomweelede kucita mukubamba kaambo.

Cibeela Ca Bukosoozyi



'Aboobo kuti muntu waba muli-Kristo,
waba mulenge mupya. Zintu zikulukulu
zyamaninina, zyoonse zyaba zipya.'

2 Ba-Korinto 5:7



Kulibambila

Ncomuyandika ku cibeela eeci:

- Cilembyo apepa cenu acaambali ambweni umwi taleta cakwe.

Sena mwaka:

- Lomba uumwi mukabunga kuti abale caano?
- Lomba uumwi mukabunga kuti abale caano ca mu Bbaibbele?
- Baambila boonse kuleta cilembyo amapepa?



5

tuvwalu-
vwalu

Kutambula Abwiinguzi

- Mubalumbwe boonse kuboola ku kabunga.
- Mutalike amupailo mufwaafwi, mubauba.
- Mubuzye kabunga na kakacita 'Cakucita iino mvwiki' alimwi ancito zya 'Bukamboni' zya mvwiki ya kainda.
- Mwiite bantu baambe cili coonse ncobakaiya na kuzyiba kuzwa ku zyakucita.



Muzeezo

Muzeezo wa cibeela eeci iino mvwiki ngwa kuliyezeya tobeni kujatikizya twaambo tupati pati totwalanganya mubbuku lya Matalikilo 1 alimwi akulanga kumbele kuli ceeco ciboola mu Bbuku lya 2.



5

tuvwalu-
vwalu

Cipeto Camumutwe

Mubalisye cipeto camumutwe alimwi amukonzyanyo wamu Bbaibbele ku kabunga. Mwamana alimwi mucibale pesi mubale mutubeela-beela tusyoonto, mubone kuti kabunga kalatobezezya. Mwiindulule oobu, mbiccaana mbiccaana mubale zyibeela zyilamfu kabunga zyakati tobelezezye kusikila limwi boonse bacizyibe lwabo. Mukulwaizye bamwi bantu kusola kwiindulula muli lwabo.

*Aboobo kuti muntu waba muli-Kristo, waba mulenge mupya.
Zintu zikulukulu zyamaninina, zyoonse zyaba zipya.*

2 Ba-Korinto 5:17



Caano

Mubale cibalo eeci ku kabunga.

Kuli ka dolopo kasyoonto kali kumbali amulonga ku UK kategwa Whitby. Kalizyibidwe kapati abuzezyi bwako bwa nswi, akati kazyimwi zyintu. Kwa myaanda ya myaka kunze ooku maanda manji akayakwa mudolopo kutegwa bazezyi banji bajane mwakukkala. Twakali twaanda tuniini, twakayakwa munyika itaduli mumsi mumsi ajeleele. Mumyaka iili kunze ooku bunji bwa maanda aaya akaba maanda ngo baswaila beenzu basikwebelela masena bayanda kuswaya busena oobu eelyo balaba akweebelela lwizi kabotu.

Mu 2012 kwakali mvula nji alimwi akuunga kwa muwo kubi alimwi kwakali kuselemuka kwa nyika oomu mwalo nyika yakali kungsi lya maanda osanwe yakatalika kuselemuka. Manda akatalika kuwa eelyo bantu bakali mumo bakeelede kuzwa cakubinda. Oonse maanda akaonongeka alimwi konongeka kwa maanda kwakayambukila ku maanda aali mumsi mumsi kunselelo adolopo.

Nokuba kuti bwakali busena bubotu kukkala, ncintu ciyoosya kukkala mumsi mumsi mumbali ajeleele eelyo mulimo mupati ulacitwa mukusoleka kufwutula maanda aali mumsi mumsi.



Luzyibo lwamu Bbaibbele

Bala Matayo 7:24-27 ku kabunga:

*²⁴Nkaambo kaako umwi aumwi, uuswiilila majwi aangu aya
akwaacita uzookozyanisigwa amuntu uucenjede iwakayaka*

injanda yakwe atala amwala. ²⁵Lino yakawa imvula, milonga yakapaya, amyuuwo yakaunga, yakauma anjanda eyo, nekubaboobo teeyakawa pe, nkaambo yakatalikidwe amwala. ²⁶Pele umwi aumwi uuswiilila majwi aangu aya akutaacita uzookozyanisigwa amuntu mufubafuba iwakayaka injanda yakwe amuse, ²⁷lino yakawa mvula, milonga yakapaya, myuuwo yakaunga, yakauma anjanda eyo, elyo yakawa, nkabela buwe bwayo bwakakomena.



Mubandi

Mubuzye kabunga na kanabede aluzyibo lwa kuyaka ng'anda.

5

tuvwalu-
vwalu

- Ino inga basala aali aa botu kuyakila?
- Mpaali atakonzyi kuba abotu kuyakila?



Jesu waamba caano ca baalumi bobile, umwi wakayakila mu museenga ng'anda yakwe, eelyo uumwi wakayakila atala amwaala. Mvula ya muwo noyakaboola, mbuli mboicita, ng'anda yakayakidwe amuseenga yakaonongwa, kakuli ng'anda yakali amwaala yakacaala. Zyaano zyesu zyobile zytuyiisya ciyo cibotu: kuti titwabamba matalikilo eesu kabotu nkokuti kufwumbwa ncotwayaka ciyakuwa guwo lya boola. Alimwi zyilatupa bukulwaizi buli bonya, oobu alimwi mbukulwaizi bwa muuya kuli ndiswe. Mbuli bana Kristu tusyoma kuti nciyandisi kuyaka maumi eesu amatalikilo mayumu; alimwi buya kanji kanji Leza ulaitwa kuti 'lbbwe' mu Bbaibbele. Oomu mubbuku, alimwi amuziyeela zya 'Matalikilo' zyoonse twiyya mbotunga twajana buumi bupya muli Leza, ambotunga twayaka buumi oobo amatalikilo mayumu abbwe.

Citola ciindi kuyaka cintu abbwe, ncilamfwu kwiinda mbocitola kuyakila amuseenga. Eeci ncecipa kuti bunji bwa bantu kabasunkwa kubweza nzila mfwaafwi, itasyupi. Pele Bbaibbele litwaambila kuti

tweelede kupona bwandeene. Muli Matayo 7:13-14 Jesu ulati:

¹³Amunjile mumulyango uumanikide, nkaambo mulyango uukwazeme anzila impati njiitola kukunyonyooka, nkabela abo banjila mulinjiyo mbanjibanji. ¹⁴Mulyango uumanikide anzila iipatide njiitola kubuumi, nkabela abo bijana mbace.

Buumi bwesu bwa buna Kristu ndweendo, kuya kuba zyibotu azyibi, makatazayo akusekelela PESI kuti twabikka matalikilo eesu ayuma abbwe inga twazunda cili coonse cikonzya kuboola.



15
tuvwalu-
vwalu

Cakucita

Kucebuka kuzyibeela zyili munsu ziomwabala, mubuzye muntu omwe omwe aambe comwe cintu ca cigaminina ncaiya, ncajana kusyupa na camutalisya kucinca mu mizeezo amicitu.



Mucebuke ku Bbuku 1: Buumi Bwatalika

Mubbuku litaanzi eeli muzyibeela, **Buumi Bwatalika**, twakaleta muzeezo wa buumi bupya mbuli cipego kuzwa kuli Leza. Ncimwi cintu calo ncatujisili toonse, kakutakwe lusaulo lwa mbotubede na ncotwacita. Mbuli cipeto ca mumutwe cesu mbocituyeezya:

*Aboobo kuti muntu waba muli-Kristo, waba mulenge mupya.
Zintu zikulukulu zyamaninina, zyoonse zyaba zipya.*

2 Ba-Korinto 5:17

Lino mbokunga buumi bupya mboobu ino buli buti?

Cipego ca buumi bupya caambilizya kuti na twamulomba, Leza ulatwaangulula kuzwa ku buumi bwesu bwa kaindi bwa cinyonyoono amakatazayo. Tatucaandanyizidwe anguwe, pele ulatujosya mubulongwe bwa luyando anguwe, bwalo butamani.

Ulaboola kuzyi kukkala mu myoyo yesu akutalika mulimo wakutucinculula mukati kuzwa anze. Ulatuyanda mbweena mbotubede, pele kapati cakutatulekezya munzila eeyo. Notwatalika kuzyiba Leza alimwi twazumina kuli nguwe, ulabweza maumi eesu akwabumba kutegwa tube mbuli nguwe.

Mbweena mubuumi mbuli mbotuzyalwa mu mukwasyi, mbocibele abuumi bwesu muli Leza: tulasangana mukwasyi wakwe wa nyika yoonse. Tulijisi bakwesu abacizyi, a Taata wesu waku julu mupya. Eeci caambilizya kuti tatuceede kulilemeka mbuli basinkondonyina amuntu uuli oonse; tweeleda kulekelela baabo mbotwa kalubizyila. Alimwi buya muli Matayo 5:44 Bbaibbele liya ambele akuti:

Mebo ndamwaambila kuti, Amuyande basinkondonyoko, amubakombe bamupenzya.

Mbuli mbotwaamba kale ciya kutola ciindi kuzyiba Leza akutola lubazu mu mukwasyi wesu mupya. Tuyandika ciindi tolikke anguwe alimwi antoomwe amukwasyi wesu wabuna Kristu mupya. Inga twacita eeci kwiinda mukupaila kuli nguwe akumuteelela, kwiinda mukubala akwiiya Bbaibbele, alimwi akwiinda muku mukomba tolikke alimwi aantoomwe amukwasyi wesu mupya.

Mukumanizya twakaleta muntu wa Muya Usalala kuli ndinywe, kumutondezya kuti ngonguwe uboola kukkala mu myoyo yesu ciindi notwamutamba. Muya Usalala uleta buumi, mbuli muwo mu caano ca Lusyomo. Twakajana ciindi ca kupailila Muya Usalala kuti uboole mumaumi eesu eelyo utupe kuswenezegwa kuli Leza.

Kulangila Bbuku 2: Buumi Bulakomena

Mubbuku liccilila, **Buumi Bulakomena**, tuyakwiiya kunji kujatikizya

Muya Usalala ancocaamba kuzuzyigwa anguwe. Tuyakwiiya alimwi abube bwa Leza mbuli mbwali nguwe utuyanda, ambuli luyando lwakwe mbolujatikizya mizeezo amicito yesu. Tuyakutalika kuzyibisisya lufwu lwa Jesu aciingano ncolwaamba kuli ndiswe alimwi a Leza mbwatubona.

Cibeela acibeela ciya kutuzumizya kubona buumi bupya mbotwapegwa, ciya kututondezya bwa kweenda, kujula mizeezo yesu alimwi buya akutukulwaizya mu myoyo yesu. Tulamukulwaizya ncobeni kuti muzumanane alimwi mutusanganane mu Matalikilo Bbuku 2.



15

tuvwalu-
vwalu

Mupailo

Muyeezye kabunga kuti kutegwa batambule cipego ca buumi bupya kuli ceeco coonse ncobaiya mukuba bancobeni beelede kutola ntaamu ya lusyomo, eelyo nkuzumanana kutola ntaamu zya lusyomo mukwiiya kuli Leza. Mubuzye na kuli umwi utaninga tola ntaamu ya lusyomo lwa kutambula cipego ca Leza ca buumi. Na nkwali omwe amupaile anguwe ooyu mupailo:

Ndakulumba Jesu kufwa muciiindi cangu.

Ndalumba kuti wandipa buumi bupya.

Ndalilekelela kuzyibi zyoonse zyili mubuumi bwangu.

Muli zyoonse zyondicitila ndiya kukupa zyoonse zyejisi!

Undigwasye ndibe abuumi bwako bupya.

Ameni.

Mujane ciindi antoomwe ca kulumba Leza kuli zyacitikila kabunga eezyo zyobaabana muciiindi nobali kulanga Matalikilo Bbuku 1.

Mwamana kulumba akulumbaizya Leza, mube aciindi ca kupailila zyintu zya kaanzambwene zymuyanda alimwi azyimukatazya zyalo

bantu bamu kabunga zybajisi ecino ciindi.



Cakucita iino mvwiki

Aimwi mvwiki ilijisi mulimo wa kucitila ku ng'anda. Mujane bbwe, noliba lisyoono ndyomunga mwajata mujanza na lipati ndyomunga mwakkala na kwiima ali ndilyo. Mube aciindi cakuyeeya mbuli mbolili jumu eelyo bbwe. Mwamana mutalike kulumba Leza kuti walo muyumu kwiinda alimwi mumulombe kuti azumanane kuyaka buumi bwenu ali nguwe, 'Bbwe.'



Kamboni

Mupaile alimwi mulombe Leza kuti amutondezye muntu omwe ngomunga mwatamba ku muswaangano uccilila mbuli mbomutalika Bbuku 2. Ambweni inga kali muntu ngomwakali kwaambila caano cenu kwiinda mumilimo ya bukamboni, muntu ngo mwakaabila cipeto ca mumutwe, ngo mwakatondezya zykweekwe zyotatwe na ngo mwakainkide kuya kubandika limwi. Mumwaambile mweelwe wa ncomwaiya ku kabunga amana mubuzye na ulayanda kusangana ciindi ciboola.

Bulembo

Zya mumutwe

‘Mebo ndazyida kuti babe abuumi, akuti buvwule.’

Johane 10:10b

‘Bona, ndiimvwi kumulyango, ndakonkomona, Na kuli muntu uuswiilila ijwi lyangu akundijulila mulyango, nzoonjila mulinguwe, nkalalile awe, alakwe ambebo.’

Ciyubunuzyo 3:20

‘Ndalumba Leza wangu lyoonse nendi mukumuyeeya... Moyo wangu ulisinizye cintu comwe, cakuti oyo iwakamusaangunina mulimo mubotu unooya buulondola mane kusikila kubuzuba bwa-Jesu Kristo.’

Ba-Filipi 1:3&6

‘Nkaambo kaako kamuya mukabaiisye bantu bamisyobo yoonse, akubabapatizya muzina lya-Taata alya-Mwana alya-Muuya Uusalala’

Matayo 28:19

‘Katunga katuyeeyana, kutubusyanya-busyanya mukuyandana akucita milimo mibotu, Tutanoonga katuleka kulibunga-bunga, mbuli bamwi mbubaleka, anu kamucenjezyanya twaambo.’

Hebrayo 10:24-25a

‘Amuleke, muzibe kuti ndime Leza.’

Intembauzyo 46:10a

‘Mangwalo aya oonse akazwa kuli-Leza, alikondede kukufundisya akukulaya, akukuolola akukupandulula makani aabululami, kuti muna-Leza alibambe, azulile kukumana milimo mibotu yoonse.’

2 Timoteo 3:16-17

‘Mulao wa-Jehova ulilondokede, ulabusya muuya. Bukamboni bwa-Jehova bulasyomeka, bulasongwaazya batezi. Zilayandika kwiinda ingolide, kwiinda ingolide zinji loko; Zilalweela kwiinda buci buloka mucimbulwe.’

Intembauzyo 19:7&10

‘Makatazyo aanu oonse amwaasowele kumaanza aakwe, nkaambo nguumucebuka lyoonse.’

1 Petro 5:7

‘Lino nobakamana kukomba, cibunganino cabo cakazungaanizigwa, elyo boonse bakazuzigwa Muuya Uusalala, nkabela bakatalika kwaamba makani aa-Leza akaanzambwene.’

Incito 4:31

‘Nkaambo kaako, bakwesu, ndamukumbila kuti kuluzyalo lwa-Leza mutuule mibili yanu, ibe cipaizyo euumi, cisalala, ciyandisi kuli-Leza, mbubonya bukombe bwanu bwakumoyo.’

Ba-Roma 12:1

‘Ime ndamubapatizya mumaanzi, kuti mweempwe, pele oyo uza musule lyangu uli anguzu kwiinda ndime, nkabela mebo nsyeedele nikuba kuyumuna indyasyo zyakwe. Oyu uzoomubapatizya mu-Muuya Uusalala amumulilo.’

Matayo 3:11

‘Aboobo kuti muntu waba muli-Kristo, waba mulenge mupya. Zintu zikulukulu zyamaninina, zyoonse zyaba zipya.’

2 Ba-Korinto 5:17

Mulongo wa zifwanikiso

Cifwanikiso

Peeji Iya kumbele

Cibeela 1 mutwe wa
peeji

Cibeela 2 mutwe wa
peeji

p20: nkmeki ya
bulongo

p20: cibikkilo ca
maluba

Cibeela 3 mutwe wa
peeji

Cibeela 4 mutwe wa
peeji

Cibeela 5 mutwe wa
peeji

Cibeela 6 mutwe wa
peeji

Cibeela 7 mutwe wa
peeji

Cibeela 8 mutwe wa
peeji

Cibeela 9 mutwe wa
peeji

Cibeela 10 mutwe wa
peeji

Cibeela 11 mutwe wa
peeji

Cibeela 12 mutwe wa
peeji

Cibeela 13 mutwe wa
peeji

Zyijakizya Cifwanikiso

Cifwanikiso aba Crabtree buzuba Unsplash

Cifwanikiso aba Annie Spratt buzuba Unsplash

Cifwanikiso aba Igor Ovsyannykov buzuba Unsplash

Cifwanikiso aba PublicDomainPictures buzuba Pixabay

Cifwanikiso aba cocoparisienne buzuba Pixabay

Cifwanikiso aba Larry Li buzuba Unsplash

Cifwanikiso aba Benny Jackson buzuba Unsplash

Cifwanikiso aba Aman Shrivastava buzuba Unsplash

Cifwanikiso aba Johannes Plenio buzuba Unsplash

Cifwanikiso aba Jonas Verstuyft buzuba Unsplash

Cifwanikiso aba Enrique Vidal Flores buzuba Unsplash

Cifwanikiso aba Jeremy Yap buzuba Unsplash

Cifwanikiso aba Jon Paul Witt, cazumizyigwa
kubeselega

Cifwanikiso aba Jonatan Pie buzuba Unsplash

Cifwanikiso aba Joshua Newton buzuba Unsplash

Cifwanikiso aba Aaron Burden buzuba Unsplash

MATALIKILO 1:

Buumi Bwatalika

Matalikilo nciyo cigwasya bantu kuzyiba akukomena mu bulongwe bwabo a Leza alimwi cilabakulwaizya kubamba cooko cabo. Cakalembelwa kupa zyibelesyo zisumpukide zyikonzya kubelesyegwa mumasena aindene indene amutubunga twazyianza munyika. Matalikilo ajisi mabbuku one, alimwi kalijisi zyiiyo zyambunga zyakukwabana zyili kkumi azyotatwe.

Matalikilo akalembwa abalembi beenzu basikulyaaba kuzwa munyika alimwi akubikkwa antoomwe akulembululwa aba Dignity.

Matalikilo 1: Buumi Bwatalika libambilidwe baabo bapya na batakwe lusyomo. Kuzwa kumatalikilo maubauba lilasolwedela bantu munzila zyitaanzi zya lusyomo akuzyiba Leza.

Amutukwabe ali hello@dignityonline.org.uk na +44(0)7340573937. Ku mitwe ya makani eesu amyulo amuswaye kasabwi kesu: www.dignityonline.org.uk/publications.

Tonga 1st Edition

Pepa lyaatala: The Message Trust

Bubambe bwa pepa lyaatala: Crabtree/Unsplash



www.dignityonline.org.uk